

帝時從討晉安王子助及豫州刺史殷琰封鄱陽侯累遷散騎常侍中領軍勳以世路糾紛有懷止足經始鍾嶺之南以為栖息聚石蓄水髻髯丘中朝士雅素者多往游之明帝臨崩顧命以為守尚書右僕射元徽初桂陽王休範為亂奄至建鄴加勳使持節鎮軍將軍鎮扞石頭勳戰敗死之年五十七贈司空諡曰忠昭公

嚴氏全宋文編劉勳有條對賈友北攻懸瓠書見宋書本傳又有與殷琰書再與殷琰書見琰傳

梁又有青州刺史明舊集十卷亡舊當為僧宋書明帝本紀泰始二年夏四月壬午以散騎侍郎明僧暲為青州刺史

南齊書高逸傳明僧紹字承烈平原高人也弟僧暲亦好學宋孝武見之迎頌其名時人以為榮泰始初為青州刺史

南史明僧紹傳僧紹長兄僧胤僧胤次弟僧暲亦好學宋大明中再使魏於時新誅司空劉誕案即竟陵王誕也 孝武謂曰若問廣陵之事何以答之對曰周之管蔡漢之淮南帝大悅及至魏魏問曰卿銜此命當緣上國無相

踰者耶答曰聰明特達舉袂成帷比屋之叱又無下僕晏子所謂看國善惡故再辱此庭位至青州刺史又云僧紹弟慶符為齊州則其字慶符也

梁又有吳興太守蕭惠開集七卷亡宋書南史本傳惠開南蘭陵人征西將軍思

話子也少有風氣涉獵文史家雖貴戚而居服簡素初為祕書郎著作轉太子舍人與汝南周朗同官友善以偏奇相尚襲封陽縣侯數遷為御史中丞拜益州刺史惠開素有大志至蜀欲廣樹經略善於敘述聞其言者皆以為大功可立才疎意廣竟無成功明識過人嘗三千沙門一閱其名退無所失仕至少府給事中泰始七年卒年四十九

嚴氏全宋文編蕭惠開有集七卷宋書本傳有求解職表南史本傳有斬吉翰子啓梁又有沈宗之集十卷亡

沈宗之始末未詳案魏集類梁又有詳諧文一卷沈宗之撰

梁又有大司馬張辯集十六卷亡

宋書張茂度傳茂度吳郡吳人名與高帝諱同故稱字茂度子演演弟鏡皆有盛名鏡弟永永弟辯太宗亦見任遇歷尚書吏部郎廣州刺史大司馬案演鏡永並有集見前所謂張氏五龍者唯辯弟鏡集不見

嚴氏全宋文編張辯有集十六卷法苑珠林有廬山招提寺釋僧瑜贊高僧傳有釋曇鑒贊各一篇

梁又有金紫光祿大夫王瓊集十五卷錄一卷亡瓊那

宋書王敬弘傳敬弘同高祖諱故稱字子恢之新安太守中大夫恢之弟瓊之世祖大明中吏部尚書金紫光祿大夫諡曰貞子案王敬弘亦有集見前梁書王峻傳祖瓊之金紫光祿大夫父

秀之吳興太守梁又有郭坦之集五卷亡

郭坦之始末未詳梁又有會稽主簿辛湛之集八卷亡

辛湛之始末未詳梁又有太子舍人朱年集二卷亡朱年當為朱百年

宋書隱逸傳朱百年會稽山陰人也少有高情攜妻孔氏入會稽南山以伐樵采箬為業頗能言理時為詠往往有高勝之言郡命功曹州辟從事舉秀才並不就隱跡避人唯與同縣孔凱友善南史作孔啟百年家素貧母冬月無絮自此不衣綿帛嘗就凱宿凱以臥具覆之百年不覺也既覺引臥具去體謂凱曰綿定奇温因流涕悲慟凱亦為之傷感除太子舍人不就孝建元年卒山中年八十七妻孔氏時人美之以比梁鴻妻 南齊書竟陵文獻王子良傳昇明三年子良為都督五郡會稽太守郡民朱百年有至行先卒賜其妻米百斛獨一民給其薪蘇

梁又有東海王常侍鮑德遠集六卷亡鮑德遠始末未詳

案宋代諸王無封東海王者唯廬江王禕傳云禕文帝第八子元嘉二十二年十歲封東海王明帝踐阼改封廬江自元嘉

以迄明帝泰始之元則禕為東海王凡二十一年鮑德遠為其國常侍在泰始之前

歟

梁又有會稽郡丞張綏集六卷亡

張綏始末未詳
宋寧國令劉蒼集七卷

劉蒼始末未詳

宋江州從事吳邁遠集一卷殘缺梁八卷亡

南史文學檀超傳又有吳邁遠者好爲篇章
宋明帝聞而召之及見曰此人連絕之外無
所復有邁遠好自誇而蚩鄙他人每作詩得
稱意語輒擲地呼曰曹子建何足數哉超聞
而笑曰昔劉季緒才不逮於作者而好詆訶
人文章季緒瑣瑣焉足道哉 案劉季緒名脩此
所云皆魏志陳思王傳注之言也 至於邁遠何爲
者乎 案南史上文附載豫章熊襄事此云又有吳邁遠
者明邁遠亦是豫章郡人爲本州從事也

鍾嶸詩品曰齊朝請吳邁遠詩善於風人答
贈 案此云齊朝請齊書文學郎巨源傳巨源與袁粲
書言吳邁遠族誅之罰則操筆大禍似邁遠爲桂陽王休
範造檄文因而族誅事在後廢帝元徽二年無由入齊爲
奉朝請鍾氏誤也

馮氏詩紀輯存飛來雙白鶴權歌行陽春歌
胡笳曲長相思別離杞梁妻楚朝曲古意
贈今人游廬山臨終詩十一篇

宋宛胸令湯惠休集三卷梁四卷

宋書徐湛之傳元嘉二十四年湛之出爲南
兗州刺史廣陵城舊有高樓湛之更加脩整
招集文士盡游玩之適一時之盛也時有沙
門釋惠休善屬文辭采綺豔湛之與之甚厚
世祖命使還俗本姓湯位至揚州從事史
鍾嶸詩品評齊惠休上人詩曰惠休淫靡情

過其才世遂匹之鮑照恐商周矣羊曜璠云
是顏公忌照之文故立休鮑之論案此又以湯
惠休爲齊人或亦誤也

唐書經籍藝文志湯惠休集三卷

馮氏詩紀曰湯惠休字茂遠初入沙門名惠
休孝武命使還俗本姓湯位至揚州刺史今
存怨詩行江南思楊花曲白紵歌秋風秋思
楚明妃曲贈鮑侍郎凡八篇十一首 案此揚
州刺史下當有從事史三字

梁又有南海太守孫奉伯集十卷亡

宋書明帝本紀泰始四年三月戊辰以譙南
太守孫奉伯爲交州刺史 案譙南當是淮南之誤
歷代名畫記明帝時虞獻集尙之徐希秀孫奉伯編次
圖書裝背爲妙

又后妃傳後廢帝江皇后泰始五年太宗訪
求太子妃而下筮最吉故爲太子納之諷朝
士州郡令獻物多者將直百金始興太守孫
奉伯止獻琴書其外無餘物上大怒封樂賜
死既而原之

南史循吏孫謙傳謙東莞莒人也從子廉字
思約父奉伯位少府卿淮南太守 又謝莊傳前
廢帝將誅莊孫奉伯說帝曰死人之所同政復一往之苦
不足爲因莊少長富貴且繫之尙方使知天下苦劇然後
殺之未晚帝曰卿言有理繫於左尙方明帝定亂得

南齊書祥瑞志泰始七年明帝遣前淮南太
守孫奉伯往淮陰監元會奉伯與太祖同寢
夢上乘龍上天於下捉龍脚不得覺謂太祖
曰兗州當大庇生民弟不見也奉伯卒於宋

梁又有右將軍成元範集十卷亡
成元範始末未詳

梁又有奉朝請虞喜集十一卷亡
虞喜始末未詳

案東晉有虞喜見晉書儒林傳此殆同姓
名歟

梁又有延陵令唐思賢集十五卷亡

唐思賢始末未詳

梁又有戴凱之集六卷亡

戴凱之有竹譜見史部譜系類
鍾嶸詩品曰晉處士郭泰機晉常侍顧愷之
宋謝世基宋參軍顧邁宋參軍戴凱詩觀此
五子文雖不多氣調警拔吾許其進則鮑照
江淹未足逮止越居中品僉曰宜哉又曰戴
凱人實貧羸而才章富健

宋司徒袁粲集十一卷并目錄梁九卷

宋書南史本傳粲字景倩陳郡陽夏人太尉
淑兄子也父濯揚州秀才蚤卒祖母哀其幼
孤名之曰愷孫清整有風操自遇甚厚嘗著
妙德先生傳以續嵇康高士傳後以自況幼
慕荀奉倩爲人明帝初請改爲粲字景倩其
外孫王筠又云明帝多忌諱反語袁愷爲殞
門帝意惡之乃令改焉粲負才尙氣愛好虛
遠雖位任隆重不以事務經懷獨步園林詩
酒自適嘗作五言詩云訪迹雖中字循寄乃
滄洲蓋其志也明帝臨崩粲爲尙書令與褚
淵劉劭並受顧命加衛將軍中書監開府儀
同三司領司徒順帝即位出鎮石頭時齊高

帝方革命粲自以身受顧託不欲事二姓密

有異圖事泄謂其子最曰本知一木不能支

大廈之崩但以名義至此耳最抱父乞先死

粲曰我不失忠臣汝不失孝子仍求筆作啓

云臣義奉大宋策名兩畢今便歸魂墳壠永

就山丘遂父子俱殞年五十八最字文高時

年十七

唐書經籍藝文志袁粲集十卷

嚴氏全宋文編袁粲有集十一卷今存臨終

啓與釋道明書妙德先生傳馭顧歡夷夏論

凡四篇

梁又有婦人牽氏集一卷亡

牽氏始末未詳

梁又有宋後宮司儀韓蘭英集四卷亡

南齊書武穆裴皇后傳吳郡韓蘭英婦人有

文辭宋孝武世獻中興賦被賞入宮明帝世

用爲宮中職察世祖謂齊武帝也以爲博士教

六宮書學以其年老多識呼爲韓公

金樓子箴戒篇曰齊鬱林王初欲廢明帝其

文則內博士韓蘭英所作也蘭英號韓公總

內事善於文章始入爲後宮司儀 又曰齊

鬱林王時有顏氏女夫嗜酒父母奪之入宮

爲列職帝以春夜命後宮司儀韓蘭英爲顏

氏賦詩曰絲竹猶在御愁人獨向隅棄置將

已矣誰憐微薄軀帝乃還之

鍾嶸詩品評齊鮑令暉齊韓蘭英詩曰蘭英

多也

案宋書后妃傳其後太宗留心後房擬外

百官備位置內職後宮司儀一人官品第

三準左僕射銓人士蓋宋時爲後宮司儀

至齊武帝時爲後宮博士至鬱林王時又

總知內事則入齊久矣鍾氏以爲齊人是

本志以其集題宋後宮云云故列於宋代

之末

右宋代人文凡五十七家附梁有一百十

家通計一百六十七家一百六十七部是

爲別集類分篇第六內江夏王顏延之二家各

二部又重出王韶之一家實止一百六十四家

隋書經籍志考證三十九之七

集部二之七

別集類七齊

齊文帝集一卷殘缺梁十一卷

齊書南史文惠太子長懋傳字雲喬小字白

澤武帝長子也武帝年未弱冠而生太子姿

容豐美爲高帝所愛仕宋歷中書黃門侍郎

高帝受禪封南郡王江左嫡皇孫封王始自

此也武帝卽位爲皇太子初高帝好左氏春

秋太子承旨諷誦以爲口實及正位東儲善

立名尙解聲律工射從容有風儀音韻和辯

引接朝士人人自以爲得意會稽虞炎濟陽

范岫汝南周顒陳郡袁廓並以學行才能應

對左右永明五年冬太子臨國學親臨策試

諸生於坐問少傅王儉曲禮無不敬義儉及

竟陵王子良等各有酬答太子又以此義問

諸學生謝幾卿等一十人並以筆對太子又

問王儉周易乾卦說卦義儉又諮太子孝經

仲尼居曾子侍義臨川王映諮考爲德本義

太子並應機酬答甚有條貫竟陵王子良

俱好釋氏立六疾館以養窮人十年豫章王

嶷薨太子見上友于既至造碑文奏之未及

鐫勒十一年春正月疾篤上表告辭薨於東

宮崇明殿時年三十六斂以袞冕之服諡曰

文惠鬱林立追尊爲文帝廟稱世宗

文選竟陵王行狀有曰文皇帝養德東朝同

九言言德言賢言親言生言靜言昭言真言
節言義又曰竟陵王集有皇太子九言注解
又云衛將軍王儉爲九言序贊

唐日本國見在書目惠文太子集十卷 案此
轉寫誤作惠文

嚴氏全齊文編曰文惠太子追尊爲文帝有
集十一卷今惟南齊書本傳所載疾篤上表
一篇

梁又有齊晉安王子懋集四卷錄一卷亡
子懋有春秋例苑見經部

齊書南史本傳子懋武帝第七子也諸子中
最爲清恬有意思廉讓好學永明八年撰春
秋例苑三十卷奏之爲雍州刺史時啓求所
好書武帝曰知汝常以書讀在心足爲深欣
也賜以杜預手所定左傳及古今善言

梁又有隨王子隆集七卷亡
齊書南史本傳隨郡王子隆字雲興武帝第
八子也性和美有文才娶尚書令王儉女爲
妃武帝以子隆能屬文謂儉曰我家東阿也
海陵王延興元年歷中軍大將軍侍中子隆
年二十一而體過充壯常使徐嗣伯合盧茹
九以自銷損猶無益明帝輔政謀害諸王武
帝諸子中子隆最以才貌見憚故與鄱陽王
鏘同夜先見殺文集行於世 又海陵王本紀延
興元年九月癸未誅新除司徒鄱陽王鏘中軍大將軍隨
郡王子隆

馮氏詩紀齊隨郡王蕭子隆有經劉歊墓下
詩一首

嚴氏全齊文編曰隨郡王子隆歷侍中荊州
刺史中軍大將軍爲明帝所害有集七卷今
存山居序一篇

齊竟陵王子良集四十卷

竟陵王有淨住子見子部雜家
齊書南史本傳子良少有清尚禮才好士善
立勝事夏月客至爲設瓜飲及甘果著之文
教士子文章及朝貴辭翰皆發教撰錄及正
位司徒移居雞籠山西即集學士鈔五經百
家依皇覽例爲四部要略千卷又與文惠太
子同好釋氏子良敬信尤篤所著內外文筆
數十卷雖無文采多是勸戒

文選任彥昇撰行狀曰天才博瞻學綜該明
至若曲臺之禮九師之易樂分龍趙詩析齊
韓陳農所未究河間所未輯有一於此罔不
兼綜者與昔沛獻訪對於雲臺東平齊聲於
揚史淮南取貴於食時陳思見稱於七步方
斯蔑如也又曰山宇初構超然獨往其卉木
之奇泉石之美公所製山居四時序言之已
詳所造箴銘積成卷軸門階戶席寓物垂訓
從諫如順流虛己若不足至於言窮藥石若
味滋旨貴而好禮怡寄典墳雖牽以物役孜
孜無怠弘洙泗之風闡迦維之化豈古人所
謂立言於世沒而不朽者歟又注曰竟陵王
集有皇太子九言注解

南齊書樂志曰永明樂歌者竟陵王子良與
諸文士造奏之人爲十曲
唐書經籍藝文志齊竟陵王集三十卷

馮氏詩紀輯存侍宴游園行宅登山等詩凡
五首
張氏百三家南齊竟陵王集二卷凡啓奏序
淨住子淨行法門七要及詩五十六篇題詞
曰蕭雲英著內外文筆數十卷史謂其無文
采多勸戒比覽遺文斥臺使憂早診獄圍泉
鑄動見規啓仁哉言乎其痼癘乃心也雲
英敬信釋氏撰淨住子淨行法門三十一條
苦言勸諷感泣如雨射雉二啓奏告君父不
離福業觀其惻隱懇誠身行津渡斷欲以王
公努力建道場之幡擊甘露之鼓爲黔首先
唱而天年不永其誰爲乎齊武二十三男中
多賢令文惠竟陵居長表率皆病短折晉安
諸王安能復存父夢曇華子罹刀醜未知西
昌毒固在報應何等也

嚴氏全齊文編竟陵王子良有集四十卷今
存梧桐賦表啓書寶僚七要詩序淨住子序
眼銘耳銘口銘凡二十八篇
梁又有齊開喜公蕭遙欣集十一卷亡
齊書南史宗室傳始安玉道生高帝次兄也
子遙光遙光弟遙欣字重暉鬚鬣中便嶷然
明帝謂江祐曰遙欣雖幼觀其神采殊有局
幹必成令器年十五六便博覽經史弱冠拜
中書郎明帝入輔遙欣與遙光等參預政事
凡所談薦皆得其人建武元年封開喜縣公
遷荊州刺史加都督改封曲江公永元元年
卒年三十一贈司空諡康公

梁又有領軍諮議劉祥集十卷亡

齊太宰褚彥回集十五卷

齊書南史本傳祥字顯徵東莞莒人穆之曾孫也少好文學性韻剛疎輕言肆行不避高下仕宋入齊建元中爲正員郎永明初撰宋書譏斥禪代尙書令王儉密以啓聞上銜而不問爲臨川王驃騎從事中郎於朝士多所貶忽著連珠十五首以寄其懷有以祥連珠啓上上令御史中丞任遐奏其過惡付廷尉上別勅祥曰我當原卿性命令卿萬里思愆卿能改革當令卿得還乃徙廣州不得意終日縱酒少時卒年三十九

鍾嶸詩品評齊黃門謝超宗潯陽太守邱靈鞠給事中郎劉祥司徒長史檀超正員郎鍾憲諸稽令顏則秀才顧則心詩曰檀謝七君並祖襲顏延欣欣不倦得士大夫之雅致乎嚴氏全齊文編劉祥有集十卷南齊書本傳有對獄鞫辭及連珠十五首

齊書南史本傳褚淵字彥回河南陽翟人祖秀之宋太常父湛之驃騎將軍尙宋武帝女淵少有世譽復尙文帝女姑姪二世相繼拜駙馬都尉除著作佐郎累遷祕書丞襲爵都鄉侯明帝即位改封零都伯歷中書令護軍將軍與袁粲受顧命輔幼主加尙書令進爵爲侯及袁粲事平進中書監司空齊臺建求爲齊官高帝謙而不許建元元年進位司徒改封南康郡公高帝遺詔以爲錄尙書事粲年四十八詔贈太宰侍中錄尙書公如故諡曰文簡世頗以名節譏之百姓語曰可憐石

頭城寧爲袁粲死不作褚淵生

南齊書樂志曰宋昇明中太祖爲齊王令司空褚淵造太廟登歌二章

唐書經籍志齊褚彥回集十五卷

唐書藝文志褚淵集十五卷

嚴氏全齊文編褚淵有集十五卷今存秋傷賦爲宋順帝禪位詔及奏議啓書凡十篇

梁又有齊黃門侍郎崔祖思集二十卷亡

齊書南史本傳祖思字敬元清河東武城人魏中尉崔琰七世孫也少有志氣好讀書年

十八爲都昌令齊高帝在淮陰祖思聞風自結爲上輔國主簿甚見親待豫參謀議自相

國從事中郎遷齊國內史高帝受禪除給事中黃門侍郎武帝即位啓陳政事後爲青冀

二州刺史未幾卒

嚴氏全齊文編崔祖思有集二十卷今惟存本傳所載國名啓陳政事啓二篇

梁又有中軍佐鍾嶸集十二卷亡

南史文學鍾嶸傳鍾嶸穎川長社人晉侍中雅七世孫也父蹈齊中軍參軍

梁又有餘杭令丘巨源集十卷錄一卷亡

齊書南史文學傳丘巨源蘭陵蘭陵人也宋初士斷屬丹陽後屬蘭陵少舉丹陽郡孝廉

爲宋孝武所知大明五年勅助徐爰撰國史江夏王義恭取掌書記明帝即位使參詔語

引在左右自南臺御史爲王景文鎮軍參軍元徽中桂陽事起使於中書省撰符檄事平

除奉朝請巨源望有封賞旣而不獲乃與尙

書令袁粲自陳竟不被申沈攸之事起高帝

又使爲尙書符荆州以此又望冀異自是意

常不滿後除武昌太守拜竟不樂江外行武

帝問之巨源曰古人云寧飲建鄴水不食武

昌魚臣年已老寧死於建鄴乃以爲餘杭令

明帝爲吳興巨源作秋胡詩有譏刺語以事

見殺

馮氏詩紀輯存詠扇詩二首聽鄰伎詩一首

嚴氏全齊文編丘巨源有集十卷今存爲尙

書符荆州馳檄數沈攸之罪惡與袁粲書各

一篇

齊太尉王儉集五十一卷梁六十卷項那

王儉有喪服古今集記見經部禮類

齊書南史本傳儉祖曇首父僧綽並宋光祿

大夫案皆有集見前 儉生而僧綽遇害爲叔父

僧虔所養幼有神采專心篤學手不釋卷宋

明帝時爲祕書丞上表求校墳籍依七略撰

七志上表獻之表辭甚典又撰定元徽四部

書目少有宰相之志物議咸相推許時大典

將行儉爲佐命禮義詔策皆出於儉褚淵唯

爲禪詔文使儉參治之朝廷初基制度草創

儉問無不決上每曰詩云惟嶽降神生甫及

申今天爲我生儉也儉寡嗜欲惟以經國爲

務手筆典裁爲當時所重撰古今喪服集記

并文集並行於世又王摛傳儉嘗集文學士總校虛

實類物錄之謂之隸事隸事自此始也

南齊書樂志曰永明二年尙書殿中曹奏太

祖高皇帝廟神室奏高德宣烈之舞未有歌

詩郊應須歌辭案郊下鼓配字 穆皇后廟神室亦未有歌辭詔尚書令王儉造太廟二室及郊配辭又曰白紵辭五曲尚書令王儉造

南史王僧虔傳僧虔著書賦儉爲注序甚工

文選任彥昇撰集序略曰公字仲實自晉中興以來六世名德海內冠冕古語云仁人之

利天道運行故呂虔歸其佩刀郭璞誓以淮水公之生也誕授命世期歲而孤叔父司空

簡穆公早所器異年始志學家門禮訓皆折衷於公孝友之性豈伊橋梓夷雅之體無待

章弘初宋明帝居蕃與公母武康公主素不協及即位有詔廢毀舊塋投棄棺柩公以死

固請誓不遵奉表啓酸切義感人神太宗聞而悲之遂無以奪也宋末艱虞百王澆季禮

紊舊宗樂傾恆軌自朝章國紀典彝備物奏議符策文辭表記素意所不蓄前古所未聞

皆取定俄頃神無滯用及國學初興華夷慕義經師人表允資望實立言必雅未嘗顯其

所長持論從容未嘗言人所短弘長風流許與氣類防行無異操才無異能得奉名節迄

將一紀一言之譽東陵倅於西山一盼之榮鄭璞踰於周寶士感知已懷此何極公自幼

及長述作不倦固以理窮言行事該軍國豈直彫章繹采而已哉防嘗以筆札見知恩以

薄技效德是用綴緝遺文永貽世範爲如干秩如干卷所撰古今集記今書七志爲一家

言不列於集集錄如左案此序蓋著於本集目錄之前者是此集明有錄爲梁任昉撰而本志失載也

南史任昉傳儉出自作文令昉點正昉因定數字儉歎曰後世誰知子定書文

又任彥昇竟陵王行狀曰文皇帝養德東朝爰撰九言實該百行命公注解衛將軍王儉

綴而序之李善曰竟陵王集云衛將軍王儉爲九言序贊

鍾嶸詩品曰至如王師文憲既經國遠圖或忽是彫蟲 案梁書文學鍾嶸傳齊永明中爲國子生

明周易衛軍王儉領祭酒頗實接之此稱王師者蓋以此

唐書經籍藝文志王儉集六十卷

馮氏詩紀輯存四五言詩八首又太廟二室及郊配辭三首白紵辭五首

張氏百三家王文憲集一卷凡賦表議奏啓章牋書經義問答贊碑文連珠哀策詩樂歌

綜五十三篇

汪氏文選撰人篇目曰文選有齊王仲寶儉褚淵碑文

嚴氏全齊文編王儉有集六十卷今存高松賦靈丘竹賦策齊公九錫文策命齊王再命

聖書奏勸受禪及章表議啓牋書答王遂之問竟陵王山居贊連珠哀策文碑文冠禮祝

辭凡五十三篇編爲三卷

梁又有齊東海太守謝頴集十六卷亡

南齊書謝瀟瀟傳瀟陳郡陽夏人祖弘微宋太常父莊金紫光祿大夫瀟四兄颺肅頴從世

謂謝莊名兒爲風月景山水頴字仁悠少簡靜解褐祕書郎累至太祖驃騎從事中郎建

元初爲吏部郎至太尉從事中郎永明初高

選文學以頴爲竟陵王友至北中長郎史卒南史謝莊附傳宋末爲豫章太守至石頭遂

白服登烽火樓坐免官詣齊高帝自占謝言辭清麗容儀端雅左右爲之傾目宥而不問

永明中歷吏部郎有簡秀之目卒於北中郎長史

梁又有謝瀟瀟集十卷亡一本作瀟瀟

齊書南史本傳頴弟瀟字義潔年七歲王景文見而異之於宋孝武召見於人衆中瀟

舉止閑祥應對合旨僕射褚彥回以女妻之仕齊累遷中書侍郎衛軍王儉引爲長史雅

相禮遇拜吏部尚書領右軍將軍兄肅在吳興論啓公事稽晚瀟輒代肅爲啓上知非肅

手跡被問見原永泰元年卒於太子詹事年四十五贈金紫光祿大夫謚簡子齊武帝起

禪林寺勅瀟撰碑文

梁又有豫州刺史劉善明集十卷亡

齊書南史本傳劉善明平原人父懷民宋世爲齊北海二郡太守善明少而靜處讀書年

四十刺史劉道隆辟爲治中從事父謂之曰我已知汝立身復欲見汝立官也善明應辟

仍舉秀才宋孝武見其策強直甚異之歷北海太守尚書金部郎冀州刺史直閣將軍宋

後廢帝新立羣臣執政善明獨事齊高帝委身歸誠爲高帝驃騎諮議太尉右司馬高帝

踐阼爲淮南宣城二郡太守封新塗伯善明至郡上表陳事凡一十一條又撰聖賢雜語

奏之託以諷諫上答曰省所獻雜語並列聖

之明規衆智之深軌卿能憲章先範纂錄情
識忠款既昭淵誠肅著當以周旋無忘聽覽
也又諫起宣陽門表陳宜明守宰賞罰立學
校制齊禮廣開賓館以接荒民上又優詔答
之少與崔祖思友善祖思爲青冀二州善明
遺書敘舊因相助以忠概及聞祖思死慟哭
得病建元二年卒年四十九贈左將軍豫州
刺史諡烈伯

嚴氏全齊文編劉善明有集十卷南齊書本
傳有上表陳事遺崔祖思書弘明集有答釋
僧巖書再答三答凡五篇

梁又有侍中褚賁集十二卷亡

南齊書褚淵傳淵長子賁字蔚先解褐祕書
郎昇明中爲太祖太尉從事中郎歷齊世子
中庶子領翊軍校尉建元初仍爲宮官歷侍
中世祖永明六年上表稱疾讓封與弟纂世
以爲賁恨淵失節於宋室故不復仕
南史附傳賁少耿介父背袁粲等附高帝賁
深執不同終身愧恨之有棲退之志位侍中
查回薨服闋武帝以爲侍中領步兵校尉左
戶尚書常謝病在外上以此望之遂諷令辭
爵與弟纂仍居墓下永明七年卒

梁又有徵士劉蚪集二十四卷

南齊書高逸傳劉蚪字靈預南陽涅陽人也
徙居江陵少而好學抗節須得祿便隱宋太
始中仕至晉平王驃騎記室當陽令罷官歸
家靜處斷穀餌朮及胡麻精信釋氏禮佛長
齋注法華經自講佛義建元初州辟爲別駕

永明三年詔徵通直郎建武二年詔徵國子
博士並不就其年卒年五十八南史本傳云
一字德明晉豫州刺史喬七世孫
嚴氏全齊文編曰蚪卒諡文範先生有集二
十四卷南齊書本傳有答竟陵王子良書釋
藏有無量義經序

梁又有司徒主簿徵不就庾易集十卷亡

南齊書高逸傳庾易字幼簡新野新野人也
徙居屬江陵志性恬隱不交外物以文義自
樂安西長史袁象欽其風通書致遺建元初
刺史豫章王辟臨川王映又表薦之永明三
年詔徵太子舍人建武二年復徵爲司徒主
簿並不就卒

又劉蚪傳建元初豫章王爲荊州教辟蚪與
同郡宗測新野庾易並遣書禮請蚪等各修
牋答而不應辟命永明三年刺史廬陵王子
卿表蚪及同郡宗測宗尙之庾易劉昭五人
請加蒲車束帛之命

梁又有顧歡集三十卷亡

顧歡有尙書百問見經部書類
南史隱逸傳歡好學年六七歲知推六甲家
貧父使田中驅雀歡作黃雀賦而歸及長篤
志不倦好黃老通解陰陽書爲數術多効驗
齊高帝踐阼上表進政綱一卷 詳見子部道家
詔稱美之會稽孔珪嘗尋歡共談四本歡曰
蘭石危而密宣國安而疎士季似而非公深
謬而是總而言之其失則同於是著三名論
以正之尙書劉澄臨川王常侍朱廣之並立

論難與之往復而廣之才理尤精詣也 四本
論詳見三國鍾會集條初歡以佛道二家教異學
者互相非毀乃著夷夏論詳見子部道家 歡口
不辯善於著論又注王弼易二繫學者傳之
知將終賦詩言志及卒武帝詔歡諸子撰歡
文義三十卷 案梁皇侃論語義疏引顧歡說隋唐志
不見當編入本集

馮氏詩紀輯存臨終言志詩一首

嚴氏全齊文編顧歡有集三十卷今存本傳
所載獻治綱表夷夏論答袁粲駁夷夏論題
東府柱凡四篇

梁又有劉勰集三十卷亡

劉勰有周易乾坤義見經部易家
南齊書本傳勰所著文集皆是禮義行於世
南史本傳梁武帝少時嘗經伏膺及天監元
年下詔爲勰立碑諡曰貞簡先生所著文集
行於世初勰講月令畢謂學生嚴植之曰江
左以來陰陽律數之學廢矣吾今講此會不
得其彷彿學者美其退讓案月令講義殆亦編入
本集

嚴氏全齊文編曰劉勰字子珪小名阿稱沛
國相人晉丹陽尹恢六世孫有集三十卷南
齊書本傳有與張融王思遠書一篇 案本志
攷去丹陽尹劉恢集詳見東晉劉恢集條
梁又有射聲校尉劉琨集三卷亡
齊書南史劉勰傳勰與兄璉先後舉秀才璉
字子璈方軌正直儒雅不及勰而文采過之
宋泰豫中爲明帝挽郎舉秀才爲建平王景

素征北主簿深見禮遇齊建元初爲武陵王
暉冠軍征虜參軍文惠太子召璉入侍東宮
每上事輒削草尋署中兵兼記室參軍大司
馬軍事射聲校尉卒官

嚴氏全齊文編劉璉有集三卷宋書建平王
宏傳有上書理建平王景素一篇

齊中書郎周顯集八卷梁十六卷

周顯有周易論見經部易類

齊書南史本傳顯少爲族祖朗所知 朗有集
見前卷 宋明帝頗好言理以顯有辭義引入

殿內親近宿直帝所爲慘毒之事顯不敢顯
諫輒誦經中因緣罪福事帝亦爲小止齊高

帝輔政引接顯顯善尺牘沈攸之送絕交書
高帝口授令顯裁答顯音辭辯麗出言不窮

宮商朱紫發口成句汎涉百家長於佛理著
三宗論言空假義西涼州智林道人遺顯書

深相贊美兼善老易與張融相遇輒以玄言
相滯彌日不解兼著作撰起居注始著四聲

切韻行於時

南齊書文學陸厥傳永明末盛爲文章吳興

沈約陳郡謝朓琅邪王融以氣類相推穀汝

南周顯善識聲韻約等文皆用宮商以平上

去入爲四聲以此制韻不可增減世呼爲永

明體 案周沈同時故各有四聲之作周之四聲切韻本

志不著錄經部小學家韻書之首有周研聲韻若干卷疑

卽其書

唐書經籍藝文志周顯集二十卷

嚴氏全齊文編周顯有集十六卷今存言議

各一篇與杜京產書與何點書答張融書難
門律四條重答難門律九條鈔成實論序凡
七篇

梁又有齊左侍郎鮑鴻集二十卷錄一卷亡

鮑鴻始末未詳

案齊書百官志唯王國官有左右常侍侍

郎此左侍郎之上疑有放文

梁又有雍州秀才韋瞻集十卷亡

韋瞻始末未詳 余昔年代陶孝選學使鹹湖北通志

藝文志有韋瞻事蹟當時不留稿今無從考補矣

梁又有正員郎劉懷慰集十卷錄一卷亡

南齊書良政傳劉懷慰字彥泰平原平原人

也仕宋至尚書駕部郎與宗從善明等同爲

太祖心腹懷慰與沈攸之有舊令爲書戒喻

攸之太祖省之稱善齊臺建置齊郡治瓜步

以懷慰爲輔國將軍齊郡太守上謂之曰齊

邦是王業所基吾方以爲顯任經理之事一

以委卿懷慰至郡修治城郭安集居民不受

禮謁民有餉其新米一斛者懷慰出所食麥

飯示之曰且食有餘幸不煩此因著廉吏論

以達其意太祖聞之手勅褒賞進督秦沛二

郡在郡二年遷正員郎領青冀二州中正懷

慰本名開慰世祖卽位以與舅氏名同敕改

之永明九年卒年四十五懷慰與濟陽江淹

陳郡袁象善亦著文翰永明初獻皇德論云

南史劉懷珍傳論曰懷珍宗族文質斌斌自

宋至梁時移三代或以隱節取高或以文雅

見重古人云立言立德斯門其有之乎又篇

目云懷珍從子懷慰懷慰子霽杳欽懷珍族
弟善明從父弟峻從孫訐欽峻訐並有集見梁代
善明集見前

梁又有永嘉太守江山圖集十卷亡

江山圖始末未詳

案南齊書高逸顧歡傳歡吳郡鹽官人卒

於剡還葬舊墓木連理生墓側縣令江山

圖表狀又祥瑞志云永明元年八月鹽官

縣內樂村木連理蓋卽其事則江山圖武

帝初爲鹽官令

梁又有驃騎記室參軍荀憲集十一卷亡

荀憲始末未詳

齊前軍參軍虞義集九卷殘缺梁十一卷

南史王僧孺傳司徒竟陵王子良開西邸招

文學僧孺與太學生虞義丘國賓蕭文瑛丘

令楷江洪劉孝孫並以善辭藻游焉義字士

光會稽餘姚人盛有才藻卒於晉安王侍郎

文選虞子陽詩注虞義集敘曰義字子陽會

稽人也七歲能屬文後始安王引爲侍郎尋

兼建安征虜府主簿功曹又兼記室參軍事

天監中卒

鍾嶸詩品評梁常侍虞義詩曰子陽詩奇句

清拔謝朓嘗嗟誦之

唐書經籍藝文志虞義集十一卷

馮氏詩紀輯存詩十首編入梁代

汪氏文選撰人篇目曰文選有梁虞子陽義

咏霍將軍詩

嚴氏全齊文編曰虞義字士光建武初爲前

軍參軍卒於晉安王侍郎有集十一卷藝文

類聚有與蕭令王僕射書為袁象求諡一篇

廣弘明集二十三有廬山香爐峯寺景法師

行狀一篇刊本無後一篇文編目有之

梁又有平陽令章沈集十卷亡

章沈始末未詳

梁又有車騎參軍任文集十一卷亡

任文始末未詳

梁又有卞鑠集十六卷亡

南史文學丘巨源傳初袁仲明與劉融卞鑠

俱為袁粲所賞恆在坐席粲為丹陽尹取鑠

為主簿好詩賦多譏刺世人坐徙巴州

梁又有婁幼瑜集十六卷亡

婁幼瑜有喪服經傳義疏見經部禮類

梁又有長水校尉祖沖之集五十一卷亡

祖沖之有綴術見子部曆數家

齊書南史文學傳沖之稽古有機思宋孝武

使直華林學省始元嘉中用何承天所製曆

比古十一家為密沖之以為尙疎乃更造新

法上表言之孝武令朝士善曆者難之不能

屈文惠太子在東宮見沖之曆法啓武帝施

行文惠尋薨又寢轉長水校尉造安邊論欲

開屯田廣農殖建武中明帝欲使沖之巡行

四方興造大業可以利百姓者會連有軍事

竟不行著易老莊義釋論語孝經注九章造

綴術數十篇

嚴氏全齊文編祖沖之有集五十一卷宋書

曆志及本傳載上新曆表辯戴法與難新曆

各一篇南史本傳有安邊論亡

案祖沖之所著易義老子義莊子義論語

釋孝經釋九章注諸書本志皆不見維綴

術六卷載之曆數家觀史文連綴所著於

傳末似與所造新曆皆編入本集五十卷

中也

齊中書郎王融集十卷項邪

齊書南史本傳融字元長祖僧達中書令有

集見前卷 母臨川太守謝惠宣女惇敏婦人

也教融書學少而神明警惠博涉有文才舉

秀才累遷太子舍人啓齊武帝求自試從叔

儉初有儀同之授贈儉詩及書儉甚奇之永

明末武帝欲北侵使毛惠秀畫漢武北伐圖

使融掌其事融因此上疏開張北侵之議九

年上幸芳林園禊宴朝臣使融為曲水詩序

文藻富麗當世稱之上以融才辯十一年使

兼主客接魏使房景高宋弁因問曲水詩序

云在北聞主客此製勝於顏延年實願一見

融乃示之後日宋弁謂融曰昔觀相如封禪

以知漢武之德今覽王生詩序用見齊主之

盛融曰皇家盛明豈直比蹤漢武更慚鄙製

無以遠匹相如融踉於名利自恃人地三十

內望為公輔及為中書郎撫案歎曰為爾寂

寂鄧禹笑人及魏軍動竟陵王子良板融寧

朔將軍軍主融文辭捷速有所造作援筆可

待子良特相友好情分殊常特為謀主武帝

病篤融欲矯詔立子良詔草已立西昌侯鸞

入奉太孫上殿子良不得立鸞林深怨融即

位十餘日收下廷尉融獄辭中言所上甘露

頌及銀甕啓三日詩序接虜使語辭竭思稱

揚云云詔於獄賜死融請救於子良子良憂

懼不敢救時年二十七文集行於世

南史王摛傳永明八年天忽黃色照地衆莫

能解司徒法曹王融上天頌摛曰是非金

天所謂榮光武帝大悅

鍾嶸詩品曰至乎吟咏性情亦何貴於用事

思君如流水既是即日高臺多悲風亦惟所

見清晨登隴首羌無故實明月照積雪詎出

經史觀古今勝語多非補假皆由直尋顏延

謝莊尤為繁密於時化之故大明泰始中文

章殆同書鈔近任昉王元長等辭不貴奇競

須新事爾來作者寢以成俗遂乃句無虛語

語無虛字拘攣補納蠹文已甚但自然英旨

罕值其人詞既失高則宜加事義雖謝天才

且表學問亦一理乎

又曰千百年中不聞宮商之辨四聲之論齊

有王元長者嘗謂余云宮商與二儀俱生自

古詞人不知之唯顏憲子乃云律呂音調而

其實大謬唯見范曄謝莊頗識之耳常欲進

知音論未就王元長創其首謝朓沈約揚其

波云云

唐日本國見在書目王融集十卷

唐書經籍藝文志王融集十卷 宋史藝文志七

崇文總目王融文集七卷

馮氏詩紀輯存樂府歌辭四十首四五言雜

詩五十六首

張氏百三家王寧朝集一卷凡賦疏表策問
啓書序淨住子頌哀策文墓銘樂府詩聯句
九十餘篇題詞曰長元曲水詩序有名當世
北使欽賜擬於相如封禪昭明登之文選玄
黃金石斐然盈篇即詞涉比偶而壯氣不沒
其焜耀一時亦有絲也竟陵王宗子長賢元
長投許情分法門贊頌如祚篋夫南齊王業
太孫壞之孝武多男西昌賊之設元長志遂
竟陵當陽蕭氏福祚可世也

汪氏文選撰入篇目曰文選有齊王元長融
策秀才文五首又五首曲水詩序

嚴氏全齊文編王融有集十卷今存擬風賦
桐樹賦策秀才文表疏啓書下獄答辭曲水
詩序淨住子頌哀策文墓誌銘凡五十八篇

齊吏郎部謝朓集十二卷謝朓逸集一卷 一本作
眺非

齊書南史本傳眺字玄暉陳郡陽夏人祖述
吳興太守父緯散騎侍郎眺少好學有美名
文章清麗爲隨王子隆鎮西功曹轉文學子
隆在荊州好辭賦眺尤被賞愛流連晤對不
舍日夕長史王秀之以眺年少相勸欲以啓
開眺知之因事求還道中爲詩寄西府曰常
恐鷹隼擊時菊委嚴霜寄語屬羅者寥廓已
高翔是也仍除新安王中軍記室箋辭子隆
執筆便成文無點易明帝輔政以爲驃騎諮
議領記室掌霸府文筆又掌中書詔誥出爲
宣城太守數遷爲尙書吏部郎善草隸長五

言沈約常云二百年來無此詩也敬皇后遷

耐山陵眺撰哀策文齊世莫有及者東昏失

德江拓與弟祀密謂眺欲行廢立始安王

遙光遙光又遣親人劉渢致意於眺眺自以

受恩明帝不肯答遙光大怒乃稱勅召眺仍

回車付廷尉與徐孝嗣江拓劉暄等連名啓

誅眺又使御史中丞范岫奏收眺下獄死年

三十六眺及殷叡素與梁武以文章相得云

鍾嶸詩品齊吏部郎謝朓詩其源出於謝混

微傷細密頗在不倫一章之中自有玉石然

奇氣秀句往往警逾足使叔源失步明遠變

色善自發詩端而未篇多躡此意銳而才弱

也至爲後進士子之所嗟慕眺極與余論詩

感激頓挫過其文

唐日本國見在書目謝朓集一卷又曰謝朓
集十卷 唐書經籍志謝朓集十卷
宋史藝文志謝朓集十卷又詩一卷
崇文總目謝玄暉文集十卷謝朓撰
晁氏讀書志謝朓集十卷齊謝朓玄暉也明
帝初自中書郎出爲東海太守東昏時爲江
拓黨譖害之尤長五言詩文選所錄眺詩僅
二十首集中多不載今附入
陳氏書錄曰謝宣城集五卷齊中書郎陳郡
謝朓玄暉撰集本十卷樓炤知宣州止以上
五卷賦與詩刊之下五卷皆當時應用之文
衰世之事可采者已見本傳及文選餘視詩
劣焉無傳可也

馮氏詩紀輯存樂府詩四卷又齊粵祭歌八

首南齊書樂志曰建武二年粵祭明堂謝眺

造辭一依謝莊凡迎神八章世祖武皇帝三

章青帝三章赤帝三章黃帝三章白帝三章

黑帝三章送神五章

張氏百三家謝宣城集題辭曰李青蓮論詩

目無往古惟於謝玄暉三四稱服泛月登樓

篇咏數見至欲攜之上華山問青天余讀青

蓮五言詩情文駿發亦有似玄暉者知其興

歎難再誠心儀之非臨風空憶也梁武帝極

重謝詩云三日不讀即覺口臭簡文與湘東

書推爲文章冠冕述作楷模劉孝綽日置兒

案沈休文每稱未有其見貴當時又復如是

今反覆誦之益信古人知言雖漸啓唐風微

遜康樂要已高步諸謝矣
四庫提要曰謝宣城集五卷齊謝眺撰眺以
中書郎出爲宣城太守以選復爲中書郎又
出爲晉安王鎮北諮議南東海太守行南徐
州事遷爲尙書吏部郎被誅其官實不止於
宣城太守然詩家皆稱謝宣城殆以北樓吟
咏爲世盛傳耶張溥刻百三家集合眺詩賦
五卷爲一卷此本五卷即紹興二十八年樓
炤所刻前有炤序猶南宋佳本也
又簡明目錄曰原本十卷宋樓炤惟刻其詩
五卷觀其附載王融和詩知不由綴拾成也
眺詩爲沈約所推賞而鍾嶸則抑揚參半要
皆愛憎之私趙紫芝詩稱輔嗣易行無漢學
玄暉詩變有唐風於文質升降之際獨得其

平

汪氏文選撰人篇目齊謝玄暉眺有新亭渚詩游東田詩銅雀臺詩答呂法曹詩在郡臥病詩夜發新林詩酬王晉安詩出新林浦向板橋詩敬亭山詩休沐詩登三山詩京路夜發詩鼓吹曲一首出尚書省詩中書省詩觀朝雨詩郡內登望詩孫權故誠詩八公山詩和徐都曹詩怨情詩辭隨王履皇后哀策文嚴氏全齊文編據本集文選藝文類聚輯存賦九篇教二章一表三牋一啓三諡策文一哀策文一墓誌銘四祭文三凡二十八篇又文編卷首敍錄曰謝朓集五卷一明刻本一吳騫刻本

梁又有王巾集十一卷亡琅琊

王巾或作王巾中有法師傳十卷見史部雜傳家

鍾嶸詩品評齊記室王巾齊綬遠太守卞彬齊端溪令卞錄詩曰王巾二十詩並愛奇嶮絕慕袁彥伯之風雖不宏綽而文體勦淨去平美遠矣

文選頭陀寺碑文注王簡棲爲頭陀寺碑文詞巧麗爲世所重碑在鄂州題云齊國錄事參軍琅琊王巾製

嚴氏全梁文編曰王巾卒於梁天監四年似當入梁而隋志注列於齊謝朓之下豈入梁不仕者耶有集十一卷今惟存文選頭陀寺碑文一篇

齊司徒左長史張融集二十七卷梁十卷又有張

融玉海集十卷大澤集十卷金波集六十卷亡

張融有少子見子部道家

齊書南史本傳融弱冠有名後浮海至交州於海中作海賦文辭詭激獨與衆異後以示鎮軍顧顛之顛之曰卿此賦實超玄虛但恨不道鹽耳融即求筆注曰漉沙構白熬波出素積雪中春飛霜著路此四句後所足也自序有曰吾文章之體多爲世人所驚夫文豈有常體但以有體爲常常使常有其體又曰吾之文章體亦何異何嘗顛溫涼而錯寒暑綜哀樂而橫歌哭哉政以屬辭多出比事不羈不阡不陌非途非路耳又曰吾義亦如文吾無師無友不文不句頗有孤神獨逸耳又曰吾昔嗜僧言多肆法辯臨卒又戒其子曰吾文體英絕變而屢奇既不能遠至漢魏故無取嗟晉宋豈吾天挺蓋不隴家聲融文集數十卷行於世自名其集爲玉海司徒褚淵問其故融云蓋玉以比德海崇上善耳張氏知名前有敷演鏡暢後有充融卷案融會稽太守暢子也暢有集見前卷又傳論曰有晉自宅淮海張氏無乏賢良及宋齊之間雅道彌盛其前則云敷演鏡暢蓋其尤著者也然景胤敬愛之道少微立履所由其殆優矣謂敷及暢也思光行已卓越非常俗所遵齊高帝所云不可有二不可無一斯言其幾待矣

鍾嶸詩品曰思光紆綏誕放縱有乖文體然亦捷疾豐饒差不局促

唐書經籍藝文志張融玉海集六十卷

馮氏詩紀輯存白日歌蕭史曲憂且吟別詩凡四首

張氏百三家張長史集一卷凡賦牋書門論門律自序誠子詩凡一十四篇題詞曰張氏世理音辭條儀範思光獨詭越驚人似一狂士然孝親敬嫂感德重義人倫之際何聲譽也自序文章云不阡不陌非途非路後有狀者不如其善自狀也海賦文辭詭激欲前無木華雖體製未諧藩籬已判傳詩絕少落落如之白雲清風孤臺明月想見其人 案張融別詩云白雲山上靈清風松下欲欲識離人悲孤蓬見明

四庫提要別集類小序曰集始於東漢荀況諸集後人追題也其自製名者始於張融玉海集

嚴氏全齊文編張融有集二十七卷又玉海集十卷大澤集十卷金波集六十卷今存海賦牋書門律自序白日歌序遺令戒子防墓評凡十三篇 案經部論語類梁有常家語二卷魏博士張融撰亡此防墓評疑即其佚文又疑是聖證論中之張融評也

梁又有齊羽林監庾詔集十卷亡

庾詔始末未詳

梁又有黃門郎王僧祐集十卷亡琅琊

南史王弘傳弘弟子遠遠子僧祐字胤宗幼聰悟叔父微撫其首曰兒神明意用當不作率爾人亦爲從兄儉所重舉秀才爲驃騎法

曹雅好博古善老莊不尙繁華工草隸善鼓琴亭然獨立不交當世沛國劉獻上書薦爲著作佐郎遷司空祭酒謝病不與公卿游齊高帝謂王儉曰卿從可謂朝隱答曰臣從非敢妄同高人直是愛閑多病耳齊武帝數問武僧祐獻講武賦時何點王思遠之徒請交並不降意自天子至於侯伯未嘗與一人游卒於黃門郎子籍

馮氏詩紀輯存贈王儉詩曰汝家在市門我家在南郭汝家饒賓侶我家多鳥雀

案此四句見本傳

梁又有太常卿劉俊集二十卷錄一卷亡齊書南史本傳俊字士操彭城安上里人父勳宋司空勳有集見前卷隨父征竟陵王誕於廣陵以功拜駙馬都尉與齊武帝同直殿內並爲宋明帝所親待由是與武帝款好本名忱宋明帝多忌反劉忱爲臨離改名俊焉齊高帝霸業初建俊先致誠節歷仕高帝武帝鬱林王明帝至東昏即位爲散騎常侍領驍騎將軍五兵尚書卒年六十一贈太常常侍都尉如故諡曰敬

嚴氏全齊文編劉俊有集二十卷今惟存本傳所載蒙山采銅啓一篇

梁又有祕書王寂集五卷亡項邪

齊書王僧虔傳僧虔第九子寂字子玄性迅動好文章讀范滂傳未嘗不歎挹王融敗後賓客多歸之建武初欲獻中興頌兄志謂曰汝膏梁年少何患不達不鎮之以靜將恐貽

譏寂乃止初爲祕書郎卒年二十一齊金紫光祿大夫孔稚珪集十卷

孔稚珪有陸先生傳見史部雜傳家

齊書南史本傳稚珪少學涉有美譽高帝爲驃騎以稚珪有文翰取爲記室參軍與江淹對掌辭筆永明中勅與公卿八座共刪律律文爲二十卷錄敍一卷稚珪表上其事又請立律學助教依五經例詔報從之建武初以魏連歲南侵征役不息百姓死傷乃上表陳通和之策帝不納稚珪風韻清疎好文詠飲酒七八斗與外兄張融情趣相得又與琅邪王思遠廬江何點點弟胤並款交不樂世務居宅盛營山水憑几獨酌傍無雜事門庭之內草萊不剪中有蛙鳴以此當兩部鼓吹云鍾嶸詩品評齊司徒長史張融詹事孔稚珪詩曰德璋生於封谿而文爲雕飾青於藍矣

案張融嘗爲封谿令

唐日本國見在書曰孔稚珪集十卷

唐書經籍藝文志孔稚珪集十卷宋史藝文志同

晁氏讀書志孔稚珪集十卷稚珪道隆孫會稽山陰人爲東南冠族少知名有文采辭章清拔獨冠當世集有序云所爲文章雖行於世竟未撰集今據其遺佚分爲十卷然莫知其爲誰序也

陳氏書錄解題孔德璋集十卷齊太子詹事

孔稚圭德璋撰北山移文其所作也

馮氏詩紀輯存白馬篇二首且發青林游太

平山各一首

張氏百三家孔詹事集一卷凡表奏啓書碑

北山移文祭文詩十八篇題辭曰汝南周顒

結舍鍾嶸後出爲山陰令秩滿入京復經此

山稚珪代山移文絕之昭明取入文選中孔

周二傳俱不載此事豈調笑之言無關紀錄

如嵇康於山濤徒有其書交未嘗絕也

汪氏文選撰人篇目文選有齊孔德璋稚珪

北山移文

孔氏闕里文獻考孔氏別集有先聖二十九

代孫齊散騎常侍稚珪集十卷

嚴氏全齊文編孔稚珪南史作孔珪有集今

存表奏啓北山移文碑文祭文凡十三篇

齊後軍法曹參軍陸厥集八卷梁十卷

南齊書文學傳厥字韓卿吳郡吳人揚州別

駕閑子也少有風概好屬文五言詩體甚新

奇永明九年詔百官舉士司徒左西掾顧嵩

之表薦焉州舉秀才爲王晏少傅主簿遷後

軍行參軍永安九年始安王遙光反厥父閑

被誅厥坐繫尚方尋有赦令厥恨父不及感

慟而卒年二十八文集行於世

鍾嶸詩品評梁秀才陸厥詩曰觀厥文緯具

識丈夫之情狀自製未優非言之失也

唐書經籍藝文志陸厥集十卷

馮氏詩紀輯存蒲坂行齊歌行南郡歌邯鄲

行左馮翊歌京兆歌李夫人及貴人歌各一

首中山王孺子妾歌二首臨江王節士歌一

首又奉答內兄希叔五首案自蒲坂行至臨江王

節士歌皆擬漢書藝文志詩賦略中所載之題詳見余所輯漢志條理第五卷中

汪氏文選撰人篇目曰文選有齊陸韓卿厥答內兄叔詩孺子妾歌

嚴氏全齊文編陸厥集十卷今惟存齊書南史所載與沈約論聲韻書一篇

齊太尉徐孝嗣集十卷梁七卷

齊書南史本傳孝嗣字始昌東海郡人也祖湛之宋司空父聿之著作郎並為太子劭所殺孝嗣在孕得免幼而挺立風儀端簡八歲襲爵枝江縣公見宋孝武帝升階流涕迄於就席帝甚愛之尙康樂公主拜駙馬都尉除著作郎齊建元初國除累遷五兵尙書武帝勅儀曹令史陳淑王景之朱玄真陳義民撰江左以來儀典令諮受孝嗣竟陵王子良好佛法使孝嗣及廬江何胤掌知齊講及衆僧明帝謀廢鬱林孝嗣即還家草太后令以廢立功封枝江縣侯明帝即位進爵為公位尙書令孝嗣愛好文學器量弘雅不以權勢自居故見容明帝之世時連年魏軍動國用虛乏孝嗣表立屯田明帝崩受遺託加中書監永元初輔政進位司空其冬入華林省東昏侯遣茹法珍賜藥卒和帝中興元年贈太尉二年諡曰文忠改封餘干縣公
梁書徐勉傳勉上修五禮表曰伏尋所定五禮起齊永明三年製作歷年未就建武四年齊明帝勅委尙書令徐孝嗣舊事本末隨在南第永元中孝嗣於此遇禍又多零落當時

鳩斂所餘權付尙書左丞蔡仲熊驍騎將軍何休之共掌其事

唐書經籍藝文志徐孝嗣集十二卷

馮氏詩紀輯存白雪歌一首

嚴氏全齊文編徐孝嗣有集十卷今見本傳及齊書禮志通典有表立屯田奏勅蕭元蔚等嗣君廟見議冠婚禮議四篇

梁又有侍中劉暄集十一卷亡

齊書南史江祐傳明帝遺詔轉祐尙書左僕射弟衛尉祀為侍中敬皇后弟劉暄為衛尉與始安王遙光尙書令徐孝嗣領軍蕭坦之六人輔政時呼為六貴東昏即位遷散騎常侍右衛將軍暄字士穆彭城人出身南陽國常侍遙光事起以討暄為名事平暄遷領軍將軍封平都縣侯其年左右小人茹法珍梅蟲兒徐世標譖暄有異志乃見殺和帝中興元年贈散騎常侍撫軍將軍開府儀同三司
梁又有通直常侍表昭明集九卷亡
南齊書良政傳表昭明河東聞喜人宋太中大夫松之孫也父嗣南中郎參軍昭明少傳儒史之業宋泰始中為太學博士議太子婚納徵禮準的經語凡諸僻謬一皆詳正元徽中出為長沙郡丞歷祀部通直郎齊永明三年使虜還為始安內史九年復遣北使建武初為王玄邁安北長史廣陵太守昭明歷郡皆有勤績中興二年卒南史裴松之附傳曰昭明子子野
嚴氏全齊文編表昭明有集九卷本傳及宋

書禮志通典有議皇太子納徵禮郊殷議各一篇

梁又有虞炎集七卷亡

南齊書文學陸厥附傳會稽虞炎永明中以文學與沈約俱為文惠太子所遇意盼殊常官至驃騎將軍南史作驍騎是也

又孝義公孫僧遠傳太祖即位遣兼散騎常侍虞炎十二部使行天下建元三年表列僧遠等二十三人詔並表門閭

馮氏詩紀輯存玉階怨一首又附見謝朓集詩三首

嚴氏全齊文編曰虞炎會稽人初為博士累遷散騎侍郎驍騎將軍有集七卷齊書禮志及通典有郊壇瓦屋議宋本鮑照集有虞炎序各一篇

梁又有吏部郎劉瓛集十卷亡
南史劉劭傳劭彭城安上里人也劭子俊俊弟繪繪弟瑱字士温少有行業文藻篆隸丹青並為當世所稱時有滎陽毛惠遠善畫馬瑱善畫婦人並為當世第一瑱妹為齊鄱陽王妃瑱仕齊歷尙書吏部郎義興太守先繪卒

馮氏詩紀輯存上湘度琵琶碁詩一首
梁又有梁國從事中郎劉繪集十卷亡
南史劉劭傳劭子俊俊弟繪字士章初為齊高帝行參軍豫章王嶷鎮江陵繪為參軍以文義見禮歷中書郎掌詔詔勅助國子祭酒何胤撰脩禮儀永明末都下人士盛為文章

談義皆湊竟陵王西邸繪為後進領袖時張融以言詞辯捷周顛彌為清綺而繪音采不

膽麗雅有風則時人為之語曰三人共宅夾清漳張南周北劉中央言其處二人間也魚

復侯子響誅後豫章王嶷欲求葬之召繪為表言其事繪須臾便成嶷歎曰禰衡何以過

此唯足八字云提攜鞠養俯見成人後魏使至繪以辭辯被勅接使事畢當撰語辭繪謂

人曰無論潤色未易但得我語亦難矣數遷為建安王車騎長史行府國事及梁武起兵

東昏見殺城內遺繪及國子博士范雲等齋其首詣梁武帝於石頭轉大司馬從事中郎

卒案此大司馬即梁武帝故是集題梁國從事中郎南齊書本傳繪聰警有文義善隸書撰能書

人名自云善飛白言論之際頗好矜詡中興二年卒年四十五案齊和帝中興二年亦即梁武帝

天監元年蓋卒於是年四月禪位之前也

梁書劉孝綽傳父繪齊大司馬霸府從事中郎繪齊世掌詔誥孝綽年未志學繪嘗使代

草之

鍾嶸詩品評齊寧朔將軍王融齊中庶子劉繪詩曰元長士章並有盛才詞美英淨至於

五言之作幾乎尺有所短譬應變將略非武侯所長末足以貶臥龍

馮氏詩紀輯存樂府二首詩五首嚴氏全齊文編劉繪有集十卷魚復侯傳有為豫章王嶷乞收葬蛸子響表南史齊宗室傳有與始安王遙光箋禮志有難何修之南

北郊性色議凡三篇齊侍中袁象集五卷并錄

齊書南史本傳象字偉才陳郡陽夏人父凱武陵太守凱有集見前象少有風氣好屬文及

玄言說臨終與兄顯書曰史公才識可喜足懋先基矣史公象小字也舉秀才仕宋為齊

高帝太傅相國主簿祕書丞議駁檀超國史入齊為中書郎兼御史中丞數遷為侍中隆

昌元年卒年四十八諡靖子馮氏詩紀輯存贈庾易一首游仙詩二首

嚴氏全齊文編袁象有集五卷齊書本傳有駁檀超國史條例議南史袁湛附傳有苟蔣

之兄弟罪議謝超宗傳有奏劾超宗凡三篇齊中書郎江免集九卷并錄

江免始末未詳唐書經籍藝文志江免集十一卷舊志岑刊本

作汪矣馮氏詩紀曰江朝請免有綠水曲一首

齊平西諮議宗躬集十三卷宗躬有孝子傳見史家雜傳家

唐書經籍藝文志宗躬集十二卷齊太子舍人沈麟士集六卷

沈麟士有喪服經傳義疏見經部禮類南史隱逸傳麟士幼而俊敏及長博通經史

有高尚之心居貧織簾誦書口手不息鄉里號為織簾先生宋元嘉末文帝令僕射何尚之抄撰五經訪舉學士縣以麟士應選尚之謂子偃曰山藪故多奇士沈麟士黃叔度之

流也汝其師之或勸之仕答曰魚縣默檻天上一契聖人玄晤所以每履吉先吾誠未能

景行坐忘何為不希企日損乃作玄散賦以絕世重陸機連珠每為諸生講之以楊王孫

皇甫謐深達生死而終禮矯俗乃自為終制遺令

嚴氏全梁文編曰沈麟士一作麟士宋侍中懷文族子元嘉末舉學士尋稱疾歸終宋至

齊累徵不就梁受禪與何點同徵又不就天監二年卒年八十五齊書作八十六今從南

史案鄭元慶湖錄金石考載沈氏述祖德碑云天監癸未蓋碑文作於臨卒之年也有集

六卷今存與沈約書辭表薦一篇答張永使者辭功曹一篇終制遺令一篇沈氏述祖德碑一篇凡四篇

烏程蔣鑿文編目錄附注曰述祖德碑其文謬妄百出乃沈氏後人偽撰

右南齊人文凡一十六家附梁有三十六家通計五十二家五十六部是為別集類

分篇第七內謝朓一家二部張融一家四部

隋書經籍志考證卷三十九之八

集部二之八

別集類八

梁武帝集二十六卷梁三十二卷

梁武帝詩賦集二十卷

梁武帝雜文集九卷

梁武帝別集目錄二卷

梁武帝有周易大義見經部易家

金樓子與王篇梁高祖武帝晚年探蹟索

隱窮理盡性究覽墳籍神悟知機讀書不待

溫故一閱皆能誦憶所以馳騁古今備該內

外辯解聯環論精堅白六義四始尤解禮體

登高必賦莫非警策弱冠升朝令聞籍甚太

尉王儉欽上風雅司徒竟陵王待上賓友之

禮范雲時為司徒記室深慕上德自結神游

又曰作連珠五十首以明孝道

又說蕃篇曰竟陵蕭子良好文學我高祖王

元長謝玄暉張思光何憲任昉孔廣江淹虞

炎何憫周顒之儔皆當時之傑號士林也

梁書南史本紀齊竟陵王子良開西邸招文

學高祖與沈約謝朓王融蕭琛范雲任昉陸

倕等並游焉號曰八友天情睿敏下筆成章

千賦百詩直疏便就皆文質彬彬超邁今古

爰自在田及登寶位躬製贊序詔詰銘誥箴

頌棧奏凡諸文集又百二十卷歷觀古昔人

君恭儉莊敬藝能博學罕或有焉

隋書音樂志初武帝之在雍鎮有童謠云襄

陽白銅蹄反縛揚州兒識者言白銅蹄謂馬

也白金色也及義師之興實以鐵騎揚州之

士皆面縛果如謠言故即位之後更造新聲

帝自為之詞三曲又令沈約為三曲以被管

絃帝既篤敬佛法又制善哉大樂大歡天道

仙道神王龍王滅過惡除愛水斷苦轉等十

篇名為正樂皆述佛法又有法樂童子伎童

子倚歌梵唄設無遮大會則為之

梁書劉孝綽傳高祖為藉田詩使僕射徐勉

先示孝綽時奉詔作者數十人

又羊侃傳大同三年車駕幸樂游苑侃預宴

高祖製武宴詩三十韻以示侃侃即席應詔

又王僧孺傳高祖製春景明志詩五百字勅

在朝之人沈約已下同作

又江革傳時高祖盛於佛教朝賢多啓求受

戒革精信因果而高祖未知謂革不奉佛教

乃賜革覺意詩五百字云惟當勤精進自彊

行勝脩豈可作底突如彼必死囚以此告江

革并及諸貴游又手敕云世間果報不可不

信豈得底突如對元延明耶革因啓乞受苦

薩戒底突元延明事亦見本傳

又蕭子雲傳子雲答敕曰臣年二十六著晉

史至二王列傳欲作論草隸法言不盡意十

許年來始見勅旨論書一卷商略筆勢洞澈

字體又以逸少之不及元常猶子敬之不及

逸少自此研思方悟隸式唐寶篆述書賦注云梁

武帝撰書評又云今見帶名行書及制草雜批等四十餘

紙又宋郭若虛圖畫見閣志載梁武帝撰昭公錄畫品

錄之類也與書評當編入本集

又蕭子顯傳中大通三年子顯啓撰高祖集

并普通北伐記其年遷國子祭酒於學遞述

高祖五經義

又文學任孝恭傳孝恭進直書光省為司文

侍郎勅遣製建陵寺刹下銘又啓撰高祖集

序文並富麗

沈約武帝集序略曰我皇誕縱自天生知在

御清明內發疏通外典爰始貴游篤志經術

究淹中之雅旨盡曲臺之奧義莫不因流極

源披條振渾若前疑往滯舊學罕通而起然

直詣妙拔終古善發談端精於持論置墨難

踰摧鋒莫擬有同成誦無假含豪與絕節於

高唱振清辭於蘭晚至於春風秋月送別望

歸皇王高宴心期促賞莫不超挺容與澄發

神衷及登庸歷試辭翰繁蔚賡記風動表議

雲飛懷君人之大德有事君之小心為下奉

上形於辭旨雖密奏忠規遺稿必削而國謨

藩政存者猶多逮乎俯應歸運仰脩乾錄載

筆握簡各有司存如綸之旨時或染翰暨於

設虞靈囿愷樂在鎬鹿鳴四牡皇華棠棣之

歌伐木采薇出車杕杜之讌皆誌志摛藻廣

命羣臣上與日月爭光下與錡石比韻事同

觀海義等窺天觀之而不測游之而不知者

矣竊維左史記言右史記事君舉必書無論

大小況乎感而後思思而後積積而後滿滿

而後言若斯而已哉謹因事立名隨源編次

馬書蕭大園傳保定二年開麟趾殿招集學

士大園預焉梁武集四十卷止一本江陵平

後藏祕閣大圖既入麟趾方得見之乃手寫焉

南史沈約傳約子旋旋次子衆字仲師好學有文辭仕梁爲太子舍人時梁武帝制千文詩衆爲之注解

本志總集類圍棋賦一卷梁武帝撰又曰梁武連珠一卷沈約注梁武帝制旨連珠十卷梁邵陵王綸注梁武帝制旨連珠十卷陸緬注

唐書經籍藝文志梁武帝集十卷

玉海聖文御集類唐志梁武帝集四十卷案此似有跋文

馮氏詩紀輯存樂府一卷三十八篇詩一卷三十三篇聯句一篇題云清暑殿教伯梁體帝與新安太守任昉侍中徐勉丹陽丞劉汎黃門侍郎柳愷吏部郎中謝覽侍中張卷太子中庶子王峻御史中丞陸杲右軍主簿陸倕司徒主簿劉洸司徒左西屬江曹凡十一

張氏百三家輯本序曰帝兼文武之才制旨二百餘卷五禮一千餘卷通史六百卷後世無由誦讀今得其詔令書勅諸篇置帝王集中則魏晉風烈間有存者凡賦詔勅制冊璽書令檄表書序記連珠箴銘雜文凡百九十九餘篇樂府詩聯句六十餘首

嚴氏全梁文編曰帝姓蕭諱衍齊高帝族孫永明初爲巴陵王南中郎法曹行參軍歷衛將軍王儉東閣祭酒數遷至明帝即位封建陽男歷輔國將軍雍州刺史又數遷至和帝

梁武帝淨業賦三卷

時假黃鉞進中書監大司馬錄尚書驃騎大將軍揚州刺史都督中外諸軍事封梁公加九錫位相國進封梁王以中興二年四月受禪改元七天監普通大通中大通大同中大同太清在位四十八年有周易尚書毛詩禮記大義講疏鍾律緯孝經義疏孔子正言通史老子講疏兵書鈔金策圍棋品各若干卷集三十二卷詩賦集二十卷雜文集九卷別集目錄二卷今存賦四篇制七篇詔一百四十七篇勅三十七篇策一册一聖書一宣旨二令三表二議二檄一書十答三天象論一輿駕東行記一序二連珠四凡百箴一硯銘迴文一論蕭子雲書草書狀觀鍾繇書法十二意各一碑文一卽位告天文捨道事佛疏文各一懺文二斷酒肉文四鍾律緯四綜凡二百四十七篇編爲七卷又卷首敘目曰梁武帝集八卷明閻光世蕭梁文苑本

帝自序略曰朕布衣之時唯知禮義不知信向烹宰衆生以接賓客隨物肉食不識菜味及至南面富有天下遠方珍羞貢獻相繼海內異食莫不畢至方丈滿前百味盈俎乃方食輟筋對案流泣恨不得以及温清朝夕供養何以獨甘此膳因亦蔬食不噉魚肉復斷房室不與嬪侍同屋而處四十餘年矣既不食衆生無復殺害障既不御內無復欲惡障除此二障意識稍明內外經書讀便解悟從是以來始知歸向禮云人生而靜天之性也

梁簡文帝集八十五卷陸倕撰并錄

感物而動性之欲也有動則心垢有靜則心淨外動既止內心亦明始自覺悟患累無所由生也乃作淨業賦云爾

嚴氏文編曰梁武帝有淨業賦三卷釋藏策字七號廣弘明集二十九上載之并賦序

梁簡文帝有毛詩十五國風義見經部詩家梁書本紀太宗幼而敏睿識悟過人六歲便屬文高祖憐其早就弗之信也乃於御前面試辭采甚美高祖歎曰此子吾家之東阿讀書十行俱下九流百氏經目必記篇章辭賦操筆立成博綜儒書善言玄理引納文學之士賞接無倦恆討論篇籍繼以文章雅好題詩其序云余七歲有詩癖長而不倦然傷於輕豔當時號曰宮體

又史臣曰太宗幼年聰睿令聞夙標天才縱逸冠於今古文則時以輕華爲累君子所不取焉受制賊臣弗辰所繇終罹懷愆之酷哀哉

南史本紀所著文集一百卷行於世又曰帝自幽繫之後賊乃撤內外侍衛使突騎圍守牆垣悉有枳棘無復紙乃書壁及板郵爲文自序云有梁正士蘭陵蕭世讚立身行道終始若一風雨如晦雞鳴不已弗欺暗室豈況三光數至於此命也如何又爲文數百篇崩後王偉觀之惡其辭切即使刮去有隨偉入者誦其連珠三首詩四篇絕句五篇文並悽愴云

又論曰太宗敏睿過人神采秀發多聞博達富瞻詞藻然文豔用寡華而不實體窮淫麗義罕疏通哀思之音遂移風俗以此而貞萬國異乎周誦漢莊矣我生不辰載離多難始同牖里之拘終類望夷之禍悠悠蒼昊其可問哉

又陸杲傳杲吳郡吳人也子暉字洞元少篤學多所該覽善屬文簡文居藩為記室參軍撰帝集序稍遷太子中庶子掌管記禮遇甚厚初簡文在雍州撰法寶聯璧章與羣賢並抄掇區分者數歲中大通六年而書成命湘東王為序其作者有侍中國子祭酒南蘭陵蕭子顯等三十人以比王象劉邵之皇覽焉案法寶聯璧序云二百二十卷梁書南史本紀皆云三百

卷本志不著錄湘東王序見廣弘明集殿氏輯入梁元帝集序末載作者名位年紀自蕭子顯以下迄於蕭暉凡三十七人時陸軍年十八為最少云

周書北史蕭大圓傳大圓梁簡文帝之子也江陵覆沒隨于謹客長安保定二年封始寧縣公邑千戶尋加車騎大將軍儀同三司并賜田宅奴婢牛馬粟帛等俄而開麟趾殿招集學士大圓預焉梁武帝集四十卷簡文集九十卷各止一本江陵平後並藏祕閣大圓既入麟趾方得見之乃手寫二集一年並畢識者稱歎之

唐日本國見在書目梁簡文帝集八卷 案八下似缺十字 唐書經籍藝文志梁簡文帝集八十卷

宋史藝文志梁簡文帝集一卷 陳氏書錄解題梁簡文帝集五卷案隋志八十五卷唐已闕五卷中與書目止存一卷詩百篇又闕其三首今五卷皆詩總二百四十四篇

張氏百三家輯本序曰梁簡文帝朱邸日久會逢清宴兼以昭明為兄湘東為弟文辭競美增榮棠棣儲極既正宮體盛行但務綺博不避輕華人挾曹丕之資而風非黃初之舊亦時世使然乎帝誠當陽書立身須謹重文章須放蕩是則其生平所處也凡賦詔令教移表疏章啓書序論七勳頌銘碑連珠墓誌銘誄哀辭雜文祭文疏文八十餘篇為一卷樂府六十餘篇詩一百八十篇為一卷 馮氏詩紀輯存樂府一卷詩二卷篇數略同

嚴氏全梁文編曰帝諱綱武帝第三子天監六年封晉安王中大通三年五月立為皇太子太清三年五月即位明年改元大寶在位二年為侯景所廢幽於永福省遇弒明年侯景伏誅追諡曰簡文皇帝廟號太宗有毛詩十五國風義長春義記老子私記莊子講疏談疏竈經各若干卷 案談疏六卷為晉簡文帝之書詳見子部道家 集八十五卷今存賦二十三篇詔六令六教九章二表十八移文一啓四十二書十九勸醫論一七勵一序九頌五連珠一銘十三草堂傳一誄一哀辭一墓誌銘十三碑九雜文七疏文三凡一百九十一篇編為七卷又卷首敘錄曰梁簡文帝集十四

卷明閔光世蕭梁文苑本 梁元帝集五十二卷 梁元帝小集十卷

梁元帝有漢書注見史部正史類 金樓子自序篇予六歲解為詩奉敕為詩曰池萍生已合林花發稍稱風入花枝動日映水光浮因亦稍學為文也 梁書本紀世祖聰悟俊朗天才英發既長好學博綜羣書下筆成章出言為論才辨敏速冠絕一時性不好聲色頗有高名與裴子野劉顯蕭子雲張續及當時才秀為布衣之交著述辭章多行於世所著文集五十卷 南史本紀魏師至凡二十八日徵兵四方未至而城見剋在幽倡求酒飲之製詩四絕梁王督遣尙書傳準監行刑帝謂之曰卿幸為我宣行準捧詩流淚不能禁進土囊而殞之 又論曰歷觀書契以來蓋亦廢興代有未見三葉遼愍若蕭宗之酷善乎鄭文貞公論之曰元帝篤志藝文采浮華而棄忠信戎昭果殺先骨肉而後寇讎口誦六經心通百氏有仲尼之學有公旦之才適足以益其驕矜增其禍患何補金陵之覆沒何救江陵之滅亡 哉案梁元帝嘗以周孔自命故魏鄭公有是言 周書蔡大寶傳蕭督令大寶使江陵梁元帝見之甚悅乃示所制玄覽賦令注解焉三日而畢 金樓子著書篇集三秩三十卷四庫館輯錄曰案梁書本紀文集五十卷隋書經籍志作

五十二卷又有小集十卷疑作此書時方三十卷非訛也

唐書經籍志梁元帝集五十卷梁元帝集十卷

唐書藝文志梁元帝集五十卷又小集十卷陳氏書錄詩集類梁元帝詩一卷即湘東王

張氏百三家集輯本凡賦詔令敕教表啓書檄論議序贊銘碑墓誌祭文騷一百三十七篇樂府二十一首詩九十七首馮氏詩紀輯存樂府詩二卷篇數略同

嚴氏全梁文編曰帝諱釋武帝第七子天監十三年封湘東王以大寶三年十一月即位於江陵改元承聖在位三年爲西魏所擒遇害明年追尊爲孝元皇帝廟號世祖有漢書

注孝德傳忠臣傳顯忠錄丹陽尹傳懷舊志全德志研神記同姓名錄補闕子湘東鴻烈金樓子玉韜連山洞林各若干卷案顯忠錄非元帝書詳見史部雜傳家集五十二卷小集十卷

南史五十劉穀字仲寶隨湘東王在藩十餘年當時文檄皆其所爲張溥本有秋興賦臨秋賦今據藝文類聚編入簡文帝集凡春賦玄覽賦等八篇詔七勅四令九教二表五議一檄一啓二十四書二十論三序十三贊六

銘十一碑十七祭文三附山水松竹格綜一百三十五篇又文編卷首敍錄曰梁元帝集八卷明閻光世蕭梁文苑本案唐志有職貢圖一卷本志不著錄或在本集

昭明太子集二十卷

昭明太子有孝經講義見經部

梁書南史本傳昭明太子美姿容善舉止讀書數行並行過目皆憶每游宴祖道賦詩至十數韻或作劇韻皆屬思便成無所點易帝大弘佛教親自講說太子亦素信三寶偏覽衆經自立三諦法義案即本集所載二諦義法身義二篇也性寬和容衆引納才學之士賞愛無倦恆自討論墳籍或與學士商榷古今繼以文章著述率以爲常中大通三年四月乙巳薨年三十一諡曰昭明詔司徒左長史王筠爲哀册文所著文集二十卷

又劉孝綽傳孝綽再爲太子洗馬掌東宮管記又數遷爲太子僕復掌管記時昭明太子好士愛文孝綽與陳郡殷芸吳郡陸倕琅邪王筠彭城到洽等同見賓禮太子文章繁富羣才咸欲撰錄太子獨使孝綽集而序之

劉孝綽撰集序曰粵我大梁之二十一載盛德備乎東朝承華肇建濫齒時髦居陪出從逝將二紀譬彼登山徒仰峻極同夫觀海莫澄波瀾但職官書記預聞盛藻歌詠不足敢忘編次謹爲一秩十卷第目如左日升松茂與天地而偕長壯思英詞隨歲月而增廣如其後錄以俟賢臣案此見嚴氏全梁文編序凡八百三十言而不注所出序云大梁之二十一載則編於普通三年又云一秩十卷第目如左則初編爲十卷錄一卷也

簡文帝上昭明太子別傳文集表曰臣以不肖妄作明雖出入銅龍瞻仰故實思所以揄

揚盛軌宣記德音謹撰昭明太子別傳文集請備之延閣藏諸廣內永彰茂實式表洪徽簡文帝昭明太子集序曰至於登高體物展詩言志控引解騷包羅比興銘及盤孟贊通圖象七高愈疾之旨表有殊健之則碑窮典正每出則車馬盈衢讎無失禮纒成則列藩擊缶近逐情深言隨手變麗而不淫案此亦見嚴氏文編亦不注所出序凡一千三百五十六言歷敘昭明十四德其下尙有敘文故卷數無由考見大抵簡文正位東宮後爲撰集其遺二十卷與別傳五卷同上也唐書經籍藝文志梁昭明太子集二十卷宋史藝文志五卷

陳氏書錄解題昭明太子集五卷梁太子蕭統德施撰

張氏百三家輯本序曰昭明簡文同母令德文學友於曹子桓兄弟弗如也昭明薨簡文敘其遺集頌德十四合之史傳俱非虛美南史所云埋鵝啓鸞蕩舟寢疾世疑其誣於是論昭明者斷以姚書爲實矣昭明述作文選最有名後人見其選即可以知其志凡賦疏令書啓序七契贊陶靖節傳解二諦義解法身義三十五篇樂府七篇詩二十四篇馮氏詩紀輯存樂府詩一卷篇數略同

四庫提要曰昭明太子集六卷案梁書本傳二十卷隋唐志並同宋志僅載五卷已非其舊此本爲明嘉興葉紹泰所刊凡詩賦一卷雜文五卷賦每篇不過數句蓋自類書采掇而成皆非完本

而

而

而

而

而

又簡明目錄曰此本較張溥本多七召等十三篇而少與明山賓令等五篇蓋兩本皆出撥拾故互有出入其詩亦誤收簡文帝作五首當由不知玉臺新詠所題皇太子乃簡文非昭明也 講案七召亦似誤收嚴氏嘗辯之詳見後何遜集條

又子部類書存目曰錦帶一卷舊題梁昭明太子蕭統撰書錄解題又云梁元帝撰比事儷語在法帖中章草月儀之類詳其每篇自敘之詞皆山林之語非帝所宜言且詞氣不類六朝亦復不類唐格疑宋人案月令集為駢句以備賤啓之用後來附會題為統作耳今刻本昭明集中亦有之題曰十二月啓然昭明集乃後人所輯非其原本未可據以為信也

嚴氏全梁文編曰昭明太子統武帝長子宣帝建號追尊為昭明皇帝廟號高宗有正序文章英華文選各若干卷集二十卷今存賦六篇令六疏一啓十二錦帶書十二月啓一書七七契一序三贊三陶淵明傳祭達摩大師文令旨解二論義令旨解法身義綜凡四十四篇編為三卷又卷首敘錄曰梁昭明太子集六卷一明閻光世蕭梁文苑本一明楊慎五卷本

梁有晉安成王集三十卷亡晉當為梁 梁書南史本傳安成康王秀字彥達文帝第七子也武帝父頊之齊高帝族弟參預佐命封湘縣侯歷官丹陽尹武帝即位追尊為文皇帝 仕齊為著

作佐郎歷太子舍人天監元年封安成郡王二千戶十七年累遷使持節都督雍州刺史薨年四十四册贈侍中司空諡曰康秀於武帝布衣昆弟及為君臣小心畏敬過於疏賤者帝益以此賢之時諸王並下士建安安成二王尤好人物世以二安重士方之四豪案建安王即簡文帝也 秀精意學術搜集經記招學士平原劉孝標使撰類苑書未及畢而已行於世及薨故吏夏侯實等表立墓碑誌有詔許焉當世高才游王門者東海王僧孺吳郡陸倕彭城劉孝綽河東裴子野各製其文欲擇用之而成稱實錄遂四碑並建古未之有也

嚴氏全梁文編曰梁書安成王秀傳有臨江州下給船教臨荆州下招隱逸教凡二篇 梁岳陽王詵集十卷

後周書蕭詧傳詧字理孫蘭陵人也梁武帝之孫昭明太子第三子幼而好學善屬文尤長佛義特為梁武帝所嘉賞梁普通六年封曲江縣公大通三年進封岳陽郡王大同元年除使持節都督雍州刺史後與江陵構隙恐不能自固西魏大統十五年 時為梁武帝太清三年 乃遣使稱藩請為附庸太祖策命詧為梁王魏恭帝元年太祖令柱國于謹伐江陵詧以兵會之及江陵平太祖立詧為梁主居江陵東城資以江陵一州之地其襄陽所統盡歸於我詧乃稱皇帝於其國年號大定恥其威略不振常懷憂憤乃著悃時賦以見

意嘗疆土既狹居常快快遂以憂憤發背在位八載年四十四保定二年二月薨其羣臣諡曰宣皇帝廟號中宗詧篤好文義所著文集十五卷內典華嚴般若法華金光明義疏四十六卷並行於世 又蔡大寶傳大寶文苑贈述晉之章表書記教令詔冊並大寶掌之

隋書外戚蕭歸傳歸父詧初封岳陽王鎮襄陽侯景之亂其兄河東王譽與其叔父湘東王釋不協為釋所害及釋嗣位詧稱藩於西魏乞師請討釋周太祖以詧為梁主遣柱國于謹等率騎五萬襲釋滅之詧遂都江陵有荆郡其西平州延袤三百里之地稱皇帝於其國車服節文一同王者仍置江陵總管以兵戍之

馮氏詩紀輯存建除等雜詩凡十首 嚴氏全梁文編後梁宣帝蕭詧有集十卷今存愍時賦游七山寺賦圍棋賦櫻桃賦臨雍州下教連珠凡六篇 梁王蕭詧集十卷

後周書蕭詧傳詧以憂憤發背而殂高祖又命其太子歸嗣位年號天保歸字仁遠詧之第三子也機辯有文學善於撫御能得其歡心在位二十三載年四十四隋開皇五年五月薨其羣臣諡曰孝明皇帝廟號世宗歸孝梯慈仁有君人之量性尤儉約御下有方境內稱治所著文集及孝經周易義記及大小乘幽微並行於世 隋書外戚傳歸俊辯有才學兼好內典著孝

經周易義記及大小乘幽微十四卷行於世
唐書經籍藝文志後梁明帝集一卷 舊志平
刻本誤作後魏

嚴氏全梁文編後梁明帝蕭暹有集十卷隋
書外戚傳有臨終上隋文帝表一篇

梁邵陵王綸集六卷

梁書南史本傳邵陵王綸字世調武帝第
六子也少聰穎博學善屬文尤工尺牘天監
十三年封邵陵郡王普通五年以西中郎將
權攝南兖州坐事免官奪爵大通元年復封
爵中大通四年為侍中揚州刺史坐免為庶
人頃之復封爵太清二年加征討大都督率
衆討侯景三年春進位司空臺城陷奔禹穴
大寶元年綸至郢州刺史南平王恪上綸為
假黃鉞都督中外諸軍事二年二月為西魏
兵所害年三十三後元帝追諡曰攜

又史臣曰綸聰警有才學性險躁屢以罪黜
及太清之亂忠孝獨存斯可嘉矣
唐書經籍志梁邵平王集四卷 平當為陵
唐書藝文志邵陵王綸集四卷
馮氏詩紀輯存詩六首

嚴氏全梁文編邵陵王綸有集六卷今存贈
言賦及教表啓書墓誌銘碑文祀魯山神文
凡一十篇

梁武陵王紀集八卷

梁書本傳武陵王紀字世詢高祖第八子也
少勤學有文才屬辭不好輕華甚有骨氣天
監十三年封為武陵郡王歷授持節都督益

梁等十三州諸軍事益州刺史太清中侯景
亂紀不赴援高祖崩後乃僭號於蜀改元天
正司馬王僧略直兵參軍徐怵並固諫紀以
為貳於己皆殺之太清五年夏四月紀率軍
東下至巴郡以討侯景為名將圖荆陝世祖
命陸法和等破之獲紀及其第三子圓滿俱
殺之於破口時年四十六有司奏絕其屬籍
世祖許之賜姓饗養氏
唐書經籍志梁武陵王集八卷
唐書藝文志武陵王紀集八卷
馮氏詩紀輯存詩六首

梁蕭琮集七卷

周書蕭管傳管子歸開皇五年薨隋文帝又
命其太子蕭琮嗣位年號廣運琮字温文性
倜儻不羈博學有文義兼善弓馬初封東陽
王尋立為皇太子及嗣位之二年徵琮入朝
琮率其臣下二百餘人朝於長安琮叔父嚴
及弟讞等虜居民奔於陳隋文帝於是廢梁
國拜琮為柱國封莒國公自管初即位歲在
乙亥至是歲在丁未凡三十有三歲 時陳後
主禎明元年隋文帝開皇七年後二年陳亦亡後梁及陳
皆三十三年而亡琮卒於隋煬帝時入隋久矣管歸琮三
集當移後蕭欣集之前

唐書外戚蕭暹傳高祖受禪備禮納其女為
晉王妃煬帝嗣位以皇后之故甚見親重拜

琮內史令改封梁公琮之宗族思疏以上並
隨才擢用於是諸蕭昆弟布列朝廷琮雖羈
旅見北間豪貴無所降下嘗與賀若弼深相
友善弼既被誅復有童謠云蕭蕭亦復起帝
由是忌之遂廢於家未幾而卒贈左光祿大
夫
唐日本國見在書目蕭琮集二卷
馮氏詩紀曰蕭琮有奉和月夜觀星詩一首
嚴氏文編後梁後主蕭琮有集七卷今惟見
國清百錄所載與釋智顛書一篇
梁又有安成煬王集五卷亡
梁書安成康王秀傳 秀有集見前 秀世子機
字智通普通元年襲封安成郡王歷會稽太
守給事中太子洗馬中書侍郎丹陽尹湘州
刺史大通二年薨於州時年三十機美姿容
善吐納家既多書博學彊記然而好弄尚力
遠士子近小人為州專意聚斂無治績頻被
案劾及將葬有司請諡高祖詔曰王好內怠
政可諡曰煬所著詩賦數千言世祖集而序
之
金樓子著書篇安成煬王集一秩四卷四庫
館校錄曰案隋書經籍志安成煬王集五卷
梁司徒諮議宗史集九卷并錄史當為夫
梁書南史本傳夫字明敷南陽涅陽人世居
江陵祖景末時徵太子庶子不就有高名即
宗炳有集見宋人文中夫少勤學有局幹弱冠舉
鄆州秀才仕齊為臨川王常侍時竟陵王子
良集學士於西邸並見圖畫夫亦預焉永明

中與魏和親夫與尚書郎任昉同接魏使皆時選也齊鬱林之為南郡王居西州使夫管

書記夫既以筆札見知亦以貞正見許及文

惠太子薨王為皇太孫夫仍管書記太孫即位多失德夫頗自疎少帝見誅舊寵多被其

禍唯夫與傅昭以清正得免梁武受禪歷太子右衛率五兵尚書參掌大選天監三年卒

時年四十九

唐書經籍藝文志宗夫集十卷 舊志亦誤作宗

史

馮氏詩紀輯存荊州樂三首遙夜吟一首別

蕭諮議衍一首

梁國子博士丘遲集十卷并錄梁十一卷

梁書文學傳遲字希範吳興烏程人也父靈

翰有才名齊太中大夫遲八歲便屬文靈翰嘗謂氣骨似我黃門郎謝超宗徵士何點並

見而奇之州辟從事舉秀才除太學博士累

遷殿中郎高祖平京邑霸府開引為驃騎主

簿甚被禮遇時勸進梁王及殊禮皆遲文也

高祖踐阼拜散騎中書侍郎特詔文德殿時

高祖著連珠詔羣臣繼作者數十人遲文最

美天監四年臨川王宏北伐遲為諮議參軍

領記室時陳伯之在北與魏軍來距遲以書

喻之伯之遂降還拜中書郎遲司徒從事中

郎七年卒官年四十五所著詩賦行於世

南史文學傳遲辭采麗逸時有鍾嶸著詩評

云范雲婉轉清便如流風回雪遲點綴映媚

似落花依草雖取賤文通而秀於敬子其見

稱如此案今本詩評末句云故當淺於江淹而秀於任

昉

唐書經籍藝文志丘遲集十卷

馮氏詩紀輯存侍宴樂游苑等詩凡十一道

張氏百三家丘中郎集輯本序曰南史文學

傳首吳與丘氏靈翰在宋孝武時獻殷貴妃

挽歌特蒙嗟賞希範於梁王踐阼之日勸進

殊禮專典文字革命諸文連珠唱和世不多

見其最有聲者與陳將軍伯之一書耳凡賦

表啓教書銘誄十三篇詩十一篇

汪氏文選撰人篇目文選有梁邱希範遲樂

游苑詩漁浦潭詩與陳伯之書

嚴氏全梁文編丘遲有集鈔四十卷 案見後

總集類 集十一卷文選有與陳伯之書藝文

類聚有思賢賦還林賦教表啓祝銘誄凡十

三篇

梁又有謝朓集十五卷亡

謝朓有書筆儀見史部儀注類

梁書本傳朓父莊宋光祿大夫有名前代莊

有集見前 朓幼聰慧莊器之常置左右十歲

能屬文莊游土山使朓命篇攬筆便就宋孝

武帝游姑孰勅莊攜朓從駕詔為洞井讚於

坐奏之帝曰奇童也著書及文章並行於世

嚴氏全梁文編謝朓有集十五卷本傳有與弟淪書藝文類聚二十六有與王儉書各一篇

江淹有齊史見史部正史篇

梁書南史本傳淹少孤貧常慕司馬長卿梁

伯鸞之為人

不事章句之學留情於文章早

為高平檀超所知常升以上席甚加禮焉宋

建平王景素好士淹隨景素在南兖州廣陵

令郭彥文得罪辭連淹言受金淹被繫獄自

獄中上書景素即日出之尋舉南徐州秀才

對策上第時少帝即位多失德景素鎮京口

咸勸因此舉事日夜謀譏淹知禍機將發乃

贈詩十五首以諷焉齊高帝輔政沈攸之作

亂及桂陽之役是時軍書表記皆使淹具草

相府建補記室參軍高帝讓九錫及諸章表

皆淹製也齊建元二年始置史官淹與司徒

左長史檀超共掌其任參掌詔策淹少以文

章顯晚節才思微退時人謂之才盡凡所著

述百餘篇自撰為前後集并齊史十志並行

於世嘗欲為赤縣經以補山海之闕竟不成

鍾嶸詩品曰文通詩體總雜善於摹擬筋力

於王微成就於謝朓故君子貴自立不可隨

流俗 案此據馮氏詩紀所引今本詩品無末二句而有

夢郭璞事 又江文通卒於梁天監四年而鍾氏詩品稱

為齊光祿並時之人而記載失實乃如此

本志總集篇江淹擬古一卷羅潛注 唐日本國見在書目江文通集一十卷 唐書經籍志江淹前集十卷江淹後集十卷 唐書藝文志江淹前集十卷後集十卷 宋史藝文志江淹集十卷又子部小說家江淹銅劍贊一卷

晁氏讀書志江淹集十卷淹著述百餘篇自撰爲前後集今集二百四十九篇魏晉間名人詩文行於世者往往羨於史所載曹植王粲及淹皆是也豈後人妄益之歟案此晁志誤會也詳見後漢王粲集條下

陳氏書錄解題江文通集十卷梁散騎常侍江淹文通撰

四庫提要曰江文通集四卷淹自序傳稱自少及長未嘗著書惟集十卷考傳中所序官階止於中書侍郎校以史傳正當建元之初則永明以後所作尙不在其內今舊本散佚行於世者惟歙縣汪士賢太倉張溥二本此本乃乾隆戊寅淹鄉人梁賓以汪本張本參核異同又益以睢州湯斌家抄本參互成編汪本闕賦一篇銅劍讚一篇詩二篇張本闕表一篇此皆補完其餘字句皆備錄異同亦均校正較他本爲善也案自序傳蓋作於齊初與史傳所載略同其自編前集十卷後集不知編於何時梁有二十卷合前後爲一編也

又子部譜錄類存目曰銅劍讚一卷梁江淹撰齊永明中掘地得古銅劍淹因詮次劍事考古人鑄兵用銅後世鑄兵用鐵原委以爲之讚雖文止一篇然宋史藝文志文獻通考皆著於錄故附存其目焉

汪氏文選撰人篇目曰文選有梁江文通淹恨賦別賦香爐峯詩望荆山詩雜體詩三十首詣建平王上書

嚴氏全梁文編江淹有齊史十二卷集二十

卷後集十卷今輯存七卷又卷首敍錄曰江淹集十卷一明汪士賢二十名家集本一揚州江氏刻本

張氏書目答問江文通集彙注十卷明胡人驥注刻本

梁尙書僕射范雲集十一卷并錄

梁書南史本傳雲字彥龍南鄉舞陰人晉平北將軍汪六世孫也汪有集見東晉文中 性機警有識善屬文便尺牘下筆輒成時人每疑其宿構仕宋入齊爲竟陵王子良會稽太守丹陽尹府主簿子良爲南徐州南兗州雲並隨府遷每陳朝政得失於子良動相箴諫諫書存者百有餘紙言皆切至齊武帝視之咨嗟良久曰不意范雲乃爾子良爲司徒又補記室初梁武與雲俱在竟陵王西邸情好歡甚後遂參贊謀謨毗佐大業拜黃門侍郎與沈約同心翊贊及受禪遷散騎常侍吏部尙書封霄城縣侯雲以舊恩超居佐命盡誠翊亮知無不爲帝亦推心仗之所奏多允尋遷尙書右僕射二年卒時年五十三贈侍中衛將軍僕射侯如故禮官請諡曰宣勅賜諡曰文有集三十卷

鍾嶸詩品曰梁衛將軍范雲詩清便宛轉如流風迴雪

唐書經籍藝文志梁范雲集十二卷

馮氏詩紀輯存雜詩凡三十八首

汪氏文選撰人篇目曰文選有梁范彥龍雲贈張徐州詩贈王中書詩效古詩一首

嚴氏全梁文編范雲有集十一卷本傳作三十卷藝文類聚有爲柳司空讓尙書令初表第二表除始興郡表凡三篇

梁太常卿任昉集三十四卷

任昉有雜傳見史部雜傳家

南史本傳昉幼而聰敏早稱神悟八歲能屬文自製月儀辭義甚美齊永明初衛將軍王儉每見其文必三復殷勤以爲當時無輩曰自傅季友以來始復見於任子若孔門是用其入室升堂於是令昉作文及見曰正得吾腹中之欲乃出自作文令昉點正昉因定數字儉拊几歎曰後世誰知子定吾文其見知如此後爲司徒竟陵王記室參軍時琅邪王融有才備自謂無對當時見昉之文悅然自失昉尤長載筆頗慕傅亮才思無窮當時王公表奏無不請焉昉起草卽成不加點竄沈約一代辭宗深所推挹梁武帝剋建鄴霸府初開以爲驃騎記室參軍專主文翰每制書草沈約輒求同署嘗被急召昉出而約在是後文筆約參製焉梁臺建禪讓文誥多昉所具昉好獎進士友得其延譽者多見升擢故衣冠貴游多與交好坐上客恆有數十時人慕之號曰任君言如漢之三君也爲家誠殷勤甚有條貫既以文才見知時人云任筆沈詩昉謂甚以爲病晚節轉好著詩欲以傾沈用事過多屬辭不得流便自爾都下士子慕之轉爲穿鑿於是有才盡之談矣所著文章數十萬言盛行於時東海王僧孺嘗論之

以為過於董生楊子防樂人之樂愛人之愛
虛往實歸忘貧去吝行可以厲風俗義可以
厚人倫能使貪夫不取懦夫有立其見重如
此撰雜傳二百四十七卷地記二百五十二
卷文章三十三卷

鍾嶸詩品曰彥昇少年為詩不工故世稱沈
詩任筆防深恨之晚節愛好既篤文亦逾變
善詮事理拓體淵雅得國士之風防既博物
動輒用事所以詩不得奇少年士子效其如
此弊矣

本志總集篇梁有文章始一卷任防撰 案即
文章緣起詳見本條

唐日本國見在書目任防集廿八卷

唐書經籍藝文志任防集三十四卷 宋史藝
文志六卷

明萬曆庚寅河東呂兆禧輯本跋曰近櫺李
特哀沈文不及任集慕古者闕焉爰蒐載集
得詩若文七十有奇篇次為六卷 案所輯凡賦
詩詔令等文七十三篇馮氏詩紀輯存四十五言詩二十篇

二十二首與此略同

張氏百三家任中丞集輯本凡賦詔聖書冊
令教表彈文啓牋書策問序議哀策文碑墓
銘行狀弔文五十八篇詩聯句二十二篇題
辭曰王僧孺之傳任敬子也曰少孺速而未
工長卿工而未速異哉貶前修而昂任君其
東海之盜坐乎 案藝文類聚有王僧孺撰太常敬子
任府君傳 江南文勝古學日微方軌詞苑代
有名人大抵采死翟之毛扶焚象之齒生意

盡矣居今之世為今之言違時抗往則聲華
不立投俗取妍則爾雅中絕求其儷體行文
無傷逸氣者江文通任彥昇庶幾近之然後
知僧孺所稱非盡謬也昭明文選載彥昇令
表序狀彈文生平筆長可悉推見

汪氏文選撰人篇目曰梁任彥昇防有哭范
僕射詩贈郭桐廬詩宣德皇后令策秀才文
三首讓宣城郡公表讓封侯表薦士表讓襲
封表立太宰碑表答七夕詩啓修下墓啓辭
奪禮啓彈曹景宗彈劉整到記室牋勸今上
牋王文憲集序劉先生夫人墓誌齊文宣行
狀案昭明取當代人文惟此為獨多

嚴氏全梁文編輯本四卷凡賦詔九錫文禪
位策聖書令策秀才文教表奏彈文議牋啓
書文章緣起序王文憲集序哀策文碑銘行
狀弔文綜六十四篇又卷首敘錄曰任彥昇
集二卷明刻本

梁有晉安太守謝纂集十卷亡
梁書謝朓傳朓次子纂頗有文才仕至晉安
太守卒官案謝朓有集見前卷與纂通

梁有撫軍將軍柳惔集二十卷亡 惔當為惔
梁書本傳惔字文通河東解人也父世隆齊
司空惔仕齊為西戎校尉梁南秦二州刺史
及高祖起義兵惔舉漢中應之高祖踐阼論
功封曲江縣侯高祖因譙為詩以貽曰惔爾
實冠羣后惟余實念功累遷使持節安南將
軍湘州刺史天監六年十月卒于州時年四
十六贈侍中撫軍將軍諡曰穆惔著仁政傳

及著詩賦粗有辭義
南史柳世隆傳世隆長子悅早卒次子惔好
學工製文尤曉音律少與長兄悅齊名王儉
謂人曰柳氏二龍可謂一日千里嘗預齊武
烽火樓宴帝善其詩謂豫章王嶷曰惔非徒
風韻清爽亦屬文逾麗年六十卒於湘州刺
史 案南史于卒年多從書此云年六十者蓋以六年十
月之數誤也

梁有中護軍柳惔集十二卷亡

柳惔有天監棋品見子部兵家

梁書本傳惔少有志行好學善尺牘與陳郡
謝濬隣居濬深所友愛初宋世有嵇元榮羊
蓋並善彈琴云傳戴安道之法惔幼從之學
特窮其妙高祖至京邑時東昏未平士猶苦
戰惔上牋陳便宜請城平之日先收圖籍及
遵漢祖寬大愛民之義高祖從之惔立行貞
素早有令名少工篇什始為詩曰亭皋木葉
下隴首秋雲飛琅邪王融見而嗟賞因書齋
壁至是預曲宴被詔賦詩嘗奉和高祖登景
陽樓中篇云太液滄波起長楊高樹秋翠華
承漢遠影登逐風游深為高祖所美當時咸
共稱惔善琴嘗以今聲轉棄古法乃著
清調論具有條流
南史柳惔傳惔弟惔仕齊為太子洗馬父憂
去職著述先頌申其罔極之心文甚哀麗後
試守鄱陽初惔父世隆彈琴為士流第一
惔每奏其父曲常感思復變體備寫古曲嘗

賦詩未就以筆揮琴坐客過以筋扣之惺驚其哀韻乃製爲雅音後傳擊琴自於此投壺梟不絕博射必命中弈棋第二品武帝謂周捨曰吾聞君子不可求備至如柳惺可謂具美分其才藝足了十人惺著十杖龜經性好醫術盡其精妙

陳氏書錄詩集類柳吳興集一卷梁吳興太守河東柳惺文暢撰僅有十八首

馮氏詩紀曰柳惺少有志學工爲詩亭皋木葉之句見擣衣詩五首之二章輯存十五篇二十二首

嚴氏全梁文編柳惺有集十二卷弘明集有答釋法雲書難范縝神滅論一篇

梁有豫州刺史柳惺集六卷亡

梁書柳惺傳惺第四弟惺亦有美譽歷侍中鎮西長史天監十二年卒贈寧遠將軍豫州刺史

南史本傳惺弟惺字文深少有大意好玄言通老易梁武帝舉兵至姑熟惺與兄惺及諸友朋於小郊候接歷位給事黃門侍郎與琅邪王峻齊名俱爲中庶子後爲鎮北始興王長史王移鎮益州復請惺帝曰柳惺風標才氣恐不能久爲少王臣王祈請數四不得已以爲鎮西長史蜀郡太守在蜀廉恪爲政益部懷之始興忠武王濬武帝第十一子天監八年秋爲鎮北將軍南兖州刺史九年春遷鎮西將軍益州刺史惺爲長史帶太守首尾凡四年而卒

嚴氏全梁文編柳惺有集六卷藝文類聚有

賦體弘明集有答釋法雲書難范縝神滅論凡二篇

梁尙書令柳忱集十三卷亡

梁書本傳忱字文若惺第五弟也齊和帝卽位爲尙書吏部郎南平太守尋遷侍中高祖踐阼論建義功封州陵伯累遷湘州刺史秘書監天監十年卒時年四十一追贈中書令諡曰穆

南史本傳忱兄弟十五人多少亡唯第二兄惺第三兄惺第四兄惺及忱三兩年間四人迭爲侍中復居方伯當世罕比

梁有義興郡丞何憫集三卷亡

南史何承天傳承天東海郟人也曾孫遜遜從叔憫字彥夷亦以才著聞宦游不達作拍張賦以喻意末云東方曼倩發憤於侏儒遂與火頭食子稟賜不殊位至臺郎

梁有撫軍參軍韋溫集十卷亡
韋溫始末未詳

梁有鎮西錄事參軍到洽集十一卷亡

梁書本傳洽字茂添彭城武原人宋驃騎將軍彥之曾孫也少知名清警有才學士行謝朓文章盛於一時見洽深相賞好日引與談論每謂洽曰君非直名人乃亦兼資文武朓爲吏部欲薦之洽親世方亂深相拒絕遂築室巖阿幽居者積歲樂安任防有知人之鑒與洽兄沼溉並善嘗訪洽於田舍見之歎曰此子日下無雙遂申拜親之禮天監初沼溉俱蒙擢用洽尤見知賞從弟沈亦與齊名高

祖問侍詔丘遲曰到洽何如沈溉遲對曰正情過於沈文章不減溉加以清言殆將難及卽詔爲太子舍人御華光殿詔洽及沈蕭琛任防侍譙賦二十韻詩以洽辭爲工高祖謂防曰諸到可謂才子防對曰臣嘗竊議宋得其武梁得其文天監九年數遷國子博士奉勅撰太學碑普通五年遷給事黃門侍郎領尙書左丞時鸞與欲親戎軍國容禮多自洽出六年遷御史中丞彈糾無所顧望號爲勁直七年出爲雲廳長史尋陽太守大通元年卒於郡年五十一贈侍中諡曰理子昭明太子與晉安王綱令曰明北亮到長史相係凋落傷怛悲惋下能已已到子風神開爽文義可觀當官莅事介然無私皆海內之俊又東序之祕寶洽文集行於世案昭明稱明北亮者謂

明山實也

南史到彥之傳彥之彭城武原人楚大夫屈到後也洽美容質善言吐弱年聽伏曼容講未嘗傍膝伏深歎之直待詔省勅使抄甲部書爲十二卷文集行於世

嚴氏全梁文編到洽有集十五卷今存奏劾劉孝綽周弘正補太學博士議各一篇見梁書劉孝綽傳陳書周弘正傳

梁有太子洗馬劉苞集十卷亡
梁書文學傳苞字孝嘗彭城人也祖劭宋司空父愷齊太子中庶子苞少好學能屬文歷太子洗馬掌書記侍講壽光殿自高祖卽位引後進文學之士苞及從兄孝綽從弟孺同

郡到溉既弟洽從弟沆吳郡陸倕張率並以文藻見知多預讌坐雖仕進有前後其賞賜不殊天監十年卒時年三十臨終呼友人南陽劉之遴託以喪事士友咸歎惜之

南史劉勔附傳苞一字孟嘗俊弟子也叔父繪嘗歎服之家有舊書例皆殘蠹手自編輯筐篋盈滿梁初侍講壽安殿及從兄孝綽等並以文藻見知受詔詠天泉池荷及采菱調下筆即成 案劉勔及子俊俊弟繪弟道並有集見前孝綽集見後

馮氏詩紀輯存侍宴樂游苑詩一首望夕雨一首

梁有南徐州秀才諸葛璩集十卷亡

梁書處士傳璩字幼琅邪陽都人世居京口幼事徵士關康之博涉經史復師徵士臧榮緒榮緒著晉書稱璩有發摘之功方之壺遂璩性勤於誨誘後生就學者日至居宅狹陋無以容之太守張友為起講舍旦夕孜孜講誦不輟時人益以此宗之累辭徵聘天監中舉秀才不就七年卒於家璩所著文章二十卷門人劉勔集而錄之南史作劉勔

梁特進沈約集一百一卷并錄

沈約有諡法見經部論語類

梁書南史本傳約祖林子宋征虜將軍 有集

見前 父璞淮南太守元嘉末被誅約年十三而遭家難流寓孤貧篤志好學晝夜不釋卷遂博通羣籍善屬文齊文惠太子入居東宮為步兵校尉管書記直永壽省校四部圖書

梁武在西邸與約有舊建康城平勳業既就天人允屬約嘗扣其端勸早定大業帝命草其事約乃出懷中詔書并諸選置帝初無所改帝召范雲謂曰生平與沈休文羣居不覺有異人處今日才智縱橫可謂明識我起兵於今年矣功臣諸將實有其勞然成帝業者乃卿二人也天監中奏尚書八條事約居處儉素立宅東田矚望郊阜嘗為郊居賦以序其事約歷仕三代悉舊章博物洽聞當世取則謝玄暉善為詩任彥昇工於筆約兼而有之然不能過也文集一百卷行於世

梁書王筠傳約製郊居賦構思積時猶未都畢乃要筠示其草筠讀至雌霓五激反 連蹤約撫掌欣抃曰僕常恐人呼為霓五難反 次至墜石礎星及冰懸培而帶坻筠皆擊節稱贊約曰知音者希真賞殆絕所以相要政在此數句耳

鍾嶸詩品曰觀休文衆製五言最優詳其文體察其餘論固知憲章鮑明遠也所以不閑於經綸而長於清怨永明相王愛文 謂齊竟陵王子良也 王元長等皆宗附之約於時謝朓未逾江淹才盡范雲名級故微故約稱獨步雖文不至其工麗亦一時之選也見重閭里誦詠成音嶸謂約所著既多今翦除淫雜收其精要尤為中品之第矣故當詞密於范意淺於江也

又曰昔曹劉殆文章之聖陸謝為體貳之才銳精研思千百年中而不聞宮商之辨四聲

之論齊有王元長者嘗謂余云宮商與二儀俱生自古詞人不知之唯見范曄謝莊頗識之耳王元長創其首謝朓沈約揚其波三賢或貴公子孫幼有文辨於是士流景慕務為精密巖積細微專相凌架故使文多拘忌傷其真美余謂文製本須諷讀不可蹇礙但令清濁通流口吻調利斯為足矣至平上去入余病未能蜂腰鶴膝閭里已具

顏氏家訓文章篇沈隱侯曰文章當從三易易見事一也易識字二也易讀誦三也邢子才常曰沈侯文章用事不使人覺若胸臆語也深以此服之又曰邢子才魏收俱有重名時俗準的以為師匠邢賞服沈約而輕任昉魏收愛慕任昉而毀沈約每於談讌辭色以之鄴下紛紜各有朋黨祖孝徵嘗謂吾任沈之是非乃邢魏之優劣也

唐日本國見在書目沈約集百卷又曰沈約八詠一卷 約當是約之誤馮氏詩紀金華志曰八詠詩南齊隆昌元年太守沈約所作題于玄暢樓時號絕唱後人因更玄暢樓為八詠樓云

唐書經籍志沈約集一百卷沈約集略三十卷

唐書藝文志沈約集一百卷又集略三十卷宋史藝文志沈約集九卷又詩一卷 崇文總目無詩一卷

陳氏書錄解題沈約集十五卷別集一卷又九卷梁特進吳興沈約休文撰約有文集百卷今所存惟此而已十五卷者前二卷為賦

餘皆詩也別集雜錄詩文不分卷九卷者皆
詔草也館閣書目但有此九卷及詩一卷凡
四十八首

馮氏詩紀輯存樂府一卷詩二卷又梁雅樂
歌十一首南郊登歌二首北郊登歌二首明
堂登歌五首宗廟登歌七首三朝雅樂歌六
首相和歌辭五首鼓吹曲十二首大壯大觀
舞歌二首鞞舞歌六首

張氏百三家沈隱侯集二卷凡賦詔勅制疏
表章彈文啓書序論義頌贊銘連珠記碑哀
策文諡議墓誌銘行狀文疏一百七十九篇
爲一卷樂府一百六首詩一百三十五首爲
一卷題詞有曰休文大手史書居長傳者獨
宋文集百卷僅存十三云

汪氏文選撰人篇目曰沈休文約有餞呂僧
珍詩別范安成詩鍾山詩宿東山詩沈道士
館詩定山詩新安江詩和謝宣城詩詠月詩
冬節後至丞相第詩愁臥詩湖中雁詩三月
三日詩彈王源宋書謝靈運論恩倖傳論齊
安陸王碑文

嚴氏全梁文編沈隱侯有諡法四聲音書宋
書齊紀高祖紀宋世文章志邇言俗說雜說
袖中記袖中略集珠叢各若干卷集鈔十卷
集一百一卷今存賦十一篇制五篇詔三十
敕三令一答詔一章三表廿三疏一上言一
奏彈六諡議三議一啓十八書十二論十一
記二序四佛義三頌一贊六連珠二銘五哀
策文一墓誌銘六碑七行狀三雜文凡一

百八十一篇編爲八卷又卷首敘錄曰沈約
集四卷明沈道初刻本案又有明萬曆癸丑武陵
楊鶴所刻武康四先生集本四卷似即據沈道初本凡賦
及樂府詩爲二卷詔勅等雜文二卷蓋輯既不備編次亦
未善

梁又有謝綽集十一卷亡
謝綽有宋拾遺見史部雜史類

嚴氏全梁文編曰謝綽有宋拾遺十卷集十
一卷弘明集卷十有答釋法雲書難范縝神
滅論一篇

梁中軍府諮議王僧孺集三十卷
王僧孺有百家譜見史部譜系類

梁書本傳僧孺六歲能屬文既長好學家貧
常傭書以養母所寫既畢諷誦亦通仕齊爲
太學博士尚書僕射王晏深相賞好晏爲丹
陽尹召補功曹使撰東宮新記僧孺與樂安
任昉遇竟陵王西邸以文學友會昉贈詩推
重天監中直文德省撰中表簿及起居注是
時高祖製春景明志詩五百字勅在朝之人
沈約已下同作高祖以僧孺詩爲工僧孺好
墳籍聚書至萬餘卷率多異本與沈約任昉
家書均少篤志精力於書無所不睹其文麗
逸多用新事人所未見者世重其富文集三
十卷兩臺彈事不入集內爲五卷及東宮新
記並行於世

南史本傳司徒竟陵王子良開西邸招文學
僧孺與太學生虞羲丘國賓蕭文球丘令楷
江洪劉孝孫並以善辭藻游焉而僧孺與高

平徐夤俱爲學林工屬文善楷隸多識古事
入直西省知撰譜事武帝因詔僧孺改定百
家譜

唐日本國見在書目王僧孺集十六卷 補似
孺之變體

唐書經籍藝文志王僧孺集三十卷
馮氏詩紀輯存樂府詩共三十七首

張氏百三家王左丞集一卷凡賦體表牋啓
教書序碑墓誌銘傳誄祭文佛事文二十八
篇樂府詩三十六首

嚴氏全梁文編王僧孺有總集十八州譜六
百九十卷百家譜三十卷百家譜集鈔十五
卷兩臺彈事五卷集三十卷今存賦體教表
牋啓書論序傳誄墓誌碑銘禮佛發願文等
凡三十篇

梁尚書左丞范縝集十一卷

梁書儒林傳范縝字真南鄉舞陰人晉安
北將軍汪六世孫縝少孤貧年未弱冠從沛
國劉瓛學卓越不羣瓛甚奇之親爲之冠在
黝門下積年博通經術尤精三禮性質直好
危言高論不爲士友所安唯與外弟蕭琛善
琛名曰口辨每服縝簡詣齊竟陵王子良盛
招賓客縝亦預焉仕齊至宜都太守母憂去
職義師至縝墨經來迎高祖與縝有西邸之
舊見之甚悅以爲晉安太守徵爲尚書左丞
後坐王亮事徙廣州在南累年追還京以爲
中書郎國子博士卒官文集十卷
南史范雲附傳雲從父兄縝年二十九髮白

幡然乃作傷暮詩白髮詠以自嗟齊竟陵王子良精信釋教而續盛稱無佛子良問曰君不信因果何得富貴貧賤續答曰人生如樹花同發隨風而墮自有拂簾幌墜於茵席之上自有關籬牆落於糞溷之中墮茵席者殿下是也落糞溷者下官是也貴賤雖殊途因果竟在何處子良不能居然深怪之退論其理著神滅論論出朝野諠譁子良集僧難之而不能屈太原王琰乃著論譏續曰嗚呼范子曾不知其先祖神靈所在欲杜續後對續又對曰嗚呼王子知其先祖神靈所在而不能殺身以從之其險詣皆此類也子良使王融謂之曰神滅既自非理而卿堅執之恐傷名教以卿之大美何患不至中書郎耶而故乖刺爲此可便毀棄之續大笑曰使范續賣論取官已至今令僕矣何但中書郎耶文集十五卷

鍾嶸詩品曰齊雍州刺史張欣泰梁中書郎范縝詩並希古勝文鄙薄俗製賞心流亮不失雅宗

嚴氏全梁文編范縝有集十一卷今存擬騷招隱士及表書各一篇又神滅論答曹思文難神滅論各一篇

案弘明集載梁武帝敕答臣下神滅論有曰神滅之論朕所未詳又勅答曹思文云續既背經以起義乖理以致談滅聖難以聖責乖理難以理詰如此則言語之論略或可息又有釋法雲奉敕難范縝神滅論

與王公朝貴書當時王公朝貴答書詰難者有臨川王宏南平王偉長沙王淵業蕭景蕭昂蕭素蕭琛蕭摩訶伏嘔何炯曹景宗謝舉韋叡范岫王茂王瑩范孝才王志王揖王泰王緝王珍國王暉王彬王緘嚴植之賀場袁昂徐勉王僧孺王僧恕陸倕陸梁陸熙殷鈞庾夔陸曹思文丘仲孚馬元和蔡搏司馬筠柳惲庾黔婁明山賓司馬駿柳惲謝綽庾詠王琳張緬陸琬沈宏顏繕孫挹劉洽王仲欣沈緄張翻徐緄王靖王筠沈績凡六十三人嚴氏並輯入全梁文編案此皆在梁初所難其在齊時相反覆如王琰諸人者更不知其凡幾自來著論詰難紛紜者當無逾於此其本論見梁書本傳末一段問答乃自敘其本意非特當時之藥石亦後世之炯戒千古名言也

梁護軍將軍周捨集二十卷

周捨有禮義疑見經部禮類

南史本傳捨雖居職屢遷而常留省內罕得休下國史詔詰儀體法律軍旅謀謨皆兼掌之日夜侍上預機密二十餘年未嘗離左右與徐勉同參國政勉小嫌中廢捨專掌權轄雅量不及勉而清簡過之兩人俱稱賢相時議國史疑文帝紀傳之名捨以爲帝紀之籠百事如乾象之包六爻今若追而爲紀則事無所包若直書功德則傳而非紀應於上紀之前略有仰述從之初帝銳意中原羣臣咸

言不可唯捨贊成之大通中累獻捷帝思其功下詔述其德美捨集二十卷
又隱逸傳南嶽鄧先生名郁荊州建平人隱居衡山極峻之嶺斷穀三十餘載梁武帝敬信殊篤天監十四年無疾而終帝後令周捨爲鄧玄傳具序其事
又庾肩吾傳簡文與湘東王書論文體曰至如近世謝朓沈約之詩任昉陸倕之筆斯文章之冠冕述作之楷模張士簡之賦謂張率也有集見後周升逸之辯亦成佳手難可復遇唐書經籍藝文志周捨集二十卷
馮氏詩紀輯存上雲樂一篇還田舍一篇又轉舞歌三首鐸舞曲一首
嚴氏全梁文編周捨有集二十卷今存議七篇鼎銘一首
梁有祕書張熾金河集六十卷亡
張熾始末未詳

案庾肩吾書品下之下有張熾而不著其爵里攷張融始自名其集曰玉海曰大澤

曰金波詳見前卷此又自號爲金河集與融之金波集卷數相同似卽金波集張熾

爲祕書時所錄合玉海大澤諸集爲一編

歟審如是則前後所注梁有必有一條非

七錄者矣

梁有劉歆集八卷亡

劉歆有古今文字序見經部小學類
南史劉懷慰傳懷慰子霽香歆幼有識慧六歲誦論語毛詩意所不解便能問難十二

讀莊子逍遙篇曰此可解耳客問之隨問而答皆有情理家人每異之謂為神童及長博學有文才不娶不仕與族弟許並隱居求志天監十七年忽著革終論初許之疾歆盡心救療及卒哀傷為之誄又著悲友賦以序哀情又梁書處士傳云歆精心學佛有道人釋寶誌者時人莫測也遇歆於興皇寺驚起曰隱居學道清淨登佛如此三說云

嚴氏全梁文編劉歆有集八卷梁書南史本傳有革終論

梁有玄貞處士劉許集一卷亡許當為許

梁書處士傳劉許字彥度平原人也父靈真齊武昌太守許數歲父母繼卒為伯父所養長兄絜為之娉妻剋日成婚許聞而逃匿事息乃還本州刺史張稷辟為主簿不就主者檄召許乃挂檄於樹而逃善玄言尤精釋典曾與族兄劉歆聽講於鍾山諸寺因共卜築宋熙寺東澗有終焉之志天監十七年卒於歆舍年三十一臨終執歆手曰氣絕便斂斂畢即埋靈筵一不須立勿設襪祀無求繼嗣歆從而行之宗人至友相與刊石立銘諡曰玄貞處士

南史劉懷珍附傳陳留阮孝緒博學隱居不交當世恆居一鹿牀環植竹木寢處其中時人造之未嘗見也許經一造孝緒即願以神交許族兄歆又履高操三人日夕招攜故都下謂之三隱 案許歆卒于天監十七年阮氏卒于大同二年後二劉卒十八九年

嘉定錢大昕隋書考異曰經籍志玄真處士劉許集一卷許當為許

梁蕭洽集二卷

梁書蕭介傳介蘭陵人性高簡少交游惟與族兄琛從兄朏素及洽從弟淑等文酒賞會時人以比謝氏烏衣之游洽字宏稱介從父兄也幼敏悟七歲誦楚辭略上口及長好學博涉亦善屬文仕齊入梁至普通初歷通直散騎常侍洽少有才思高祖令製同泰大愛敬二寺利下銘其文甚美出為臨安太守還拜司徒左長史又勅撰當塗堰碑辭亦瞻麗六年卒官時年五十五集二十卷行於世南史蕭思話傳思話南蘭陵人子惠開惠明惠基惠基子洽司徒左長史卒於官文集二十卷行於世

唐書經籍藝文志蕭洽集二卷

梁隱居先生陶弘景集三十卷陶弘景內集十五卷

陶弘景有毛詩序注見經部詩家南史隱逸傳弘景性好著述尚奇異顧惜光景老而彌篤以歷代皆取其先妣母配饗地祇以為神理宜然碩學通儒咸所不悟武帝既早與之游及即位恩禮愈篤書問不絕國家每有吉凶征討大事無不前以諮詢月中常有數信時人謂為山中宰相自知亡日為告逝詩所著學苑百卷孝經論語集注帝代年歷本草集注效驗方肘後百一方古今州郡記圖像集要及玉櫃記七曜新舊術疏占

候合丹法式其秘密及撰而未訖又十部唯弟子得之

陳禎明二年侍中尚書令江總撰陶貞白先生集序曰若夫德行博敏孔室四科經術深長鄭門六藝丹陽陶先生備斯矣至如紫臺青簡綠帙丹經玉版祕文瑤臺怪牒靡不貫彼精微彈其旨趣蓋非常之絕技命世之異人也文集缺亡未有編錄門人補輯若逢遼東之本好事研搜如誦河西之篋奉勅校之鉛槧絨以緹緇藏彼鴻都副在延閣唐書經籍藝文志陶弘景集三十卷

明白雲霧道藏目錄詳注華陽陶隱居集二卷注云貞白先生集又注云仙詩案此似即宋

傳書所輯而白氏之言如此豈別有其本事載仙詩歟莫得而詳已

馮氏詩紀輯存詩六首華陽頌十五首

張氏百三家陶隱居集一卷凡賦表啓書序

論誌頌銘碑文二十九篇詩六首儀徵阮元望經室外集華陽陶隱居集二卷梁陶弘景撰弘景有真誥四庫全書已著錄此其生平雜文及與武帝往復論書之割據集中尋山誌云先生去世後久無人編錄文集至陳武帝貞明二年勅令侍中尚書令江總始撰文集先生以梁大同二年解駕至是五十二載矣文章頗多散落云云然考隋志梁隱居先生陶弘景集三十卷又內集十五卷至唐志僅載三十卷疑所作內集已佚自是以後傳述愈微晁公武陳振孫皆未著錄

是本從明道藏本錄出卷首載昭臺弟子傳
霄編集大洞弟子陳桷校勘蓋亦道家者流
惟集前有江總序一首似尚存其舊餘則存
什之一二而已殘膏剩馥足以沾溉後人蓋
弘景在道家亦號學者其著述與抱樸抗衡
所謂列仙之儒也

嚴氏全梁文編輯存雲上之仙風賦水仙賦
十賚文解官表與梁武啓尋山誌難沈約均
聖論華陽頌瘞鶴銘及書序碑請雨詞遺令
凡三十篇案瘞鶴銘題華陽真逸撰黃長睿
東觀餘論董道書跋以為陶隱居胡仔漁隱
詩話引西清詩話云道藏陶隱居外傳號華
陽真逸云又卷首序錄曰陶弘景集二卷一
道藏本傅霜編一明黃淮序刻本案此作傅霜
似刊誤

金山錢熙祚指海叢書刊本跋曰陶隱居集
二卷從明道藏錄出考元劉大彬茅山誌有
傅霄重編隱居集霄字子昂晉陵人主常州
天慶觀高宗召主太乙宮祠乞還茅山紹興
二十九年立春日化南宋初距弘景時六百
餘年掇拾遺文存什一千百蕭綸陶隱居
碑銘載其與親友書雲笈七籤本起錄載其
與從兄書茅山誌載其請雨詞又許長史舊
館壇碑後尚有碑陰記古今刀劍錄首有自
序此本均未采入搜而補之以俟好古者

梁徵十魏道徵集三卷
魏道徵始末未詳
唐書經籍藝文志魏道徵集三卷

梁黃門郎張率集三十八卷

梁書南史本傳率字士簡吳郡吳人祖永宋
右光祿大夫有集見前 率年十二能屬文常
日限為詩一篇稍進作賦頌至年十六向作
二千餘首有虞訥者見而誶之率乃一旦焚
毀更為詩示焉託云沈約訥使句句嗟稱無
字不善率曰此吾作也訥慚而退起家齊著
作佐郎建武三年舉秀才除太子舍人與同
郡陸匪陸厥幼相友又與任昉定交天監初
直文德待詔省勅使抄乙部書又撰古婦人
事二十餘條勒成百卷使工書人琅邪王深
吳郡范懷約褚洵等繕寫以給後宮率取假
東歸論者謂為傲世率懼乃為待詔賦奏之
甚見稱賞手勅答曰省賦殊佳相如工而不
敏枚舉速而不工卿可謂兼二子於金馬矣
又侍宴賦詩帝乃別賜率詩曰東南有才子
故能服官政余雖慚古昔得人今為盛率奏
詩往返六首尋以祕書丞掌集書詔策四年
三月禊飲華光殿其日河南國獻舞馬詔率
與到洽周興嗣為賦帝以率及興嗣為工七
年有勅直壽光省治丙丁部書抄累遷黃門
侍郎新安太守大通元年卒年五十三率少
好屬文而七略及藝文志所載詩賦今亡其
文者並補作之所著文衡十五卷文集三十
卷南史云四十卷行於世

唐書經籍藝文志張率集三十卷
馮氏詩紀輯存四五七言雜言諸體詩二十
四首

嚴氏全梁文編張率有文衡十五卷集三十
八卷本傳有河南國獻舞馬賦初學記有繡
賦凡二篇

梁南徐州治中王罔集三卷
王罔始末未詳

唐書經籍藝文志王罔集三卷
馮氏詩紀王罔爵里無考有和簡文往虎窟
山寺詩一篇長安有狹邪行一篇

梁都官尚書江革集六卷

梁書本傳革字休濟濟陽考城人幼而聰敏
有才思六歲解屬文讀書精力不倦詣太學
補國子生舉高第齊中書郎王融吏部謝朓
雅相欽重司徒竟陵王引為西邸學士僕射
江祐以革才堪經國令參掌機務詔誥文檄
皆委以具中興元年高祖入石頭時吳興太
守袁昂據郡距義師乃使革製書於昂辭義
典雅高祖深歎賞之因令與徐勉同掌書記
數遷歷都官尚書再遷為度支尚書謝病還
家除光祿大夫領步兵校尉南北齊二州大
中正優游閑放以文酒自娛大同元年卒諡
曰彊子有集二十卷行於世革歷官八府長
史四王行事三為二千石傍無姬侍家徒壁
立世以此高之長子行敏好學有才俊官至
通直郎早卒有集五卷革次子德藻有聘北道里
記三卷見史部地理類

唐書經籍藝文志江革集十卷
馮氏詩紀江革爵里無考有贈何記室聯句
不成一首又贈何記室一首

嚴氏全梁文編江革有為蕭僕射與袁昂書見梁書袁昂傳案昂傳作高祖手書考江革傳則書乃革所製也

梁奉朝請吳均集二十卷

吳均有齊春秋見史部古史類

梁書南史文學傳均有俊才沈約嘗見均文頗相稱賞天監初柳惲為吳興召補主簿日引與賦詩均文體清拔有古氣好事者或數之謂為吳均體均嘗不得意贈惲詩而去久之復來惲遇之如故薦之臨川靖惠王王稱之於武帝即日召之賦詩悅焉著文集二十卷

顏氏家訓文章篇吳均集有破鏡賦破鏡乃凶逆之獸事見漢書為文幸避此名也漢書郊祀志有言古天子嘗以春解祠祠黃帝用一鼻破鏡孟康曰鼻為名食母破鏡獸名食父黃帝欲絕其類故使百吏祠皆用之破鏡如龜而虎眼案即鼻獲之視也

唐書經籍藝文志吳均集二十卷
宋史藝文志吳均詩集三卷
崇文總目吳均集十卷

晁氏讀書志吳均集三卷梁吳均叔庠也史稱均有集二十卷唐世搜求止得十卷案此則晁氏所見唐志作十卷與崇文目同今本作二十卷似後人據隋志妄改也今又亡其七矣舊題誤曰

吳筠筠乃唐人此詩殊不類而其中有贈周興嗣柳貞陽輩詩固已知其非筠又有蕭子雲贈吳朝請入東詩蓋均在武帝時為奉朝請則知為均也無疑矣蕭子雲詩八蕭子顯

朱異王筠王僧孺詩各一附顏之推譏均集中有破鏡賦今已亡之

張氏百三家吳朝請集序曰文中子云吳均孔珪古之狂者也其文怪以怒今叔庠集文鮮絕奇者獨餅說責壁二文頗詭博不經似

得之枚乘七發行以排調與朱元思書盛稱富陽桐廬山水微矜摹擬則士龍鄧縣明遠大雷波瀾尚存謂之怪怒殆以此哉詩什疊疊樂府尤高凡賦表書檄餅說連珠一十三篇樂府三十篇詩六十七篇馮氏詩紀輯存樂府詩篇數略同

嚴氏全梁文編吳均有集二十卷今見於藝文類聚初學記太平御覽文苑英華者有賦五篇表一篇書三篇檄江神責周穆王壁一篇食移一篇餅說一篇連珠二條
梁光祿大夫庾曼隆集十卷并錄
庾曼隆始末未詳

唐書經籍志庾曼隆集十卷
唐書藝文志庾曼隆集十卷

嚴氏全梁文編曰庾曼隆齊建武初通直散騎常侍入梁為太中大夫遷光祿大夫有集十卷今存啓二篇書一篇

案南史江淹傳齊少帝初兼御史中丞奏彈永嘉太守庾曼隆則齊時嘗居是官舊唐志作庾景興似其字齊有庾杲之字景行新野人景興或其昆季行

梁儀同三司徐勉前集三十五卷徐勉後集十六卷并序錄

徐勉有梁選簿見史部職官類

梁書本傳勉幼孤貧早勵清節年六歲時屬霖雨家人祈霽率爾為文見稱者宿及長篤志好學起家國子生太尉文憲公儉時為祭

酒每稱勉有宰輔之量高祖義兵至京邑勉於新林謁見使管書記天監中王師北伐候驛填委勉參掌軍書劬勞夙夜既閒尺牘兼善辭令雖文案填積坐客充滿應對如流手不停筆又該綜百氏皆為避諱每有奏表輒焚藁草博通經史多識前載朝儀國典婚冠吉凶勉皆與圖議普通六年上修五禮表善屬文勤著述雖當機務下筆不休凡所著左丞彈事五卷齊時撰太廟祝文二卷前後二集四十五卷又為婦人集十卷皆行於世大同三年故佐史尚書左丞劉覽等詣闕陳勉行狀請刊石紀德詔立碑於墓云

南史本傳凡所著前後二集五十卷又為人章表集十卷左丞彈事五卷齊時撰太廟祝文二卷

藝文類聚雜文部梁王僧孺詹事徐府君集序曰君年十八見召為國子生未嘗投刺權門驅車咸里遨遊梁董去來賈郭時春秋猶少人爵未崇而清風嘉譽震灼朝野非直俯致貴仕故可坐享通侯而縵馬懸車閉門高枕聊為詭遇識此行藏及皇運聿興重氣載廓君藏器待時合猶符契位隨德顯任與時隆自網繆軒陞十有餘載行稱表綴言成模楷九德無遺百行備舉至於專心六典精隨

請則知為均也無疑矣蕭子雲詩八蕭子顯

必汎汎游羣籍菁華無棄擲札合豪必弘靡麗摛綺毅之思鬱風霞之情質不傷文麗而有體

唐書經籍志徐勉前集三十五卷徐勉後集十六卷

唐書藝文志徐勉前集三十五卷後集十六卷

馮氏詩紀輯存采菱曲迎客曲送客曲等詩凡八首

嚴氏全梁文編徐勉有前集三十五卷後集十六卷今存萱草花賦鵲賦五禮表及疏議啓各一篇書三篇答客喻一篇墓誌銘四篇碑一篇綜凡十五篇

梁吏部郎王錫集七卷并錄瑛邪

梁書王份傳份仕齊入梁位侍中特進左光祿長子琳司徒左長史錫字公瑕琳之第二子也幼而警悟母義與公主年七八歲隨公主入宮高祖嘉其聰敏常為朝士說之精力不倦致損右目十二為國子生舉清茂除祕書郎與范陽張伯緒齊名以戚屬封永安侯

累遷中書郎給事黃門侍郎尚書吏部郎中時年二十四稱疾不拜便謝遣胥徒拒絕賓客掩扉覃思室宇蕭然中大通六年卒時年三十六贈侍中諡貞子 案王份兄奐為雍州刺史

為齊武帝所誅奐子肅及弟乘兄子誦翊衍奔魏肅子紹紹弟理誦子孝康備康翊子淵凡十人並仕於魏皆王導之後也蓋瑛邪王氏又有流入北朝者唯肅為最著云

南史王份傳份長子琳齊代娶梁武帝妹義

與長公主有子九人並知名長子銓字公衡雖學業不及弟錫而孝行齊焉時人以爲銓錫二王可謂玉昆金友錫再遷太子洗馬時昭明太子尚幼武帝勅錫與張纘入宮與太子游狎情兼師友又勅陸倕張率謝舉王規王筠劉孝綽到洽張緬爲學士十人盡一時之選

唐書經籍藝文志王錫集七卷

馮氏詩紀輯存大言應令細言應令各一首嚴氏全梁文編王錫有宿山寺賦一篇見廣弘明集

梁尚書左僕射王暕集二十一卷 瑛邪 或作暕者

梁書本傳暕字思晦父儉齊太尉南昌文憲公暕年數歲而風神驚拔有成人之度時文憲作宰賓客盈門見暕相謂曰公才公望復在此矣弱冠選尚淮南長公主拜駙馬都尉

晉安王文學廬陵王友祕書丞明帝詔求異士始安王遙光表薦暕曰竊見祕書丞暕年二十一七葉重光海內冠冕暕暕先達領袖後進居無塵雜家有賜書辭賦清新屬言玄遠天監中再爲侍中吏部尚書歷左僕射領國子祭酒普通四年冬暴疾卒年四十七諡曰靖

唐書經籍藝文志王暕集二十卷

馮氏詩紀輯存觀樂應詔一首詠舞一首嚴氏全梁文編王暕有集二十一卷弘明集有答釋法雲書難范縝神滅論

梁平西刑獄參軍劉孝標集六卷

劉孝標名峻有漢書注見史部正史類梁書南史本傳峻游東陽紫巖山築室居焉爲山栖志其文甚美初梁武帝招文學之士擢以不次峻率性而動不能隨衆浮沈帝頗嫌之故不任用乃著辨命論以寄其懷論成中山劉詔致書以難之凡再反峻並爲申析以答之會詔卒不見峻後報者乃爲書以序其事其文論並多不載峻又嘗爲自序自比馮敬通而有同之者三異之者四云峻自以少時未開晤晚更厲精明慧過人博極羣書文藻秀出故其自序云囊中濟濟皆升堂亦有愚者解衣裳言其少年魯鈍也

南史任昉傳昉有子東里西華南容北叟並無術業墜其家聲兄弟流離不能自振生平舊交莫有收卹西華冬月著葛屐練裙道逢平原劉孝標泫然矜之謂曰我當爲卿作計乃著廣絕交論以譏其舊交到覿見其論抵之於地終身恨之

文選廣絕交論注劉瓛梁典云乃廣朱公叔絕交論後漢朱穆有集見第二卷又辯命論注梁典曰辯命論蓋以自喻云孝標植根淄右流寓魏庭冒履艱危僅至江左負才矜地自謂坐致雲霄豈圖逡巡十稔而榮慚一命因茲著論故辭多憤激雖文越典謨而足杜浮競也

張氏百三家劉戶曹集序曰玄靖先生一世書淫上有好文之君朝多同學之彥而引見

也

張氏百三家劉戶曹集序曰玄靖先生一世書淫上有好文之君朝多同學之彥而引見

也

無階山栖竟老德祖見忌於曹操敬通缺望於光武豈非命耶辯命六蔽善言天人自序三同四異悲憤交集而又重以悍室司晨若放將餒詩窮而工其然乎凡啓書序志論十二篇詩四篇馮氏詩紀篇數同

汪氏文選撰八篇目曰文選有梁劉孝標峻答劉秣陵書辯命論廣絕交論

嚴氏全梁文編劉峻有世說注十卷集之卷今存啓書辯命論廣絕交論山栖志相經序自序凡一 三篇

梁鴻臚卿裴子野集十四卷

裴子野有喪服傳見經部禮類

梁書南史本傳子野少好學善屬文撰朱略二十卷蘭陵蕭琛言其評論可與過秦王命分路揚鑣於是徐勉言之武帝勅掌中書詔誥子野與沛國劉顯南陽劉子遴陳郡殷芸陳留阮孝緒吳郡顧協京兆韋稜皆博學深相賞好顯尤推重之時長平侯蕭勸范陽張纘每討論墳籍咸折衷於子野普通七年大舉北侵勅子野爲移魏文受詔立成武帝以其事體大召徐勉周捨劉子遴朱异集壽光殿觀之時並歎服俄又爲書喻魏相元及奏武帝深嘉焉自是諸符檄皆令具草子野爲文典而速不尙靡麗之詞其制作多法古與今文體異當時或有詆訶者及其末翕然從之文集二十卷行於世又欲撰齊梁春秋始草創未就而卒及葬湘東王爲之墓誌銘陳於藏內邵陵王又立墓誌壇於羨道羨道

列誌自此始焉

陳吏部尚書姚察曰阮孝緒嘗言仲尼論四科始乎德行終乎文學有行者多尙質樸有文者少蹈規矩若夫憲章游夏祖述回騫體兼文行於裴幾原見之矣

唐書經籍藝文志裴子野集十四卷

馮氏詩紀輯存詩三首

嚴氏全梁文編裴子野有集十四卷今存寒夜賦游華林園賦臥疾賦喻廢檄文彫蟲論宋略總論泰始三畔論明帝誅諸弟論選舉論樂志鼓碑文行狀凡十四篇

梁仁威府長史司馬駸集九卷

梁書本傳駸字元素南史作元表河內温人也父爰善三禮齊國子博士駸少傳家業強力專精手不釋卷其禮文所涉書略皆徧視沛國劉勳爲儒者宗嘉其學深相賞好少與樂安任昉善昉亦雅重焉初爲國子生起家奉朝請天監初詔通儒治五禮有司舉駸治嘉禮是時創定禮樂駸所議多見施行駸學尤精於事數國家吉凶禮當世名儒明山賓賀瑒等疑不能斷者皆取決焉累遷尚書右丞出爲仁威長史長沙內史御史中丞十七年遷明威將軍晉安王長史未幾卒王命記室庾肩吾集其文爲十卷所撰嘉禮儀注一百一十二卷 案晉安王即簡文帝也嘉禮儀注詳見史部儀注類

唐書經籍藝文志司馬駸集九卷

嚴氏全梁文編司馬駸有嘉禮儀注一百十

梁蕭子暉集九卷

二卷錄三卷集九卷通典有東宮樂議一篇弘明集有答釋法雲書難范縝神滅論一篇梁書南史蕭子恪傳子恪字景冲齊豫章文獻王嶷第二子也兄弟十六人並仕梁有文學者子恪子質子顯子雲子暉五人子暉字景光子雲弟也少涉書史亦有才文嘗預重雲殿聽制講三慧經退爲講賦奏之甚見稱賞卒於驃騎長史案豫章文獻王齊高帝第二子暉高帝之孫亦子梁爲宗室五人中子恪文集不傳子質并不見於史子顯有集二十卷本志亦不見惟子暉二人集在焉五人外又有子範有集見後子範外又有子政撰周易義疏見經部史亦無其傳不知是否在十六人之內也

唐書經籍藝文志蕭子暉集十一卷

馮氏詩紀輯存春霄冬曉春游詩凡三首

嚴氏全梁文編蕭子暉有集九卷藝文類聚

有冬草賦反舌賦各一篇

梁始興內史蕭子範集十三卷

梁書南史本傳子範字景則子恪第六弟也齊永明十年封祈陽縣侯天監初降爵爲子除後軍記室參軍數遷爲大司馬南平王戶曹屬從事中郎王愛文學士子範偏恩遇嘗曰此宗室奇才也使製千字文其辭甚美王命記室蔡憲注釋之自是府中文筆皆使草定遷護軍臨賀王正德長史正德爲丹陽尹復爲信威長史歷官十餘年不出蕃府而諸弟並登顯列意不能平及是爲到府歲曰上

蕃首僚於茲再忝河南雖伏自此重叨老少異時盛衰殊日雖佩恩寵還羞年鬢子範少與弟子顯子雲才名略相比而風采容止不速故宦途有優劣每讀漢書杜緩傳云六弟五人至大官惟中弟欽官不至最知名常吟諷之以況己也後為始興內史太中大夫祕書監簡文即位其年葬簡皇后使製哀策文理哀切帝謂武陵侯蕭諮曰此段莊陵萬事零落惟哀冊尚有典刑勅資米千石子範無居宅尋遇疾卒於招提寺僧房賊平元帝追贈金紫光祿大夫諡曰文前後文集三十卷

唐書經籍藝文志蕭子範集三卷案本志十三卷似三十卷之誤此三卷似又致十字
馮氏詩紀輯存羅敷行等詩凡九首
嚴氏全梁文編蕭子範有千字文一卷集十三卷藝文類聚初學記本傳有賦四篇表三篇棧一篇七誘冠子箴凡十篇

梁建陽令江洪集二卷

梁書文學吳均傳先是有廣陵高爽濟陽江洪會稽虞騫並工屬文並有文集洪為建陽令坐事死

南史王僧孺傳齊司徒竟陵王子良開西邸招文學僧孺與太學生虞羲丘國賓蕭文瑒丘令楷江洪劉孝孫並以善辭藻游焉子良嘗夜集學士刻燭為詩四韻者則刻一寸以此為率蕭文瑒曰頓燒一寸燭而成四韻詩何難之有乃與令楷江洪等共打銅鉢立韻響滅則詩成皆可觀覽

鍾嶸詩品曰梁建陽令江洪詩雖無多亦能自適出
馮氏詩紀曰江洪有巴陵王四咏九首咏歌姬咏舞女和新浦侯咏竹咏鶴咏紅牋江行咏荷咏美人治裝凡八首

梁鎮西府記室鮑幾集八卷

梁元帝集薦鮑幾表曰臣誠識愧知才職非選舉竊以進賢上賞閉賢顯戮敢緣斯義用舉所知伏見鮑幾門庭雍睦立身貞退博涉文史頗閑刀筆忠公抗直出宰廉平雅志弘深安貧專靜解巾入仕三十餘年自游臣府一紀於茲前宰東邑實有二魯之風近處南臺欲尊兩鮑之則
梁書鮑泉傳泉東海人也父機湘東王諮議參軍

南史鮑泉傳泉父幾字景玄家貧以母老詣吏部尚書王亮干祿亮一見嗟賞舉為春陵令後為明山賓所薦為太常丞以外兄傳昭為太常依制總服不得相臨改為尚書郎終於湘東王諮議參軍
隋書鮑宏傳宏東海郊人也父機以才學知名仕梁官至治書侍御史
唐書經籍鮑幾集八卷
唐書藝文鮑幾集八卷
馮氏詩紀輯存咏伍子胥詩一首
案幾機記載不一似當以梁元帝薦表及南史新唐志作幾為近此題鎮西府記者考元帝本紀大同三年進號鎮西將

軍蓋即湘東王鎮西諮議領記室參軍也
梁尚書祠部郎虞囙集十卷
虞囙始末未詳
金樓子聚書篇曰法書初得章護軍餉數卷次又殷貞子鈞餉爾後又遣范普市得法書又使潘菩提市得法書並是二王書也郡五官虞囙大有古迹可五百許卷併留之案江左虞氏大抵皆吳虞翻仲翔氏之後會稽餘姚人梁元帝稱郡五官似即會稽郡五官據其初為是官也案梁書元帝本紀天監十三年封湘東王初為寧遠將軍會稽太守囙為郡職當在斯時

唐書經籍藝文志虞囙集六卷

嚴氏全梁文編曰虞囙天監中為治書侍御史遷尚書祠部郎有集十卷梁書良吏傳有奏彈伏晒一篇

梁新田令費昶集三卷

南史文學何思澄傳王子雲太原人及江夏費昶並為閩里才子昶善為樂府又作鼓吹曲武帝重之勅曰才意新拔有足嘉異昔郎暉博物卞蘭巧辭束帛之賜實惟勸善可賜絹十匹
馮氏詩紀輯存巫山高芳樹有所思長門怨采菱曲思公子發白馬行路難等樂府詩一十六首
梁蕭機集二卷機當為幾
梁書本傳幾字德玄齊曲江公遙欣子也年十歲能屬文性溫和與物無競清貧自立好學善草隸書湘州刺史楊公則曲江之故吏

也每見幾謂人曰康公此子可謂桓靈寶重
出及公則卒幾爲之誅時年十五沈約見而
奇之謂其舅蔡攸曰昨見賢甥楊平南誄文
不減希逸之作始驗康公積善之慶釋褐著
佐侍郎廬陵王文學數遷至中書侍郎尚書
左丞末年專尙釋教爲新安太守郡多山水
特其所好適性游履遂爲之記卒于官子爲
字元專亦有文才

謝瑱始末未詳

唐書經籍藝文志謝瑱集十卷

馮氏詩紀曰謝瑱爵里無考有和蕭國子詠

李花一首案此謝瑒似即謝瑒之誤

梁通直郎謝琛集五卷

謝琛始末未詳

唐書經籍藝文志謝琛集五卷

梁仁威記室何遜集七卷

南史何承天附傳承天曾孫遜字仲言八歲

能賦詩弱冠州舉秀才南鄉范雲見其對策

大相稱賞因結忘年交謂所親曰頃觀文人

質則過儒麗則傷俗其能含清濁中今古見

之何生矣沈約嘗謂遜曰吾每讀卿詩一日

三復猶不能已其爲名流所稱如此梁天監

中兼尙書水部郎南平王引爲賓客掌記室

事後薦之武帝與吳均俱進倖後稍失意帝

曰吳均不均何遜不遜未若吾有朱异信則

異矣自是疎隔希復得見卒于仁威廬陵王

記室東海王僧孺集其文爲八卷初遜文章

與劉孝綽並見重時謂之何劉梁元帝著論
論之云詩多而能者沈約少而能者謝朓何
遜

唐日本國見在書目何孫集八卷

唐書經籍藝文志何遜集八卷

宋史藝文志何遜詩集五卷

晁氏讀書志何遜集二卷梁何遜仲言也東

海人終水部員外郎與劉孝綽以文章見重

於世謂之何劉王僧孺集其文爲八卷今亡

佚不全

宋黃伯思東觀餘論曰隋經籍志唐藝文志

何遜集皆八卷晉天福本但有詩兩卷今世

傳本是也獨春明宋氏有舊本八卷特完因

借傳之然少陵嘗引昏鴉接翅歸金粟裏搔

頭等語而此集無有猶當有軼者集中若團

團月隱洲輕燕逐風花遠岸平沙合連山遠

霧浮岸花臨水發江燕遶橋飛游魚上魚瀨

薄雲巖際宿等語子美皆采爲己句但小異

耳故曰能詩何水曹信非虛賞案此言隋經籍

志八卷與今本隋志所載不合

陳氏書錄解題何仲言集三卷梁水部郎何

遜仲言撰本傳集八卷館閣書目同今所傳

止此

張氏百三家何記室集輯本序曰仲言文名

齊劉孝綽詩名齊陰子堅今集中文頗少爲

衡山侯與婦一書詞林見賞亦聞房語耳未

可方阿士也子堅長於近體然風格遠不逮

仲言不知何以比肩同聲也少陵佳句多從

仲言脫出是以有能詩何水曹之句後世詩
人即慕仲言蓋古人詩名有因後人而益貴
者陰何其類也凡賦殘書七召共五篇樂府
四篇詩九十二篇聯句十二篇馮氏詩紀載存
二卷篇數同

四庫提要曰何水部集一卷梁何遜撰遜官

至水部員外郎故自唐以來稱何水部王僧

孺嘗輯遜集爲八卷黃伯思東觀餘論有遜

集跋稱爲春明宋氏本蓋宋敏求家所傳其

卷數尙與梁書相符今舊本久亡所謂八卷

者不可復覩此本爲明正德丁丑松江張紘

所刊首列遜小傳凡詩九十五首附載范雲

劉孝綽同作擬古二首聯句十三首末載黃

伯思跋跋後附七召一篇末復有紘跋稱舊

與陰鏗集借刻紘以二家體裁各別不當比

而同之公暇獨取是集刪其繁蕪同寅毘陵

陸懋之永嘉李昇之捐俸共刻然則是集又

經紘刊削有所去取歟

嚴氏全梁文編曰何遜有集七卷初學記藝

文類聚諸書有窮鳥賦與建安王謝秀才殘

爲孔導辭建安王殘爲衡山侯與婦書存凡

四篇明張紘所刻集本有七召張溥本從之

七召出文苑英華三百五十二在簡文帝七

勵之後無名氏前不言何遜作葉紹泰又編

入昭明太子集皆無確據也今編入梁闕名

類又卷首跋錄曰何遜集一卷項道暉刻本

梁有安西記室劉綬集四卷亡綬嘗爲綬

梁書文學劉昭傳昭平原高唐人晉太尉憲

九世孫也昭子縉縉弟綏字含度少知名歷官安西湘東王記室時西府盛集文學綏居其首除通直郎俄遷鎮南湘東王中錄事復隨府江州卒

案元帝本紀大同元年進號安西將軍六年為鎮南將軍江州刺史太清元年徙荊州刺史綏蓋卒于元帝都督江州時在太清之前

南史文學劉昭傳縉弟綏為湘東王中錄事性虛遠有氣調風流跌宕名高一府常云不須名位所須衣食不用身後之譽唯重目前見

金樓子著書篇乙部繁華傳一秩三卷金樓使劉綏撰又丙部玉子訣一秩三卷金樓付劉綏撰案此二書本志皆不見

馮氏詩紀輯存詩八首又品藻篇引歷代吟譜云其生平之所作者為英華集二十卷文選二十篇歷代吟譜宋蔡傳選見四庫詩文評存目

嚴氏全梁文編劉綏有集四卷藝文類聚初學記有綏照鏡賦一篇

梁有沙門釋智藏集五卷亡
馮氏詩紀曰釋智藏姓顧氏吳郡吳人太初六年齊梁二代皆無太初年號此誤也敕住興皇寺梁武授戒時時謗稟皇太子尤加敬接廣弘明集有梁開善寺藏法師奉和武帝三教詩一篇

嚴氏全梁文編曰釋智藏本名淨藏吳人天監末居鍾山開善寺續高僧傳六有辭會啓一篇

案別集類注梁有者終於此二集智藏卒

年不可知劉綏則卒於阮孝緒之後疑此二集亦未必定在七錄也

梁太常卿陸倕集十四卷

南史陸慧曉傳慧曉吳郡吳人三子僚任倕並有美名時人謂之三陸初授慧曉兗州三子依次第各作一讓表辭並雅麗時人歎服

倕字佐公少勤學善屬文幼為外祖張岱所異十七舉本州秀才刺史史竟陵王子良開西邸延英俊倕預焉梁天監初為右軍安成王

主簿與樂安任昉友為感知己賦以贈昉因此名以報之及昉為中丞簪裾幅湊預其讌者殷芸到溉劉苞劉孺劉顯劉孝綽及倕

而已號曰龍門之游雖貴公子孫不得預焉梁武帝雅愛倕才乃敕撰新漏刻銘其文甚美又詔為石闕銘勅褒之累遷太常卿梁書

本傳曰普通七年卒年五十七文集二十卷行於世

唐日本國見在書目陸倕集八卷
唐書經籍志陸子倕集二十卷子字衍
唐書藝文志陸倕集二十卷

馮氏詩紀輯存和昭明太子鍾山講解一篇贈京邑僚友一篇贈任昉一篇
汪氏文選撰人篇目文選有梁陸佐公倕石闕銘新漏刻銘

嚴氏全梁文編陸倕有集十四卷今存感知己賦思田賦賦體教章表啓書銘碑釋奠文請雨文凡二十四篇

梁廷尉劉孝綽集十四卷

南史劉劭傳劭彭城安上里人也子繪繪子孝綽字孝綽本名冉幼聰敏七歲能屬文舅王融深賞異之與同載以適親友號曰神童融每日曰天下文章若無我當歸阿士阿士孝

綽小字也父繪齊時掌詔詰孝綽時年十四繪嘗代使草之父黨沈約任昉范雲等聞其名命駕造焉昉尤相賞好天監初起家著作

佐郎為歸沐詩贈任昉昉報章相引重武帝時因宴幸令沈約任昉等言志賦詩孝綽亦見引嘗侍宴於坐作詩七首武帝覽其文篇

篇嗟賞昭明太子好士愛文孝綽與殷芸陸倕王筠到洽等同見禮後武帝為籍田詩使徐勉先示孝綽時奉詔作者數十人帝以孝

綽詩工歷太子僕兼廷尉卿湘東王諮議黃門侍郎尚書吏部郎臨賀王長史晚年忽忽不得志後為祕書監大同五年卒官年五十

九孝綽少有盛名而仗氣負才多所陵忽意有不合極言詆訾由此多忤於物前後五免辭藻為後進所宗時重其文每作一篇朝成

暮徧好事者咸傳誦寫流聞河朔亭苑柱壁莫不題之文集數十萬言行於時兄弟及羣從子姪當時有七十人並能屬文近古未之

有也
又論曰劭劭出征久撫所在流譽俊至性過人繪辭義克舉諸子各擅彫龍當年方駕文采之盛殆難繼乎

唐書經籍藝文志劉孝綽集十二卷

舊志考刊本作十一卷

宋史藝文志劉子綽集一卷子當爲孝

陳氏書錄詩集類劉孝綽集一卷梁祕書監

彭城劉孝綽撰宋僕射勳之孫本傳稱文集
數十萬言今所存止此

張氏百三家劉祕書集題詞曰王元禮七葉
之中爵位文才蟬聯不絕劉孝綽一家子姓
能文者七十人門世之盛足使安平無雀汝

南無應孝綽文集數十萬言存者無幾零落
之歎無異元禮書啓表序文采較優詩乃兄

弟爾凡表啓書序碑十六篇樂府六篇詩五
十九篇馮氏詩紀輯存樂府詩篇數略同

嚴氏全梁文編劉孝綽有集十四卷今存表
一篇議一篇啓九篇書三篇序一篇碑銘二
篇凡十七篇

梁都官尚書劉孝儀集二十卷

南史劉劭附傳孝綽弟潛字孝儀幼孤與兄

弟相勸以學並工屬文孝綽嘗云三筆六詩
三卽孝儀六謂孝威也舉秀才累遷尚書殿

中郎勅令製雍州平等寺金像碑文甚宏麗
晉安王綱鎮襄陽引爲安北功曹史及王爲

皇太子仍補洗馬遷中舍人梁書本傳云中
大同元年入守都官尚書太清元年出爲豫

章內史二年侯景寇京邑三年宮城不守孝
儀爲前歷陽太守莊鐵所傷失郡大寶元年

病卒時年六十七有文集二十卷行於世
唐書經籍藝文志劉孝儀集二十卷

張氏百三家劉豫章集輯本凡賦表彈文啓
書連珠碑銘三十六篇樂府一篇詩十一篇

馮氏詩紀輯存樂府詩篇數同

嚴氏全梁文編劉潛有集二十卷藝文類聚

太平御覽文苑英華所載有歎別賦一篇表
十二篇彈文一篇啓二十一篇書一篇連珠

一篇平等寺刹下銘一篇雍州金像寺無量
壽佛像碑一篇凡三十九篇

梁太子庶子劉孝威集十卷

南史劉劭附傳孝綽第六弟孝威氣調爽逸
風儀俊舉初爲安北晉安王法曹後爲太子

洗馬中舍人庶子率更令並掌管記大同中
白雀集東宮孝威上頌甚美太清中遷中庶

子兼通事舍人及侯景寇亂隨司州刺史柳
仲禮至安陸卒

唐日本國見在書目劉孝威集十卷
唐書經籍志劉孝威前集十卷劉孝威後集
十卷

唐書藝文志劉孝威前集十卷後集十卷
宋史藝文志劉孝威集一卷

崇文總目劉孝威詩一卷

張氏百三家劉庶子集輯本題辭曰劉士章
文章談義領袖後進七子三女多擅才學孝

綽品藻羣弟嘗云三筆六詩謂孝儀孝威第
五弟孝勝第七弟孝先無預焉侯景寇亂孝

儀遣子入援身受賊傷失郡病亡孝威困躓
危城自拔得出崎嶇西上亦抱疾不起假使

時清國晏兄弟連騎續玄圃之舊游領高齋
之述作重篇大帙必偉觀聽而長鯨疾驅逃
死不暇林焚池竭遺章闕如就所披涉則孝

儀筆勝孝威詩勝伯兄之言良不謬也凡啓

書贊十五篇樂府二十四篇詩三十三篇馮

氏詩紀輯存樂府詩篇數略同

嚴氏全梁文編劉孝威有集十卷藝文類聚
太平御覽有啓十二篇書二篇贊二篇凡一
十六篇

梁東陽太守王揖集五卷瑗邪

梁書王筠傳筠祖僧虔齊司空簡穆公父揖
太中大夫

南史王曇首傳曇首子僧綽僧綽弟僧虔僧
虔子慈慈弟志志家居建康禁中里馬蕃巷

兄弟子姪皆篤實謙和時人號馬蕃諸王爲
長者志弟揖位太中大夫揖子筠揖弟彬彬

弟叔案曇首及僧綽及寂並有集見宋齊人文中僧綽
子齊太尉文憲公儉揖之從昆季也

嚴氏全梁文編曰王揖梁書作揖齊司空僧
虔子仕齊入梁歷黃門侍郎太中大夫出爲
東陽太守有集五卷弘明集卷十有答釋法

雲書難范縝神滅論一篇

梁黃門郎陸雲公十卷

梁書文學傳雲公字子龍吳郡人也祖開州
別駕父完寧遠長史雲公九歲讀漢書略能

記憶從祖僅與沛國劉顯質問十事雲公對
無所失顯歎異之旣長好學有才思州舉秀

才累遷宜惠武陵王平西湘東王行參軍雲
公先製泰伯廟碑吳興太守張纘罷郡經途
讀其文歎曰今之蔡伯喈也纘言之於高祖
入直壽光省除著作郎累遷中書黃門郎太

清元年卒年三十七文集行於世

唐書經籍藝文志陸雲公集四卷

嚴氏全梁文編雲公有集十卷初學記有星

賦廣弘明集有御講般若經序藝文類聚有

太伯碑存凡三篇

梁國子祭酒蕭子雲集十九卷

蕭子雲有千字文注見經部小學類

梁書南史本傳子雲年十二齊建武四年封

新浦侯自製拜章便有文采及長勤學有文

藻撰晉書及東宮新記並表奏之梁初郊廟

未革性怪樂辭皆沈約撰至是承用子雲啓

宜改之勅答曰此是主者守株宜急改也仍

使子雲撰定勅曰郊廟歌辭應須典誥大語

不得雜用子史文章淺言而沈約所撰亦多

舛謬子雲作成勅並施用

隋書音樂志曰梁氏之初其樂歌詩辭並沈

約所製普通中薦蔬之後改諸雅歌蕭子雲

製辭

唐書經籍藝文志蕭子雲集二十卷

馮氏詩紀輯存詩六首又三朝雅樂歌六首

相和歌五首

嚴氏全梁文編蕭子雲有集十九卷藝文類

聚有歲暮直廬賦廣弘明集有玄圃講賦本

傳有請改郊廟樂辭啓答勅改撰樂辭答勅

論書存凡五篇

梁征西府長史楊眺集十一卷并錄一本眺作眺

梁書楊公則傳公則天水西縣人也仕齊入

梁至衛尉卿封寧都縣侯諡曰烈公則性好

學雖居軍旅手不輟卷士大夫以此稱之子

標嗣有罪國除高祖以公則勳臣特詔聽庶

長子眺嗣眺固讓歷年乃受 南史應作眺眺作眺

唐書經籍藝文志楊眺十卷

案楊眺見於史者唯此史不著其歷官始

末不知是否即此人也

梁太子洗馬王筠集十一卷并錄王筠中書集十

一卷并錄王筠臨海集十一卷并錄王筠左佐集

十一卷并錄王筠尚書集九卷并錄 現邪

南史王曇首附傳曇首孫志志弟揖揖子筠

字元禮 字德柔幼而警悟七歲能屬文年

十六為芍藥賦其辭甚美及長清靜好學與

從兄秦齊名仕為尚書殿中郎沈約每見筠

文咨嗟嘗謂曰昔蔡伯喈見王仲宣稱曰王

公之孫吾家書籍悉當相與僕雖不敏請附

斯言自謝眺諸賢零落平生意好殆絕不謂

疲暮復逢於君約於郊居宅開齋請筠為草

木十咏書之壁皆直寫文辭不加篇題約謂

人曰此詩指物程形無假題署筠又嘗為詩

呈約約即報書歎咏以為後進擅美筠又能

用強韻每公宴並作辭必研麗約嘗啓上言

晚來名家無先筠者又於御筵謂王曰賢

弟子文章之美可謂後來獨步謝眺常見語

云好詩圓美流轉如彈丸近見其數首方知

此言為實累遷太子洗馬中舍人後為中書

郎奉勅製開善寺寶誌法師碑文辭甚麗逸

又勅撰中書表奏三十卷及所上賦頌都為

一集大通二年為司徒左長史三年昭明太

子薨勅製哀策文復見嗟賞尋出為臨海太

守歷祕書監太府卿度支尚書及簡文即位

為太子詹事及遇亂舊宅先為賊所焚乃寓

居蕭子雲宅夜忽有盜攻懼墜井卒時年六

十九家人十二口同遇害筠性弘厚不以藝

能高人而少擅才名與劉孝綽見重當時其

自序云少好抄書老而彌篤躬自抄錄大小

百餘卷又與諸兒書論家門集云云 詳見史

部雜傳類王氏江左世家傳 自撰其文章以一官

府各十卷尚書三十卷凡一百卷行於世

又論曰王曇首之才器王僧綽之忠直其世

祿不替也豈徒然哉仲寶雅道自居早懷伊

呂之志竟而逢時遇主自致宰輔之隆所謂

衣冠禮樂盡在是矣齊有人焉於斯為盛其

餘文雅儒素各稟家風箕裘不墜亦云美矣

唐日本國見在書目王中書集十卷

唐書經籍藝文志王筠洗馬集十卷中庶子

集十卷左右集十卷右當為佐 臨海集十卷

中書集十卷尚書集十一卷

張氏百三家王詹事集輯本序曰沈隱侯之

知王元禮猶蔡伯喈之知王仲宣當日兩人

情好相得詩文互賞郊居佳句唯元禮能讀

詳見前沈約集條 好詩彈丸非隱侯莫為知音

也隱侯遺文頗廣元禮則寥寥鮮存無論洗

馬以來諸集斷闕即傳中所稱芍藥賦與草

木十詠俱歸烏有其筆法似詩優於文凡賦

表賤書序記碑文哀策文十七篇樂府七篇
詩二十八篇馮氏詩紀輯存樂府詩篇勳同

嚴氏全梁文編曰藝文類聚弘明集諸書有
王筠蜀葵花賦一篇表五賤一書六記一序
二哀册文一碑二凡存十七篇

梁西昌侯蕭深藻集四卷并錄

南史長沙宣武王懿文帝長子也懿子業業
弟藻字靖藝仕齊位著作佐郎天監元年封
西昌縣侯為益州刺史再遷侍中藻性謙退
不求聞達善屬文尤好古體自非公宴未嘗
妄有所為縱有小文成輒棄本推善下人常
如弗及帝每稱其小字歎曰子弟並如迦葉
吾復何憂性恬靜宗室衣冠莫不楷則簡文
尤敬愛之歷雍兗二州刺史太子詹事丹陽
尹尚書左僕射中書令開府儀同三司南徐
州刺史侯景亂據京口因感氣疾不食而薨
梁書本傳曰太清三年薨時年六十七 案長

沙王懿武帝兄也梁書鄧元起傳元起為益州刺史以母
老乞歸詔以西昌侯蕭淵藻代之唐人避諱改為深藻史
文或并去淵字其兄長沙王淵藻或亦作深藻或但作業

梁中書郎任孝恭集十卷

梁書南史文學傳任孝恭字孝恭臨淮人也
精力勤學外祖邱它與武帝有舊帝聞其有
才學召入西省撰史初為奉朝請進直壽光
省為司文侍郎俄兼中書通事舍人勅造製
建陵寺刹下銘又啓撰武帝集序文並富麗
自是專掌公家筆翰孝恭為文敏速若不留
思每奏稱善累賜金帛少從蕭寺雲法師讀

經論明佛理至是蔬食持戒信受甚篤而性
頗自伐以才能向人于流輩中多有忽略世
以此少之太清三年侯景寇逼走入東府城
陷景斬劉之文集行於世

唐日本國見在書目任孝恭集十一卷 奏為
恭之寫誤又總集家任司文孝恭集一卷
唐書經籍藝文志任孝恭集十卷經部尚書家
又有古文大義二十卷本志不著錄

嚴氏全梁文編任孝恭有集十卷藝文類聚
有表一篇檄文一篇移文二篇啓四篇書一
篇碑文祭文各一篇凡存十二篇其武
帝集序建陵寺刹下銘文並佚

梁平北府長史鮑泉集一卷

鮑泉有六經通數見經部論語類
南史本傳泉父幾終於湘東王諮議參軍有
集見前 泉性警悟博涉史傳兼有文筆少事
元帝早見擢任謂曰我文之外無出卿者
金樓子著書篇丙部補闕子一秩十卷金樓
為序付鮑泉東里撰案補闕子見子部從橫家

唐書經籍藝文志鮑泉集一卷

馮氏詩紀輯存奉和湘東王春日等詩九首

梁雍州刺史張續集十一卷并錄

南史張弘策傳弘策范陽方城人梁文獻皇
后之從父弟也子緬緬弟續子伯緒出繼從
伯弘籍武帝舅也續年十一尚武帝第四女
富陽公主拜駙馬都尉封利亭侯續好學兄
緬有書萬餘卷晝夜披誦殆不輟手與琅邪
王錫齊名王錫有集見前 普通初魏使劉善明

求識續與錫善明見而嗟服河東裴子野相
推重因為忘年交數遷為尚書僕射在職議
南郊御乘素輦適古今之衷又議印綬官若
備朝服宜並著綬時並施行改為湘州刺史
述職經塗作南征賦太清二年授雍州刺史
前刺史岳陽王嘗不受代後遂害之元帝承
制贈開府儀同三司諡簡憲公元帝少時繼
便推誠委結及即位追思之為詩序云簡憲
之為人也不事王侯負才任氣見余則申且
達夕不能已已懷夫人之德何日忘之梁書
本傳云年五十一著鴻寶一百卷文集二十
卷案梁書后妃傳續為管司空張華八世孫

唐書經籍藝文志張續集十卷
馮氏詩紀輯存大言應令細言應令各一首
嚴氏全梁文編張續有集十一卷藝文類聚
及本傳陸雲公傳丁貴嬪傳河東王譽傳周
書蕭管傳所載有秋雨賦南征賦離別賦懷
音賦妬婦賦瓜賦擬若有人兮及表啓書哀
策文墓誌銘存凡十六篇

梁尚書僕射張綰集十一卷并錄

南史張弘策附傳續第綰字孝卿少與續齊
名湘東王釋嘗策之百事綰對闕其六號百
六公大同中為豫章內史在郡述制旨禮記
正言義城西開士林館與朱异賀琛述制
旨禮記中庸義太清三年為吏部尚書宮城
陷奔江陵位尚書右僕射魏剋江陵朝士皆
俘入關綰以疾免梁書本傳云後卒於江陵
年六十三

周書蕭督傳督之在藩及居帝位以蔡大寶為股肱王操為腹心張綰以舊齒處顯位沈重以儒學蒙厚禮多所獎拔咸盡其器能

唐書經籍藝文志張綰集十卷

嚴氏全梁文編張綰有集十一卷藝文類聚有龍樓寺碑文一篇

梁度支尚書庾肩吾集十卷

庾肩吾有采璧見子部雜家

南史庾易傳易子黔婁字子貞子貞弟於陵字子介子介弟肩吾八歲能詩賦為兄於陵所友愛初為晉安王國常侍王每徒鎮肩吾常隨府在雍州被命與劉孝威江伯搖孔敬通申子悅徐昉徐摛王固孔鑠鮑至等十人抄撰衆籍豐其果饌號高齊學士王為皇太子開文德省置學士肩吾子信徐摛子陵吳郡張長公北地傅弘東海鮑至等充其選及簡文即位以為度支尚書文集行於世

文學傳初太宗在藩雅好文章士時肩吾與東海徐摛吳郡陸果彭城劉遵劉孝儀儀弟孝威同被賞接又論曰庾易劉虬取高一代其所以行己事兼隱德諸子學業之美各著家聲

唐日本國見在書目庾肩吾集十卷

唐書經籍藝文志庾肩吾集十卷 宋史藝文志

二卷

張氏百三家庾度支集輯本序曰庾幼簡志性恬靜風齊臺尚後漢臺後向長見范書逸民傳向亦作向 長子子貞孝威北辰次子介清重洗馬一家行義誠足與劉子珪明休烈同傳南

史與劉徽明紹同傳也子慎後出文采尤高子山繼之宮體競貴子每讀八關齋夜賦詩深羨中庶府君能陪帝子又惟一時聚聚城門高唱何偏以病老死沙門為題臺城不祥若有先識焉湘東誌墓稱為瑚璉其知子慎實

深書品序論王光祿答齊太祖類項邪王僧虔論書見法書要錄 凡表章啓書品序後序書品論銘四十一篇樂府八詩七十六曲水聯句一八關齋夜賦四城門聯句十六其題云東城門病南城門老西城門死北城門沙門同賦者殿下徐防孔叢諸葛蠅王臺彌李鏡遠并中庶府君凡七人 馮氏詩紀輯存一卷篇數同

嚴氏全梁文編庾肩吾有集十卷初學記藝文御覽諸書有章表三篇啓二十三篇書一篇銘二篇書品鈇錄十一篇存凡四十篇

梁太常卿劉之遴前集十一卷劉之遴後集二十

一卷 劉之遴有神錄五卷見史部雜傳家 梁書本傳之遴父虬齊國子博士諡文範先生有集見前卷之遴八歲能屬文十五舉茂才對策沈約任昉見而異之吏部尚書王瞻辟為太學博士時張稷新除尚書僕射託任昉為讓表昉令之遴代作操筆立成御史中丞樂藹即之遴之舅憲台奏彈皆之遴草焉之遴篤學明審博覽羣籍時劉顯章稜並強記之遴每與討論咸不能過也累遷太常卿之遴好古愛奇時鄱陽嗣王範得班固所上漢書真本獻之東宮皇太子令之遴與張纘到

一卷

劉之遴前集十一卷後集三十卷 唐書藝文志劉之遴前集十一卷後集三十卷 馮氏詩紀輯存酬江總詩一首 嚴氏全梁文編劉之遴有前集十一卷後集二十一卷今存啓書具古本漢書異狀十事 劉顯墓誌銘凡八篇 梁豫章世子侍讀謝郁集五卷 謝郁始末未詳 唐書經籍藝文志謝郁集五卷

概陸襄等參校異同之遴具畢狀十事 南史云數十事 好屬文多學古體與裴子野劉顯常共討論書籍因為交好是時周易尚書禮記毛詩並有高祖義疏惟左氏傳尚缺之遴乃著春秋大意十科左氏十科三傳同異十科合三十事以上之高祖大悅詔答之太清二年侯景亂之遴避難還鄉未至卒於夏口

簡明目錄曰漢書次第備見於敘傳之中而南史劉之遴傳別有漢書真本之說顯創其篇目竄亂其字句實為謬妄按梁書本傳亦載是事不僅見于南史其事甚可怪意之遴與劉顯諸人亦未必信其真也特史文略其斷語耳

南史劉虬附傳侯景以蕭正德為帝之遴時落景所將使授璽絨之遴預知乃剃髮披法服以免尋避難還鄉湘東王繹嘗嫉其才學聞其西上至夏口乃密送藥殺之不欲使人知乃自製誌銘厚其賻贈

唐書經籍志劉之遴前集十卷劉之遴後集三十卷

唐書藝文志劉之遴前集十一卷後集三十卷 馮氏詩紀輯存酬江總詩一首 嚴氏全梁文編劉之遴有前集十一卷後集二十一卷今存啓書具古本漢書異狀十事 劉顯墓誌銘凡八篇 梁豫章世子侍讀謝郁集五卷 謝郁始末未詳 唐書經籍藝文志謝郁集五卷

卷

唐書藝文志劉之遴前集十一卷後集三十卷 馮氏詩紀輯存酬江總詩一首 嚴氏全梁文編劉之遴有前集十一卷後集二十一卷今存啓書具古本漢書異狀十事 劉顯墓誌銘凡八篇 梁豫章世子侍讀謝郁集五卷 謝郁始末未詳 唐書經籍藝文志謝郁集五卷

嚴氏全梁文編曰謝郁會稽人為豫章世子侍讀有集五卷梁書何敬容傳有致書戒敬容一篇

梁安成蕃王蕭欣集十卷

周書蕭管附傳蕭欣梁武帝弟安成康王秀之孫煬王機之子也秀機並有集見前 幼聰警博綜墳籍善屬文管踐位以欣襲機封歷侍中中書令尚書僕射尚書令歸之二十三年卒贈司空欣與柳信當言歸之世俱為一時文宗有集三十卷又著梁史百卷遭亂失本又曰管居帝位及歸纂業親賢並用宗室則蕭欣蕭翼

唐書經籍藝文志蕭欣集十卷

馮氏詩紀曰蕭欣爵里無考有還宅詩一首見梁詞人麗句

嚴氏全梁文編蕭欣有集十卷初學記有賜甘露啓一篇

梁中書舍人朱超集一卷

朱超始末未詳

馮氏詩紀曰朱超爵里無考又曰朱超朱超道朱越各詩集所載名多互見疑是一人之作今從詩彙併載而于各題下仍分注本名以俟考訂朱超有采蓮曲贈王僧辯詩夜泊巴陵詩對雨詩咏同心芙蓉舟中望月咏孤石咏貧咏剪綵花城上烏獨棲鳥凡十一篇朱超道有別劉孝先詩別席中兵詩歲晚沈疴詩和元帝懷荆楚詩咏鏡凡五篇又題朱越朱超道者有蕩子行未歸一篇

案此敘於蕭欣甄玄成之間似亦在後梁官中書舍人者

梁護軍將軍甄玄成集十卷并錄

周書蕭管附傳甄玄成字敬平中山人博達經史善屬文少為簡文所知以錄事參軍隨管鎮襄陽轉中記室參軍掌書記頗參政事以江陵甲兵殷盛遂懷貳以密書與梁元帝申其誠款遂有得其書者進之於管管深信佛法常願不殺誦法華經人玄成素誦法華經遂以此獲免管後見之常曰甄公好得法華經力歷位中書侍郎御史中丞祠部尚書吏部尚書管之六年卒贈侍中護軍將軍有文集二十卷

唐書經籍藝文志甄玄成集十卷

嚴氏全梁文編後梁甄玄成有集十卷初學記有車賦一篇

梁散騎常侍沈君攸集十三卷攸當為游

周書蕭管附傳沈君游吳興人博學有詞采位至散騎常侍歸之十二年卒有文集十卷弟君公有幹局文章典正特為歸所重歷都官尚書為義興王獻師從獻奔陳授侍中太子詹事隋平陳以獻同謀渡江伏誅又蕭琮傳末曰琮父歸纂業親賢並用宗室則蕭欣蕭翼文章則劉孝勝范迪沈君游君公柳信言

唐書經籍藝文志沈君攸集十二卷

馮氏詩紀曰沈君攸後梁人爵里無考有采桑采蓮曲薄暮動弦歌等詩凡十首

案本傳云文集十卷本志云十三卷兩唐志十二卷似有其弟君公之集在其間也又案梁書不及後梁以後梁屬于西魏周

隋統于北朝故周書附載其事蹟北史亦裁為附庸本志前載岳陽王管集梁王蕭歸集蕭琮集張綰集四家若移列于蕭欣集之前以見此八家皆後梁君臣之集則有條不紊矣

梁臨安恭公主集三卷武帝女

南史梁宗室臨川王宏傳帝諸女臨安安吉長城三主並有文才而安吉最得令稱

藝文類聚雜文部梁簡文帝臨安公主集序曰四德之美咸里仰以為風七行之奇濯龍規以為則若夫託勾陳之貴出玉臺之尊鳳儀開潤神姿照朗愛敬之道夙彰柔媚之才必備鳳桐遐遠清管遼亮湘川寂寞淚滌藏蕤北渚之句尚傳仙靈之典不泯況復文同積玉韻比風飛謹求散佚貽厥于後 案文則其集為簡文帝所編

唐書經籍藝文志臨安公主集三卷

梁征西記室范靖妻沈滿願集三卷

范靖及沈滿願始末並未詳 唐書經籍志范靖妻沈滿願集五卷藝文志三卷

馮氏詩紀曰按唐藝文志有范靖妻沈滿願集三卷樂府及玉臺新詠所載有昭君歎二首又挾琴歌映水曲登樓曲越城曲晨風行戲繡咏殘燈咏五采竹火籠咏步搖花存凡

十一首又品藻篇引詩話補遺稱陳范辭妻沈滿願以爲陳人而馮氏仍編于梁代之末

梁太子洗馬徐悱妻劉令嫺集三卷

梁書南史劉孝綽傳孝綽兄弟及羣從諸子姪當時有七十人並能屬文近古未之有也其三妹一適琅邪王叔英一適吳郡張嶷一適東海徐悱並有才學悱妻文尤清拔所謂劉三娘者也悱僕射徐勉子爲晉安郡卒喪還京師妻爲祭文辭甚悽愴勉本欲爲哀文既觀此文于是開筆 案徐悱事蹟見徐勉傳文選有徐悱瑯琊城詩一首昭明錄本朝人文惟約沈任昉江淹劉峻范雲邱遲陸倕及徐悱凡八家悱最爲年少後起者選注引何之元梁典曰徐勉第三息悱字敬業晉安內史有學業最知名卒於郡府

唐書經籍藝文志徐悱妻劉氏集六卷

馮氏詩紀曰徐悱妻劉氏孝綽之妹稱劉三娘玉臺新咏作劉令嫺有答外二首又有和婕妤怨及贈答等詩凡十一首

嚴氏全梁文編曰劉令嫺彭城人祕書監孝綽第三妹適僕射徐勉子晉安太守悱有集三卷藝文類聚三十八載令嫺祭夫文

右梁代人文并後梁凡六十五家附梁有十九家通計八十四家九十七部是爲別集類分篇第八內武帝王筠並一家五部元帝江淹陶弘景徐勉劉之遴並一家二部

隋書經籍志考證卷三十九之九

集部二之九

別集類九後魏

後魏孝文帝集三十九卷

魏書本紀高祖孝文帝諱宏顯祖獻文皇帝之長子皇興元年生三年立爲皇太子五年秋八月丙午卽皇帝位太和二十三年夏四月丙午朔崩於穀塘原之行宮時年三十三時爲南朝齊東昏侯永元元年也帝雅好讀書手不釋卷五經之義覽之便講學不師授探其精奧史傳百家無不該涉善談莊老尤精釋義才藻富瞻好爲文章詩賦銘頌任興而作有大文筆馬上口授及其成也不改一字自太和十年已後詔冊皆帝之文也自餘文章百有餘篇

又曰太和十有八年春正月癸亥車駕南巡戊辰經殷比干之墓祭以太牢十一月丁丑車駕幸鄴甲申經比干之墓傷其忠而獲戾親爲弔文樹碑而刊之

又劉芳傳高祖遷洛路由朝歌見殷比干墓愴然悼懷爲文以弔之芳爲注解表上之詔曰覽卿注殊爲富博但文非屈宋理慚張賈既有雅致便可付之集書

北史儒林傳序孝文欽明稽古篤好墳籍坐輿據鞍不忘講道劉芳李彪諸人以經書進崔光邢巒之徒以文史達其餘涉獵典章閑集詞翰莫不靡以好爵動以賞眷於是斯文鬱然比隆周漢

又文苑傳序曰及太和在運銳情文學固以韻頡漢徹跨躡曹丕氣韻高遠豔藻獨構衣冠仰止咸慕新風律調頗殊曲度遂改辭罕泉源言多胸臆潤古彫今有所未遇是故雅言麗則之奇綺合繡聯之美眇歷歲年未聞獨得

唐書經籍藝文志後魏文帝集四十卷馮氏詩紀曰北魏孝文帝改姓元氏遷都洛陽風移俗易北朝之盛未有過之者也今存縣瓠方丈竹堂饗侍臣與彭城王勰鄭懿鄭道昭邢巒宋弁聯句一篇

嚴氏後魏文編曰孝文帝改元三延興承明太和在位二十九年有集三十九卷魏書本紀云好爲文章自太和十年已後詔冊皆帝之文也今錄太和十年已前詔冊爲一卷十年已後別爲四卷

後魏司空高允集二十一卷

高允有天文洪範日月變等書見子部天文家

魏書北史本傳允性好文學博通經史天文術數尤好春秋公羊曾作塞上翁詩有混欣戚遺得喪之致文成時轉太常卿上代都賦因以規諷亦二京之流也時中書博士索敞與侍郎傅黯梁祚論名字貴賤著議紛紜允遂著名字論以釋其惑甚有典證獻文時允以老疾頻上表乞骸骨詔不許於是乃著告老詩又以昔歲同徵零落將盡感逝懷人作徵士頌蓋止於應命其有命而不至則闕焉

其著頌者中書侍郎固安侯范陽盧玄子真以下凡三十四人舉其梗概從獻文北伐大捷而還至武川鎮上北伐頌帝覽而善之自文成迄於獻文軍國書檄多允作也未乃薦高閻以自代太和二年九年將九十矣扶引就內改定皇誥文成馮皇后撰皇誥十八篇見后妃傳又被勅論集往世酒之敗德以為酒訓孝文覽而悅之常置左右後又被召在方山作頌允所製詩賦頌頌箴論表贊誄左氏釋公羊釋毛詩拾遺論雜解議何鄭膏肓事凡百餘篇別有集行於世尤明算法為算術三卷又史臣曰依仁游藝執義守詰其司空高允乎宜事光寵四世終享百齡有魏以來斯人而已殿本考證曰玉篇詰同哲守詰即明哲保身之義也

唐書經籍藝文志後魏高允集二十卷

馮氏詩紀曰高允歷事五帝出入三省五十餘年初無譴咎有羅敷行王子喬歌各一篇答宗欽四言詩一篇十八章詠貞婦彭城劉氏四言詩一篇八章

張氏百三家高令公集輯本凡賦表疏上書書頌論酒訓祭文十二篇詩四篇題詞曰集中文字如上書東宮諫起宮室矯矯俗五異及樂平王蕃論皆耿介有聲餘亦整而不汚漢初張丞相耆壽吉祥事略彷彿案漢北平侯張蒼年百餘歲高允卒年九十八惜年代久遠筆札絕少試列之北朝文苑中雖遜步崔公而開疆邢魏固當日之先正也

嚴氏後魏文編高允有集二十一卷今存鹿苑賦上天文災異八篇表承詔議興學校表諫皇太子營立田園諫文成帝起宮室又諫不釐改風俗答宗欽書筮論塞上公亭詩序徵士頌北伐頌酒訓祭儀宗文凡一十三篇案北史崔浩傳末云浩父宏始因苻氏亂欲避地江南為張願所獲本圖不遂乃作詩以自傷而不行於時蓋懼罪也浩誄中書侍郎高允受勅勸浩家書始見此詩允知其意允孫綽錄于允集則是集似其孫高綽所編次附有崔宏詩

後魏司農卿李諧集十卷

李諧有行記見史部地理類魏書本傳諧風流閑潤博學有文辨當時才俊咸相欽賞元顥入洛以為給事黃門侍郎顥敗除名乃為述身賦所著文集別有集錄行於世北史本傳云文集十餘卷

唐書經籍藝文志李諧集十卷嚴氏後魏文編李諧有集十卷今惟見魏書本傳所載述身賦一篇

後魏太常卿盧元明集十七卷

魏書盧玄傳玄范陽涿人也曾祖謚晉司空劉琨從事中郎劉琨虛謚並有集見前西晉人卷末祖父並仕慕容氏皆以儒雅稱神嘉四年辟召儒備以玄為首司徒崔浩玄之外兄玄子度世度世子昶昶第五子元明字幼章涉歷羣書兼有文義風采閒潤進退可觀永安初臨淮王彧引為兼屬仍領部曲出帝登阼以

郎任行禮封城陽縣子遷中書侍郎永熙末居洛東緱山乃作幽居賦焉天中副李諧使蕭衍南人稱之還拜尚書右丞散騎常侍監起居又兼黃門郎元明善自標置不妄交游飲酒賦詩遇興忘返性好玄理作史子新論數十篇北史作雜論新當為雜文筆別有集錄

唐書經籍藝文志盧元明集六卷馮氏詩紀輯存晦日泛舟應詔詩四句嚴氏後魏文編元明卒贈太常卿有集十七卷魏書本傳云作幽居賦今亡初學記太平御覽有劇鼠賦隋書崔廓傳有嵩高山廟記案廓子頤答詔云臣見魏大司農盧元明撰嵩高山廟記案魏書及北史元明未嘗為大司農當是漏落

後魏司空祭酒袁躍集十三卷

魏書文苑傳袁躍字景騰陳郡項人尚書勳弟也博學儒才性不矯俗篤於交友釋褐司空行參軍歷尚書都兵郎中加員外散騎常侍將立明堂躍上議當時稱其博洽蠕蠕主阿那瓌亡破來奔朝廷矜之送復其國既而每使朝貢辭旨頗不盡禮躍為朝臣書與環陳以禍福言辭甚美後遷太傅清河王懌文學雅為懌所愛賞懌之文表多出於躍卒贈冠軍將軍吏部郎中所制文集行於世北史袁躍附傳同唐書經籍藝文志袁躍集九卷後魏著作佐郎韓顯宗集十卷韓顯宗有燕志見史部霸史類

魏書北史韓麒麟傳麒麟子顯宗有才學孝文嘗謂顯宗曰校卿才能可居中第謂程靈虬曰卿與顯宗復有差降可居下上顯宗以上表矜伐白衣守謬議既失意乃為五言詩贈御史中尉李彪以申憤結太和二十三年卒撰馮氏燕志及孝友傳各十卷所作文章頗傳于世

唐書經籍藝文志韓宗集五卷 舊志以避諱節去顯字新志因之

馮氏詩紀曰韓延之字顯宗南陽堵陽人仕晉奔姚興入魏為武牢鎮將賜爵魯陽侯一云韓顯宗字茂親有贈中尉李彪詩一首案

韓延之晉宋時人晉書魏書北史並有傳馮氏以為即此韓顯宗非也

嚴氏後魏文編韓顯宗有集十卷今唯存本傳所載上書陳時務上言時務兩篇

後魏散騎常侍溫子昇集三十九篇

溫子昇有永安記見史部地理類

魏書北史文苑傳子昇博覽百家文章清婉為廣陽王淵賤客在馬坊教諸奴子書作侯山祠堂碑文常景見而善之故詣淵曰頃見

溫生是大才士淵由是稍知之熙平初中尉東平王匡召辭人以充御史同時射策者八

百餘人子昇與盧仲宣孫季等二十四人為高第遂補御史時年二十二臺中文筆皆子

昇為之正光末廣陽王淵為東北道行臺召為郎中軍國文翰皆出其手莊帝之殺爾朱

榮也子昇豫謀當時赦詔子昇詞也梁使張

舉寫子昇文筆傳于江表梁武稱之曰曹植陸機復生於北土恨我辭人數窮百六陽夏守傅標使吐谷渾見其國主牀頭有書數卷乃是子昇文也濟陰王暉嘗云江左文人宋有顏延之謝靈運梁有沈約任昉我子昇足以陵顏樂謝合任吐沈楊遵彥作文德論以為古今辭人皆負才遺行澆薄險忌惟邢子才王元景溫子昇彬彬有德素齊文襄引為

大將軍謬議及元瑾劉思逸荀濟等作亂文襄疑子昇知其謀方使之作神武碑文既成乃餓諸晉陽獄食弊褊而死棄屍路隅沒其

家口太尉長史宋游道收葬之又為集其文筆為三十五卷又撰永安記三卷案三十五卷

永安記三卷為三十八卷并錄一卷為三十九卷與本志卷數適合

唐書經籍藝文志溫子昇集三十五卷

張氏百三家溫傳讀集輯本凡詔勅表上書銘碑墓誌上梁文二十五篇樂府六篇詩三

篇挽歌一篇題辭曰史言溫鵬舉外靜內險好預事故終致禍敗今據史魏莊帝殺爾朱

榮元瑾等背齊文襄作亂鵬舉皆預謀此二事者柔順文明志存討賊設令功成無患不

庶幾其先大將軍之誅王敦乎鵬舉初困馬坊常公拂拭始稱才士縛於葛榮和督脫之

逃死入京貧薄狼顧時恐不及上黨善怒幾遭鞭撻後復賞愛捐其前忿徐紇小人亦畏

才藻不輕下筆溫生雖窮天下豈少知己哉元顯之變策復京師計之上也上黨即不能

為桓文鵬舉之言管狐許之矣北人不稱其多知而徒矜斬將塞旗於文墨之間猶皮相也吐谷小國畜書牀頭梁武知文歎窮百六濟陰寒士何以得此表碑具在顏少絕作陵顏樂謝合任吐沈亦確確自雄北方語耳桐華引仙露槐影麗輕烟鵬舉逸句尙佳世以其詩少即云不長於詩寒山片石當不其然

馮氏詩紀錄樂府詩篇數同

嚴氏後魏文編溫子昇有集三十九卷今存

孝莊帝孝靜帝詔三篇孝武帝勅一篇章一篇表六篇彈文一篇為廣陽王上書又上言

言狀各一篇銘一篇碑六篇墓誌銘二篇上梁祝文一篇凡二十五篇

後魏太常卿陽固集三卷

魏書北史陽尼傳尼北平無終人也從孫承慶撰字統二十卷見經部小學家承慶從弟固字敬安性倣儻不拘小節少任俠好劍客年

二十六始折節好學博覽篇籍有文才孝文時數遷書侍御史多所劾奏宣武廣訪得失

固上讜言表初帝委任羣下不甚親覽好桑門之法尙書令高肇以外戚權寵專決朝事

又咸陽王禧等並有釁故宗室大臣相見疎薄而王畿人庶勞弊益甚固乃作南北二都

賦稱恆代田漁聲樂侈靡之事節以中京禮儀之式因以諷諫宣武末中尉王顯大不悅

固奏免固官遂闔門自守著演蹟賦以明幽微通塞之事又作刺讒疾嬖幸詩二首明帝

時累遷前軍將軍正光四年九月卒年五十

七贈輔國將軍太常少卿諡曰文初固著終制一篇務從儉約臨終又勅諸子一遵先制長子休之

唐書經籍藝文志陽固集三卷

馮氏詩紀輯存刺讒詩疾佞詩各一篇

嚴氏後魏文編曰陽固本傳有演蹟賦上讒

言表各一篇又云有南北二都賦文繁不錄

今亡

右後魏人文凡八家八部是爲別集類分

篇第九本又有宗欽集本志誤入東晉人未見前

隋書經籍志考證卷三十九之十

集部二之十

別集類十北齊

北齊特進邢子才集三十一卷

北齊書本傳邢邵字子才河間鄆人少時有

避遂不行名十歲能屬文日誦萬餘言一覽

便無所遺文章典麗既瞻且速年未二十名

動衣冠嘗與右北平陽固河東裴茂等至北

海王听舍宿飲相與賦詩凡數十首釋巾爲

魏宣武挽郎除奉朝請著作佐郎自孝明之

後文雅大盛邵彫蟲之美獨步當時每洛中

貴人拜職多憑邵爲謝表永安初爲中書侍

郎所作詔語文體宏麗太昌中累遷太常卿

中書監攝國子祭酒三職並是文學之首當

世榮之世宗幸晉陽路中頻有甘露之瑞朝

臣皆作甘露頌尙書符令邵爲之序及文宣

帝崩勅撰哀策後授特進卒邵博覽墳籍無

不通曉晚年尤以五經章句爲意窮其指要

吉凶禮儀公私諮稟實疑去惑爲世指南每

公卿會議事關典故邵援筆立成證引該洽

帝命朝章取定俄頃與濟陰温子昇爲文士

之冠世論謂之温邢鉅鹿魏收雖天才豔發

而言事在二人之後故子昇死後方稱邢魏

焉有書甚多而不甚校讎見人校書常笑曰

何愚之甚天下書至死讀不可遍焉能始復

校此且誤書思之更是一適妻弟李季節才

學之士名概有音韻決疑等書見經部小學類中謂子才曰世間人多不聰明思誤書何由能得

子才曰若思不能得便不勞讀書有集三十卷見行於世

後魏羊銜之洛陽伽藍記曰永熙中詔國子

祭酒邢子才撰景明寺碑文字才性通敏

風情雅潤文宗學府騰班馬而孤上英規勝

範凌許郭而獨高及皇居徙鄴勅與温子昇

撰麟趾新制十五篇省府以之決疑州郡用

爲治本所製詩賦詔策章表碑頌贊記五百

篇皆傳於世鄰國欽其模楷朝野以爲美談

唐書經籍志北齊邢子才集三十卷

唐書藝文志北齊邢邵集三十卷

張氏百三家邢特進集輯本序曰温鵬舉魏

伯起邢子才爲北朝文人稱首楊遵彥文德

論云古今辭人皆負才遺行惟子才王元景

温子昇彬彬有德素然則温邢在當日兼以

行顯非伯起驚蛺蝶比也子才異同交安賢

愚並接抱此天姿與物無忤然在坐作表哀

翻怒爲小兒言論相輕崔暹奪其帝聽甚哉

入世之不易也凡賦詔表奏等文二十九篇

樂府一首詩七首馮氏詩紀輯樂府詩篇數同

嚴氏北齊文編邢邵有集三十卷今存新宮

賦一篇文宣帝受禪赦詔一篇表八篇奏立

明堂太學文宣諡議各一篇議四篇上言一

篇書二篇序一篇甘露頌一篇銘二篇哀策

文一篇碑四篇墓誌一篇

北齊尙書僕射魏收集六十八卷

魏收有後魏書見史部正史類
北齊書本傳魏節閔帝立妙簡近侍試收爲

封禪書收下筆便就不立藁草文將千言所改無幾孝武嘗大發士卒狩于嵩少之南旬有六日時天寒朝野嗟怨帝與從官及諸妃主奇伎異飾多非禮度收欲言則懼欲嘿不能已乃上南狩賦以諷焉時年二十七雖富言淫麗而終歸雅正帝手詔報焉甚見褒美初神武固讓天柱大將軍魏帝勅收為詔令遂所請欲加相國問收相國品秩收以實對帝遂止收既未測主相之意以前事不安求解詔許焉久之除帝兄子廣平王贊開府從事中郎收不敢辭乃為庭竹賦以致已意時孝武猜忌神武尋而神武與晉陽之甲帝西入關收副王昕使梁在途作聘游賦辭甚美盛侯景叛入梁寇南境文襄時在晉陽令收為檄五十餘紙不日而就又檄梁朝令送侯景初夜執筆三更便成文過七紙文襄善之魏帝曾季秋大射普令賦詩收詩末云尺書徵建鄴折簡召長安文襄壯之顧諸人曰在朝今有魏收便是國之光采雅俗文墨通達縱橫我亦使才子才昇時有所作至於詞氣並不及之吾或意有所懷忘而不語語而不盡意有未及收呈草皆以周悉此亦難有侯景既陷梁鄴陽王範時為合州刺史文襄勅收以書喻之範得書乃率部伍西上文襄謂收曰今定一州卿有其力猶恨尺書徵建鄴未效耳文襄崩文宣如晉陽時將受禪楊愔奏收置之別館令撰禪代詔冊諸文遣徐之才守門不聽出三臺成文宣曰臺成須有

賦收上皇居新殿臺賦其文甚壯麗帝曾游東山勅收作詔宣揚威德譬喻關西俄頃而訖詞理宏壯帝對百僚大嗟賞之收無子魏太常劉芳孫女中書郎崔肇華女夫家坐事帝並賜收為妻時比之賈充置左右夫人然無子後病甚恐身後嫡媵不平乃放二姬及疾瘳追憶作懷離賦以申意及帝崩于晉陽與陽休之參議吉凶之禮并掌詔誥文宣諡及廟號陵名皆收議也及孝昭居中宰事命收禁中為諸詔文始收與溫子昇邢邵稍為後進邵既被疎出子昇以罪幽死遂大被任用獨步一時議論更相訾毀各有朋黨自武定二年已後國家大事詔命軍國文詞皆收所作每有緊急受詔立成敏速之工邢溫所不逮其參議典禮與邢相埒收以子侄少年申以戒厲著枕中篇後主即位復掌詔誥有集七十卷收稍與子才爭名文宣貶子才曰爾才不及魏收收益得志自序云先稱溫邢後曰邢魏然收內陋邢心不許焉又高德政傳德政勸顯祖行禪代之事敦勸不已仍白帝追魏收收至令撰禪讓詔冊九錫建臺及勸進文表

唐書經籍藝文志魏收集七十卷張氏百三家魏特進集輯本序曰論邢魏者以魏衍任樂安邢衍沈隱侯余謂伯起生平文體得之樂安固多若問史才隱侯宋書亦其兄事也魏齊文誥典司最久世罕流傳作賦大才雅自期許乃新殿南狩庭竹離懷諸篇亦未得見使無魏書幾無以表著後代矣且謗深陳壽而福踰崔浩尤從來史官之極幸者也凡詔冊啓移文書議雜文祭文十五篇樂府四篇詩八篇馮氏詩紀錄樂府詩篇數同嚴氏北齊文編魏收有集七十卷今存魏孝靜帝禪位詔冊命齊王九錫文禪位冊太子監國冬會議上魏書十志啓與李德林書論齊書起元事為侯景叛移梁朝文枕中篇祭文願文凡一十四篇案藝文類聚五十八又有魏收檄梁文據文苑英華及通鑑實杜弼撰又收傳有南狩賦聘游賦皇居新殿臺賦懷離賦庭竹賦北史文苑傳有庫狄干碑序今並亡

北齊儀同劉逖集二十六卷

北齊書文苑傳劉逖字子長彭城叢亭里人也祖芳魏太常卿逖少而聰敏魏末徵詣霸府發憤自勵專精讀書晉陽都會之所霸朝人士攸集成務于宴集逖在游宴之中卷不離手亦留心文藻頗工詩詠武成時至中書侍郎歷為聘陳使主聘周使副二國始通禮儀未定逖與周朝議論往復斟酌古今事多合禮兼文詞可觀甚得名譽使還拜儀同三司武成崩出為江州仁州刺史徵還待詔文林館重除散騎常侍奏門下事未幾與崔季舒等同時被戮時年四十九所制詩賦及雜文文筆三十卷又後主本紀武平四年冬十月辛丑殺侍中崔季舒張彪散騎常侍劉逖封崇瑛門侍郎裴澤郭遵案其事見崔季舒傳又恩倖說風傳風於權要

之中尤鹹人士崔季舒等冤酷皆風所爲

北史文苑傳序曰河清天統之辰杜臺卿劉
逖魏騫亦參詔勅唯撰述除官詔旨其關涉
軍國文翰多是魏收作之

唐書經籍藝文志劉逖集四十卷

馮氏詩紀曰劉逖有對雨詩秋朝野望詩浴

溫泉詩清歌發詩凡四首

嚴氏北齊文編曰劉逖有薦辛德源表一篇
見隋書德源傳

右北齊人文凡三家三部是爲別集類分

篇第十

隋書經籍志考證卷三十九之十一

集部二之十一

別集類十一 後周

後周明帝集九卷

周書本紀世宗明皇帝諱毓太祖長子也魏

大統十四年封寧都郡公十六年行華州事

拜宜州刺史魏恭帝三年授大將軍鎮隴右

孝閔帝受禪進柱國轉岐州刺史晉公護廢

即天王位三年秋八月己亥改天王稱皇帝

改元武成明年夏四月帝因食遇毒崩 亦爲

宇文護所弑詳見護傳年二十七帝寬明仁厚敦

睦九族有君人之量幼而好學博覽羣書善

屬文詞采溫麗及即位集公卿以下有文學

者八十餘人于麟趾殿刊校經史又摺采衆

書自義農以來訖於魏末敘爲世譜凡五百

卷云所著文章十卷又曰遇毒後庚子大漸

詔曰云云即帝口授也

唐書經籍藝文志後周明帝集十卷 別本作

一卷似十字之誤

唐書藝文志後周明帝集五十卷 案舊志是集

之後卽次以陳後主集五十卷新志據舊志寫錄因上下

文而錯誤歟

馮氏詩紀曰北周明帝在位四年有貽韋居

士詩過舊宮詩和王褒咏摘花各一篇

嚴氏後周文編明帝有集十卷隋志作九卷

今存詔十三篇勅一篇

後周趙王集八卷

周書文帝十三子傳趙僖王招字豆盧突幼

聰穎博涉羣書好屬文學庾信體詞多輕黠

魏恭帝三年封正平郡公武成初進爵趙國

公建德三年進爲王大象元年出就國二年

宣帝不豫徵招及陳越代滕五王赴闕比招

等至而帝已崩隋文帝輔政將遷周鼎招密

欲圖之以匡社稷後事覺陷以謀反其年秋

誅招及其子國除招所著文集十卷行於世

又靜帝本紀大象二年六月戊午趙王招陳

王純越王達代王盛滕王迥來朝案當爲越王

盛代王達此誤 秋七月庚子詔趙陳越代滕五

王入朝不趨劍履上殿壬子趙王招越王盛

以謀執政被誅

庾信趙國公集序曰柱國公發言爲論下筆

成章逸態橫生新情振起文參曆象卽入天

官之書韻涉絲桐咸歸總章之觀論其壯也

則鷗起半天語其細也則鶴巢蚊睫自魏建

安之末晉太康以來彫蟲篆刻其體三變人

人自謂握靈蛇之珠抱荆山之玉矣公斟酌

雅頌諧和律呂若使言乖節目則曲臺不願

聲止操縵則成均無取遂得棟梁文囿冠冕

詞林大雅扶輪小生承蓋案此稱趙國公集當作

于建德三年未進于爵之前

唐日本國見在書曰後周趙王集十卷

唐書經籍志後周趙王集十卷

唐書藝文志後周趙平王集十卷

馮氏詩紀趙王招文帝第七子有從軍行一
首

後周滕簡王集八卷

周書文帝十三子傳滕聞王道案北史亦作聞簡簡之誤 字爾固突少好經史解屬文武成

初封滕國公建德三年進爵為王大象元年
出就國二年朝京師其年冬為隋文帝所害
并其子國除迨所著文章頗行于世

又靜帝本紀大象二年十二月甲子大丞相
隋國公楊堅進爵為王以十郡為國辛未代

王達滕王道並以謀執政被誅

唐書經籍志後周滕王集十二卷

唐書藝文志後周滕簡王集十二卷

馮氏詩紀滕王道文帝第十三子有至渭源
詩一首

嚴氏後周文編滕王道諡曰簡王有集九卷
文苑英華有庾信集序初學記有道教實花
序各一篇

後周儀同宗懷集十二卷并錄

周書北史本傳懷字元懷南陽涅陽人少聰
敏好讀書普通六年舉秀才梁元帝鎮荊州
令兼記室使製龍川廟碑元帝歎美之元帝
重牧荊州以為別駕江陵令及即位擢為尚
書侍郎封信安縣侯累遷吏部尚書初侯景
平後梁元帝議還建鄴惟懷勸都洛宮以其
鄉里在荊州故也及江陵平與王褒等入關
周文帝以懷名重南土甚禮之孝閔帝踐阼
拜車騎大將軍儀同三司明帝即位又與王
褒等在麟趾殿刊定羣書保定中卒年六十
四有集二十卷行於世

唐書經籍志後周宗懷集三十卷藝文志十
卷

馮氏詩紀宗懷有和歲首寒望詩早春詩春
望詩麟趾殿詠新井凡四篇

案宗懷有荆楚歲時記一卷至今猶傳本
志不別著錄或當編入是集中

後周沙門釋忘名集十卷忘當為亡

唐日本國見在書目無名師集十卷 又有無
名集十卷又十八卷或別是一人

唐書經籍志沙門亡名集十卷

唐書藝文志僧亡名集十卷

法苑珠林傳記篇周朝武帝時沙門釋亡名
著至道論淳德論遣執論不殺論去是非論
修空論影喻論法界寶人銘獄食想文僧崖
菩薩傳詔法師傳驗善知識傳凡十二卷

馮氏詩紀曰釋亡名俗姓宋氏南郡人本名
闕弱齡道世吟嘯邱壑長富才華事梁元帝
深見禮待梁亡遠客岷蜀會周氏跨有并洛

齊王鎮蜀素加禮供秩滿還雍遂勒歸謁帝
朝省總議將徵拔之然雅亮卓然曾無易節
多所著述有集十卷行于世今存五苦詩五

首謂生苦老苦病苦死苦愛離也又五盛陰
詩一首以佛書有五陰譬喻言皆空虛也又

有無名法師過徐君墓詩一首疑亦亡名作

嚴氏後周文編曰釋亡名俗姓宋南郡人本
名闕逮事梁元帝官爵未詳梁亡出家為夏

州三藏字文護迎還咸陽不知所終續高僧
傳有答宇文護書又列六不可十歎息書又

寶人銘法苑珠林作自誠存凡三篇

案寶人銘序云余十五而尚文三十而重
勢位值京都喪亂冠冕淪沒知識零落殆
盡乃喟然歎曰夫以迴天倒日之力一旦

草彫岱山磐石之固忽焉燼滅定知世相
無常浮生虛偽譬如朝露其停幾何不如

修禪定足以養志誦讀經足以自娛富貴
名譽徒榮人耳乃棄其簪弁剃其鬚髮衣

衲杖錫聽講談玄戰國未寧安身無地思
絕苦本莫知其津誓欲枯木其形死灰其

慮降此患累以求虛寂云云蓋恫江陵之
覆亡自擬以枯木死灰其心志亦重可悲

矣又答宇文護書云不曾妻息五十二年
自捨俗緣十有五載則梁亡之歲年五十

二後十五年為周武帝天和三年時年已
六十七矣可見者如此

後周小司空王褒集二十一卷并錄班耶

王褒有王氏江左世家傳見史部雜傳篇
梁書王規附傳規子褒字子漢七歲能屬文

與沛國劉毅南陽宗懷俱為中興佐同參帷
幄褒至尚書左僕射參掌選事世祖承聖三

年江陵陷入于周褒著幼訓以誠諸子其一
章有云吾始乎幼學及于知命既崇周孔之

教兼循老釋之談江左以來斯業不墜汝能
脩之吾之志也

周書北史本傳褒曾祖儉祖鸞父規並有重
名於江左褒識量淵通志懷沈靜美風儀善
談笑博覽史傳尤工屬文梁武帝嘉其才藝

以弟鄱陽王恢之女妻之元帝與褒有舊相得甚歡及魏征江陵元帝出降褒遂與衆俱

出見柱國于謹褒曾作燕歌行妙盡關塞寒

苦之狀元帝及諸文士並和之而競爲淒切

之詞至此方驗焉褒與王克劉毅宗懷殷不

害等數十人俱至長安明帝即位篤好文學

時褒與庾信才名最高特加親待帝游宴命

褒賦詩談論恆在左右建德以後頗參朝議

凡大詔册皆令褒具草後遷少司空

周書作小仍掌綸誥初褒與梁處士汝南周弘讓相

善及讓兄弘正自陳來聘帝許褒等通親知

音問褒贈弘讓詩并致書焉

唐書經籍志王褒集三十卷藝文志二十卷

馮氏詩紀王褒樂府有燕歌行等十八篇詩

二十九篇

張氏百三家王司空集輯本凡詔表啓書序

箴銘碑祭文頌文幼訓二十五篇樂府詩四

十七篇題詞有曰周朝著作王庾齊稱其麗

密相近而子淵微弱平日作燕歌行能盡塞

北苦寒梁朝君臣競和其詞竟成符讖今觀

子淵詩文多燕歌類建章樓閣長安陵樹傷

心久矣

嚴氏後周文編曰案王褒傳建德以後凡大

詔册皆令褒具草張溥據之以建德元年三

月癸亥詔三年二月乙卯詔六月戊午詔凡

三首編入褒集然建德詔見存三十二首而

張溥僅取三首何所據乎今以建德詔編入

武帝集褒有集二十一卷今存表四啓二與

周弘讓書象經序服要記序論箴銘碑銘祭

文幼訓頌文凡二十六篇

後周少傅蕭瑄集十卷

周書北史本傳瑄字智遐蘭陵人梁武帝弟

安成王秀之子也秀有集見前年十二入國學

博觀經史雅好屬文在梁封永豐縣侯歷巴

西梓潼二郡守及侯景作亂武陵王紀稱尊

號封瑄秦郡王紀率衆東下以瑄爲益州刺

史守成都周文帝知蜀兵寡弱遣大將軍尉

遲迴總衆討之瑄以城降授侍中開府儀同

三公封歸善縣公周閔帝踐阼進爵黃臺郡

公武成中明帝令諸文儒于麟趾殿校定經

史仍撰世譜瑄亦預焉後置露門學以瑄與

唐瑾元偉王褒等四人俱爲文學博士歷少

保少傅改封蔡陽郡公建德二年卒時年五

十九諡曰襄瑄善草隸名亞于王褒算數醫

方咸亦留意所著詩賦雜文數萬言頗行于

世

唐書經籍藝文志蕭瑄集十卷

馮氏詩紀蕭瑄有婦婦吟日出行勞歌和武

陵王望道館上蓮山等詩凡五首

嚴氏後周文編蕭瑄有集十卷周書本傳有

請歸養表一篇

後周開府儀同庾信集二十一卷并錄

北史文苑傳庾信字子山南陽新野人幼而

俊邁聰敏絕倫博覽羣書尤善春秋左氏傳

父肩吾爲梁太子中庶子東海徐摛爲右衛

率摛子陵及信並爲抄撰學士父子東宮出

入禁闥恩禮莫與比隆既文並綺豔故世號

徐庾體焉當時後進競相模範每有一文都

下莫不傳誦聘于東魏文章辭令盛爲鄴下

所稱還爲東宮學士領建康令臺城陷後奔

於江陵梁元帝除御史中丞右衛將軍封武

康縣侯聘於西魏屬大軍南討遂留長安周

孝閔帝踐阼封臨清縣子除司水下大夫弘

農郡守驃騎大將軍開府儀同三司司憲中

大夫進爵義城縣侯拜洛州刺史徵爲司宗

中大夫明帝武帝並雅好文學信特蒙恩禮

至於趙滕二王周旋款至有若布衣之交羣

公碑誌多相託焉唯王褒頗與信埒自餘文

人莫有逮者信雖位望通顯常作鄉關之思

乃作哀江南賦以致其意大象初以疾去職

隋開皇元年卒有文集二十卷

又文苑傳序曰梁自大同之後雅道淪缺漸

乖典則爭馳新巧簡文湘東啓其淫放徐陵

庾信分路揚鑣其意淺而繁其文匿而彩詞

尙輕險情多哀思格以延陵之聽蓋亦亡國

之音也

周書傳論曰王褒庾信奇才秀出牢籠于一

代是時世宗雅詞雲委滕趙二王彫章間發

咸築宮虛館有如布衣之交由是朝廷之人

閭閻之士莫不意味于遺韻眩精于末光猶

邱陵之仰嵩岱川流之宗溟渤也然則子山

之文發源于宋末盛行於梁季其體以淫放

爲本其詞以輕險爲宗故能誇目侈於紅紫

蕩心逾於鄭衛昔揚子雲有言詩人之賦麗

以則辭人之賦麗以淫若以庾氏方之斯又詞賦之罪人也

周滕簡王道序曰自梁朝筮仕周氏馳驅至今歲在屠維龍居淵獻春秋六十有七齒雖著舊文更新奇才子詞人莫不師教王公名

貴盡為虛襟又曰妙善文詞尤工詩賦窮緣情之綺靡盡體物之瀏亮誅奪安仁之美碑

有伯喈之情箴似揚雄書同阮籍昔在揚都有集十四卷值太清罹亂百不一存及到江

陵又有三卷即重遭軍火一字無遺今之所撰止入魏以來爰泊皇代凡所著述合二十

卷分成兩帙付之後爾余與子山風期款密情均縞紵契比金蘭欲余製序聊命翰札云

案序云歲在屠維龍居淵獻則為己亥之歲是歲為周宣帝即位之次年改元大成未幾禪位於靜帝改元大象一

歲凡兩改元序蓋作于是年時信年六十有七明年廢王被害又明年辛丑即為隋開皇元年信卒于是年六十有九

北史魏澹傳隋初除太子舍人廢太子勇深禮之令注庾信集世稱博物

唐日本國見在書目庾信集廿卷唐書經籍藝文志庾信集二十卷

宋史藝文志庾信集二十卷又哀江南賦一卷又曰王道珪注哀江南賦一卷張庭芳注哀江南賦一卷

晁氏讀書志庾信集二十卷周庾信子山也孝閔時終司憲中大夫信在梁與徐陵文並

綺麗世號徐庾體集有滕王道序案信終于司宗中大夫隋開皇初卒此云孝閔時終司憲中大夫非也

陳氏書錄解題庾開府集二十卷周司憲中大夫南陽庾信子山撰信肩吾之子仕梁及

周其在揚都有集四十卷及江陵又有三卷皆兵火不存今集止自入魏以來所作而哀

江南賦實為首冠案此亦云司憲中大夫誤與晁志同或宋本集首所題如此也揚都有集四十卷據滕王序自是十四卷之誤

四庫提要曰庾開府集箋注十卷周庾信撰國朝吳兆宜注信駢偶之文集六朝之大成

導四傑之先路自古迄今屹然為四六宗匠初在南朝與徐陵齊名王通中說曰徐陵庾

信古之夸人也其文誕令狐德棻周書至詆其誇目蕩心斥為詞賦之罪人然此自指臺

城應教之日二人以宮體相高耳至信北遷以後閱歷既久學問彌深所作皆華實相扶

情文兼至抽黃對白之中灑氣舒卷變化自如則非陵之所能及矣張說詩曰蘭成追宋

玉舊宅偶詞人筆涌江山氣驕雲雨神其推挹甚至杜甫詩曰庾信文章老更成凌雲

健筆意縱橫後來嗤點流傳賦不覺前賢畏後生則諸家之論甫固不以為然矣北史本

傳稱有集二十卷與周滕王之序合隋志作二十一卷皆已久佚元末明初尙有重編之

本今亦未見此本雖冠以滕王道序實由諸書鈔撮而成非其原帙也又曰庾子山集注

十六卷錢塘倪璠撰右後周人文凡八家八部是為別集類分篇第十一

隋書經籍志考證卷三十九之十二 集部二之十二 別集類十二陳

陳後主集三十九卷

陳書本紀後主諱叔寶字元秀小字黃奴宣帝嫡長子也天嘉三年立為安成王世子太

建元年立為皇太子十四年正月甲寅宣帝崩乙卯始興王叔陵作逆伏誅了已即皇帝

位明年改元至德後五年改元禎明禎明二年十一月隋遣晉王廣衆軍來伐三年春正

月乙丑隋總管賀若弼韓擒虎自北道並進甲申進攻宮城南掖門而入後主自投

于井及夜為隋軍所執三月己巳後主與王公百司發自建業入于長安隋仁壽四年十

一月壬子薨於洛陽時年五十二追贈大將軍封長城縣公諡曰煬葬河南洛陽之芒山

又史臣侍中鄭國公魏徵曰古人有言亡國之主多有才藝考之梁陳及隋信非虛論然

則不崇教義之本偏尚淫麗之文徒長澆偽之風無救亂亡之禍矣

又文學傳序曰後主嗣立雅尙文詞傍求學藝煥乎俱集每臣下表疏及獻上賦頌者躬

自省覽其有辭工則伸筆賞激加其爵位是以搢紳之徒咸知自勵

又姚察傳後主所製文筆卷軸甚多乃別寫一本付察有疑悉令刊定察亦推心奉上事在無隱後主嘗從容謂朝士曰姚察達學治聞手筆典裁精當自古尤難輩匹在于今世

足爲師範且訪對甚詳明聽之使人忘倦
南史本紀後主荒於酒色常使張貴妃孔貴
人等八人夾坐江總孔範等十人預宴號曰
狎客先令八婦人擊采箋製五言詩十客一
時繼和遲則罰酒君臣酣飲從夕達旦以此
爲常及聞隋軍臨江但奏伎縱酒作詩不輟
既至京師隋文帝給賜甚厚數得引見班同
三品後監守者奏言叔寶云既無秩位每預
朝集願得一官號隋文帝曰叔寶全無心肝
及從東巡登芒山侍飲賦詩曰日月光天德
山川壯帝居太平無以報願上東封書并表
請封禪隋文帝優詔謙讓不許後從至仁壽
宮常侍宴及出隋文帝目之曰此敗豈不由
酒將作詩工夫何如思安時事當賀若弼度
京口彼人密啓告急叔寶爲飲酒遂不省之
高顛至日猶見啓在牀下未開封此亦是可
笑蓋天亡也昔苻氏所征得國皆榮貴其主
苟欲求名不知違天命與之官乃違天也
隋書樂志曰後主嗣位尤重聲樂遣宮女習
北方蕭鼓謂之代北酒酣則奏之又於清樂
中造黃驪留及玉樹後庭花金釵兩鬢垂等
曲與幸臣等製其歌詞綺豔相高極于輕薄
男女唱和其音甚哀
唐書經籍志陳後主集五十卷藝文志五十
五卷 案二志作五十卷五十五卷者似并沈后集十卷
在內也

張氏百三家輯本序曰世言陳後主輕薄最
甚者莫如黃鸝留玉樹後庭花金釵兩鬢垂
等曲今曲不盡傳惟見玉樹一篇寥落寡致
不堪男女唱和卽歌之亦未極哀也史稱後
主標德儲宮繼業允望遵故典弘六藝金馬
石渠稽古雲集梯山航海朝貢歲至辭雖誇
詡審其平日固與鬱林東昏殊趨矣使其生
當太平次爲諸王步竟陵之文藻賤臨川之
黷貨開館讀書不失令譽乃繫以大寶困之
萬幾豈所堪乎鶴不能亡國而國君不可好
鶴後主蓋與衛懿公同類而悲矣漢武李夫
人歌與落葉哀蟬曲憂傷過于後代而四夷
服威陳主詞非絕淫亡且忽焉哀而不起者
在聲音之間乎非獨篇章已也詔命書銘秋
東氣多卽作者亦不自知日暮矣凡賦詔勅
制策書銘二十八篇樂府三十四篇詩二十
九篇 馮氏詩輯存樂府詩篇數同又附錄小說家所
載隋渠詩小窗詩寄碧玉詩戲贈沈后詩各一首其詞不
類皆後人依託云
嚴氏全陳文編後主有集三十九卷今存東
賦夜亭度雁賦各一篇報尙書八座奏治始
興王叔陵罪制一篇詔二十勅十册文一宣
旨誠諭一書一墓銘一題墓銘後一綜凡三
十八篇
陳後主沈后集十卷
陳書皇后列傳後主沈皇后諱婺華儀同三
司望蔡貞憲侯君理女也太建三年納爲皇
太子妃後主卽位立爲皇后性端靜寡嗜

慾聰敏彊記涉獵經史工書翰後主遇后既
薄而張貴妃寵傾後宮後宮之政並歸之后
澹然未嘗有所忌怨而居處儉約衣服無錦
繡之飾左右近侍纔百許人唯尋閱圖史誦
佛經爲事陳亡與後主俱入長安及後主薨
后自爲哀辭文甚酸切隋煬帝每所巡幸恆
令從駕及煬帝爲宇文化及所害后自廣陵
過江還鄉里不知所終
南史后妃傳后數上書諫爭後主將廢之而
立張貴妃會國亡不果又曰及煬帝被殺后
自廣陵過江于毘陵天靜寺爲尼名觀音貞
觀初卒
馮氏詩紀曰平陳錄及朝野僉載有後主戲
贈沈后沈后答後主詩各一首爲後人依託
也
嚴氏全陳文編後主沈后有集十卷國清百
錄有與釋智顓手書一篇
陳大匠卿杜之偉集十二卷
陳書文學傳杜之偉字子大吳郡錢塘人也
家世儒學以三禮專門之偉幼精敏有逸才
七歲受尙書稍習詩禮略通其學十五遍觀
文史及儀禮故事時輩稱其早成僕射徐勉
嘗見其文重其有筆力中大同元年梁武帝
幸同泰寺捨身案梁武帝初捨身在大通元年此
云中大同史駁文 勅勉撰儀注勉以臺閣先無
此禮召之偉草具其儀乃啓補東宮學士與
學士劉陟等抄撰羣書各爲題目所撰富教
政道二篇皆之偉爲序梁皇太子釋奠於國

學時樂府無孔子顏子登歌詞尚書參議令

之偉製其文伶人傳習以為故事侯景反之

偉逃竄山澤及高祖為丞相素聞其名召補

記室參軍遷中書侍郎領大著作高祖受禪

除鴻臚卿尋轉大匠卿遷大中大夫永定三

年卒年五十二之偉為文不尚浮華而溫雅

博瞻所製多遺失存者十七卷

嚴氏全陳文編杜之偉有集十二卷陳書文

學傳有求解著作啓一篇

陳金紫光祿大夫周弘讓集九卷

陳周弘讓後集十二卷

周弘讓有續高士傳見史部傳記類

陳書周弘正傳弘正幼孤及弟弘讓弘直俱

為叔父侍中護軍捨所養 周捨有集見梁文中

弘正知玄象善占候大同末嘗謂弟弘讓曰

國家厄運數年當有兵起吾與汝不知何所

逃之及梁武納侯景弘正謂弘讓曰亂階此

矣王僧辯之討侯景也弘正與弘讓自拔迎

軍僧辯得之甚善即日啓元帝遣使迎之謂

朝士曰晉氏平吳喜獲二陸今我破賊亦得

兩周今古一時足為連類弘讓性簡素博學

多通

唐書藝文志周弘讓集十八卷

馮氏詩紀曰周弘讓弘正之弟始仕不得志

隱居茅山晚仕侯景為中書侍郎獲譏于世

今存詩四首

嚴氏全陳文編周弘讓有集九卷後集十二

陵書凡四篇

陳侍中沈炯前集七卷一本作炯者非也

陳沈炯後集十三卷

陳書南史本傳炯字初明吳興武康人也少

有雋才為當時所重仕梁為尚書左民侍郎

吳令侯景之難景將宋子仙逼令掌書記及

子仙敗王僧辯購得之自是羽檄軍書皆出

於炯及簡文遇害四方岳牧上表於江陵勸

進僧辯令炯制表其文甚工當時莫有逮者

陳武帝南下與僧辯會白茅灣登壇設盟炯

為其文侯景平梁元帝封原鄉侯徵為給事

黃門侍郎魏剋江陵被虜甚見禮遇授儀同

三司以母在東恆思歸國恐以文才被留閉

門卻掃無所交接時有文章隨即毀棄不令

流布嘗獨行經漢武通天臺為表奏之陳己

思鄉之意少日便與王克等並獲東歸紹泰

二年至都歷司農卿御史中丞陳武帝受禪

加通直散騎常侍帝嘗稱炯宜居王佐軍國

大政多預謀謨文帝又重其才欲使炯立功

加明威將軍遣還鄉里收徒衆以疾卒于吳

中時年五十九贈侍中諡曰恭子有集二十

卷行於世

姚思廉曰沈炯仕于梁室年在知命冀郎署

之薄官止邑宰之卑職及下筆盟壇屬辭勸

表激揚旨趣信文人之偉者歟

李延壽曰沈炯才思之美足以繼踵前良然

仕于梁朝年已知命主非不文而位裁邑宰

有時焉

藝文類聚雜文部陳劉師知侍中沈府君集

序略曰余與夫子齒義絕德忘年交情

彌至增榮廣價知己難忘夫盛烈清徽使傳

乎帝載遺文餘論被在乎民謠斯所以沒而

猶彰死且不朽今乃撰西還所著文章名為

後集

唐日本國見在書目沈炯集十卷沈炯後集

十卷

唐書經籍藝文志沈炯前集六卷後集十三

卷

宋史藝文志沈炯集七卷一本誤作炯

張氏百三家沈侍中集輯本序曰勸進三表

長聲慷慨絕類劉越石陳情辛宛又有李令

伯風至為陳太傅讓表義正辭壯即阮嗣宗

上晉王箋曷加焉恭子雋才雅慕忠孝冒危

履險情深指哀行經通天臺上表漢武亦雀

臺雍邱憑弔常事何至發夢帝宮還身故壤

鄧晨有云忠信感靈其事異其志悲矣存詩

頗少詠十二神尤驚創體亦戲謔類耳江南

文體入陳更衰非徐僕射沈侍中代無作者

乃故崎嶇其遇俾光詞苑斯文之際天豈無

意乎凡賦表啓書銘碑哀策文祭文盟文二

十二篇樂府二篇詩十六篇 馮氏詩紀輯存樂

府詩篇數同

嚴氏全陳文編沈炯有前集七卷後集十三

卷今存歸魂賦幽庭賦各一篇表九篇書記

又曰張溥誤取文苑英華書二首又誤取梁書王僧辯傳之啓二首編入沈炯集並無據也

陳沙門釋標集二卷當作釋慧標

陳書虞寄傳時陳寶應據有閩中結婚留異潛有逆謀寄每陳逆順之理微以諷諫及留異稱兵寶應資其部曲寄乃因書極諫及寶應敗走凡諸賓客微有交涉者皆伏誅唯寄以先識免禍初沙門慧標涉獵有才思及寶應起兵作五言詩以送之曰送馬猶臨水離騎稍引風好看今夜月當入紫微宮寶應得之甚悅慧標賫以示寄寄一覽便止正色無言標退寄謂所親曰標公既以此始必以此終後竟坐是誅

馮氏詩紀曰釋惠標涉獵有文思陳寶應反以預謀坐誅今存詠山詠水詠孤石贈陳寶應詩四篇六首

陳沙門釋洪偃集八卷

馮氏詩紀曰釋洪偃俗姓謝氏會稽山陰人風神秀穎弱齡悟道梁太宗在東朝愛其備秀欲令還俗引為學士偃執志不從會講重雲抗言高論甚為武帝所優禮梁亂避地於縉雲陳武革命乃復出都天嘉五年卒偃始離俗迄於還化惟學是務每緣情觸興輒敘其致而文采灑落罕有嗣者今存游故苑等詩凡三篇

陳沙門釋瑗集六卷當作釋瑗

釋瑗有僧家書儀見史部儀注類

唐書經籍志沙門曇瑗集六卷

唐書藝文志僧曇瑗集六卷
馮氏詩紀續高僧傳曰瑗每上鍾阜諸寺修造道賢觸興賦詩覽物懷古洪假法師傲寄泉石偏見朋從把臂郊垌同游故苑瑗題樹為詩今存此一首案即與洪偃同游故苑詩也

陳沙門釋靈裕集四卷

法苑珠林傳記篇隋朝相州大慈寺沙門釋靈裕撰安民論十二卷陶神論十卷因果論二卷聖迹記一卷

唐書經籍志沙門靈裕集二卷

唐書藝文志僧靈裕集二卷
馮氏詩紀續高僧傳曰靈裕俗姓趙定州曲陽人有道行甚為齊文宣隋文帝之所尊禮而清貞潔己屢謝時榮初居相州大慈寺末又住演空寺大業元年終有臨終詩二首
案靈裕終于隋煬帝大業元年則入隋久矣此題陳沙門者或從陳代諸家書目鈔入不及詳考也

陳尚書僕射周弘正集二十卷

周弘正有周易義疏見經部易家
南史周朗附傳弘正幼為伯父捨所養十歲通老子周易捨每與談論輒異之曰觀汝情理警發後世知名當出吾右河東裴子野深相賞納請以女妻之普通中初置司文義郎直壽光省以弘正為司義侍郎大通三年昭

明太子薨其嗣華容公不得立乃以晉安王綱為皇太子弘正奏記請抗目夷上仁之義執子臧大賢之節其抗直守正如此常自稱有才無相僕射徐勉掌選以其陋不堪為尚書郎乃獻書於勉其言甚切時於城西立士林館弘正居以講授聽者傾朝野弘正啓梁武帝周易疑義凡五十條又請釋乾坤二繫復詔答之後有罪應流徙勅以賜于陔利國未去寄繫尚方于獄上武帝講武詩降勅原罪仍復本位元帝嘗著金樓子曰余于諸僧重招提球法師隱士重華陽陶貞白士大夫重汝南周弘正其于義理情轉無窮亦一時之名士也弘正善清談梁末為玄宗之冠所著周易講疏論語莊子老子孝經疏若干卷集二十卷行於代

唐書經籍藝文志周弘正集二十卷
馮氏詩紀曰周弘正仕梁入陳宣帝時為尚書右僕射今存詩十三篇

陳鎮南府司馬陰鏗集一卷

陳書文苑阮卓附傳時有武威陰鏗字子堅梁左衛將軍子春之子幼聰慧五歲誦詩賦日千言及長博涉史傳尤善五言詩為當時所重釋褐梁湘東王法曹參軍侯景之亂鏗為賊所擒或救之獲免陳天嘉中為始興王府中錄事參軍文帝嘗譙羣臣賦詩徐陵言之帝即日召鏗預譙使賦新成安樂宮鏗援筆而就帝甚歎異之累遷招遠將軍晉陵太守員外散騎常侍頃之卒有文集三卷行

於世

宋黃伯思東觀餘論曰陰鏗風格流麗與孝
穆子山相長雄沈宋近體之椎輪也

晁氏讀書志陰鏗集一卷陳陰鏗字子堅有

集三卷隋志已亡其二今所存者十數詩而

已杜少陵贈李白詩有云李侯有佳句往往

似陰鏗今觀斯集白蓋過之遠矣甫之慎許

可乃如此

陳氏書錄詩集類陰鏗集一卷陳散騎常侍

南平陰鏗子堅撰財三十餘篇杜子美云李

侯有佳句往往似陰鏗今考之未見鏗之所

似太白者太白固未易似也子美云爾殆必

有說

馮氏詩紀品藻篇竹林詩評曰陰鏗之作體

用兼優神采融澈辭精意切名之弗浮也

韓子蒼曰陰鏗與何遜齊名號陰何今何遜

集五卷其詩清麗簡遠正稱其名鏗詩至少

又淺易無他奇其格律乃似隋唐間人所為

疑非出於鏗雖然自隋唐以來謂鏗詩矣

武威張澍陰常侍集輯本序曰子堅以清麗

之格與何遜齊名而孝穆子山並深熱服梁

陳之際蓋一作者鏗子灝官虎門博士著瓊

林二十卷灝子宏道官臨渙令雜采子夏孟

喜等十六家之說為易新傳疏十卷今瓊林

易傳湮沒無傳而子堅詩句猶得于虛逸之

餘留其光氣雖散佚過半精華不存而尋其

梗概可於灰裏撥之宜為少陵野老吟誦不

置與余從文苑英華及諸類書哀集得三十

五首較馮北海詩紀多一篇復參校其字之
同異彼而刊之以餉同好者

陳左衛將軍顧野王集十九卷

顧野王有玉篇見經部小學家

陳書南史本傳野王九歲能屬文嘗制日賦

領軍朱异見而奇之十二隨父之建安撰建

安地記二篇長而徧觀經史精記默識無所

不通所撰玉篇與地志符瑞圖顧氏譜傳分

野樞要續洞冥記玄象表各若干卷並行于

世又撰通史要略一百卷國史紀傳二百卷

未就而卒有文集二十卷

馮氏詩紀顧野王有羅敷行芳樹有所思隴

頭水長安道陽春歌豔歌行七篇凡九首

嚴氏全陳文編顧野王有集十九卷今存舞

影賦箏賦箏賦拂塵箴賦上呈玉篇啓玉篇

序虎邱山序凡七篇

陳沙門策上人集五卷

策上人始末未詳

陳尚書左僕射徐陵集三十卷

徐陵有文府見子部雜家

南史徐摛傳摛字士秀東海郟人也屬文好

為新變不拘舊體初為梁皇太子家令兼管

記摛文體既別春坊盡學之宮體之號自斯

而始長子陵字孝穆八歲能屬文及長博涉

史籍梁簡文在東宮置學士陵充其選簡文

撰長春殿義記使陵為序太清二年使魏會

齊受魏禪而侯景入寇梁元帝復通使於齊

陵累求復命終拘留不遣乃致書于齊僕射

楊遵彥不報及西魏平江陵齊送貞陽侯明
為梁嗣乃遣陵隨還太尉王僧辯初拒境不

納明往復致書皆陵辭也及明入僧辯得陵

大喜以為尚書吏部郎兼掌詔誥陳武帝受

禪領大著作初後主為文示陵云他日所作

陵嗤之曰都不成辭句後主銜之至是諡曰

章僞侯案陳書本傳云諡曰章無僞字

陳書本傳陵少而崇信釋教經論多所精解

後主在東宮令陵講大品經義學名僧自遠

雲集自有陳創業文檄軍書及禪讓授詔策

皆陵所製而九錫尤美為一代文宗亦不以

此矜物未嘗詆訶作者其於後進之徒接引

無倦世祖高宗之世國家有大手筆皆陵草

之其文頗變舊體緝裁巧密多有新意每一

文出好事者已傳寫成誦遂被之華夷家藏

其本後逢喪亂多散失存者三十卷

又史臣曰徐孝穆挺五行之秀稟天地之靈

聰明特達籠罩今古及締構與王遭逢泰運

位隆朝宰獻替謀猷蓋亮直存矣

唐日本國見在書目徐陵筆集十卷徐陵集

三十卷

唐書經籍藝文志徐陵集三十卷

宋史藝文志徐陵詩一卷

崇文總目徐陵文集二卷

陳氏書錄詩集類徐孝穆集一卷陳太子太

傅東海徐陵孝穆撰本傳稱其文喪亂散失

存者二十卷今惟詩五十餘篇

馮氏詩紀輯存樂府十四篇詩二十二篇

張氏百三家徐僕射集輯本序曰陳世祖時安成王任威福孝穆爲御史中丞彈之下殿高宗議北伐孝穆舉吳明徹大將裴忌副之克淮南數十州地周昌強諫張華知人殆有兼稱非徒以太史之辭干將之筆豪詡東海也案安成王瑱卽高宗宣皇帝也其勸進梁元帝表與代貞陽侯數書感慨興亡聲淚並發至編旅篇牘親朋報章蘇李悲歌猶見遺則夫三代以前文無聲偶八音自諧司馬子長所謂鏗鏘鼓舞也浸淫六季制句切響千英萬傑莫能跳脫所可自異者死生氣別耳歷觀駢體前有江任後有徐庾皆以生氣見高遂稱俊物玉臺一序與九錫並美天上石麟青睛慧相亦何所不可哉所輯文凡八十二篇樂府詩三十六篇

四庫提要曰徐孝穆集箋注六卷陳徐陵撰吳江吳兆宜注隋志載陵集本三十卷久佚不傳此本乃後人從藝文類聚文苑英華諸書內采掇而成陵文章綺麗與庾信齊名世號徐庾體陳書本傳稱其緝裁巧密多有新意爲一代文宗其集舊無注本兆宜既箋庾信集因并取陵集箋之未及卒業其同里徐文炳續爲補緝成是編

嚴氏全陳文編曰今本陵集有陳武帝卽位詔陳武帝下州郡璽書陳武帝卽位告天文並見武紀未定是徐陵作宜編入武帝文今存鴛鴦賦詔九錫文禪位策禪位璽表議啓書移文檄文玉臺新詠序頌銘哀策墓誌德

政碑佛寺碑法師碑凡七十九篇編爲六卷又文編卷首敍錄曰徐陵集四卷明人纂輯本

陳右衛將軍張式集十四卷
張式有書圖泉海見子部雜家

唐書經籍藝文志張式集十三卷
陳尙書度支郎張正見集十四卷

陳書文學傳張正見字見隨清河東武城人也幼好學有清才梁簡文帝在東宮正見年十三獻頌簡文深贊賞之嘗預講筵請決疑義太清初射策高第梁元帝立拜通直散騎侍郎遷彭澤令屬梁季喪亂避地于匡俗山高祖受禪詔正見還都累遷尙書度支郎撰史著士太建中卒時年四十九有集十四卷其五言詩尤善行於世

唐日本國見在書目張正見集三卷
唐書經籍藝文志張正見集四卷

宋史藝文志張正見集一卷
馮氏詩紀輯存樂府一卷詩一卷品藻篇滄浪詩話曰六朝人詩唯張正見最多而最無所發明所謂雖多亦奚以爲

張氏百三家張散騎集輯本凡賦三篇啓一篇樂府四十一篇詩四十四篇序曰張見隨本集十四卷詩賦間存賦三首又語致蕭條則散騎著作得稱集者特有詩耳史云見隨詩尤善五言篇中蜀郡隨金馬天津應玉衡天路橫秋水星橋轉夜流其著者也夫陳隋詩格風氣開唐五言聲響尤爲近之憎者病

其雖多奚爲喜者謂其聲骨雄整嚴氏全陳文編張正見有集十四卷藝文類聚初學記有石賦山賦衰桃賦謝賜錢啓凡四篇

陳司農卿陸瑒集二卷
陳書文學傳陸瑒字溫玉吳郡吳人吏部尙書瓊之從父弟也父令公梁中軍宣城王記室參軍瑒幼孤好學有志操州舉秀才解褐宜惠始興王參軍直嘉德殿學士文帝留心史籍以瑒博學善占誦引置左右常使製刀銘瑒援筆卽成無所點竄帝嗟賞久之副琅邪王厚聘齊至鄴而厚卒瑒自爲使主時年二十餘風神韶亮占對闕敏齊士大夫甚傾心焉太建初兼東宮管記丁母憂去官五年卒時年三十四太子甚傷悼之自製誌銘至德二年追贈司農卿瑒寡嗜慾鮮於競游心經籍晏如也所製文筆行不存後主求其遺文撰成二卷有弟瑒

陳少府卿陸玠集十卷玠當爲玠
陳書文學傳陸瑜傳從父兄玠字潤玉梁大匠卿晏之子弘雅有識度好學能屬文舉秀才對策高第超授衡陽王文學直天保殿學士遷長沙王友領記室後主在東宮聞其名徵爲管記仍除中舍人甚見親待尋以疾失明將還鄉里太子解衣贈之爲之流涕太建八年卒年三十七至德二年追贈少府卿有集十卷

唐書經籍藝文志陸珍集五卷案珍爲玠字之

誤北齊陽珍松有解頤二卷見子部小說家珍亦或作珍
或作珍誤與此同

馮氏詩紀曰陸玢有雜言詠栗一首 玢亦當
為玢

陳光祿卿陸瑜集十一卷并錄

陳書文學陸瑛傳瑛弟瑜字幹玉少篤學美
詞藻舉秀才數遷為東宮學士兄瑛時為管
記並以才學娛侍左右時人比之二應太建
二年太子釋奠於太學宮臣並賦詩命瑜為
序文甚瞻麗累遷尚書祠部郎東宮管記洗
馬中舍人瑜幼長讀書晝夜不廢聰敏彊記
一覽無遺嘗受莊老於汝南周弘正學成實
論于僧滔法師並通大旨時皇太子好學欲
博覽羣書以子集繁多命瑜抄撰未就而卒
年四十四太子為之流涕親製祭文遣使弔
祭仍與詹事江總書論述其美詞甚傷切至
德二年追贈光祿卿有集十卷

又陸瓊傳瓊第三子從典有異才為從父瑜
特所賞愛及瑜將終家中墳籍皆付從典從
典乃集瑜文為十卷仍製集序其文甚工

唐書經籍藝文志陸瑜集十卷

馮氏詩紀陸瑜有仙人篇伯勞歌獨酌謠存
凡三篇

陳護軍將軍蔡景歷集五卷

陳書南史本傳景歷字茂世濟陽考城人也
少俊爽家貧好學善尺牘工草隸仕梁為諸

王府佐海陽令侯景亂客游京口景平陳武
帝素聞其名以書要之景歷對使人答書筆
不停輟文不重改帝得書甚加欽賞即日板

征北府中記室參軍武帝將討王僧辯召令
草檄景歷援筆立成辭義感激事皆稱旨及

受禪遷祕書監中書通事舍人掌詔誥文帝
即位以定策功封新都縣子進爵為侯宣帝

即位累遷通直散騎常侍兼御史中丞守度

支尚書卒官年六十贈太常卿諡曰敬太建

十三年改葬重贈中領軍禎明元年配享武

帝廟庭三年車駕親幸其宅重贈侍中中撫

軍將軍諡曰忠敬于墓所立碑景歷屬文不

尚彫靡而長于敘事應機敏速為當時所稱

有文集三十卷案陳書南史未見所歷官有護軍將

軍疑是領軍撫軍將軍之誤

嚴氏全陳文編蔡景歷有集五卷陳書劉師

知傳有大行俠御服議二條本傳有答陳征

北書存凡三篇

陳沙門釋曇集六卷

釋曇始末未詳

陳御史中丞褚玠集十卷

陳書文學傳褚玠字溫理河南陽翟人也早

有令譽先達多以才器許之及長美風儀善

占對博學能屬文詞義典實不好豔靡起家

王府法曹歷太子庶子中書侍郎太建中除

戎昭將軍山陰令坐免官皇太子愛玠文辭
令入直殿省十二年遷御史中丞卒於官時
年五十二玠剛毅有膽決及為御史中丞甚

有直繩之稱自梁末喪亂朝章廢弛司憲因
循守而勿革玠方欲改張大為條例綱維略

舉而編次未訖故不列於後焉及卒太子親
製銘以表惟舊至德二年追贈祕書監所製

章奏雜文二百餘篇皆切事理由是見重於
時

唐書經籍藝文志褚介集十卷介當為玠

馮氏詩紀曰褚玠有門雞東郊道詩一篇曹

子建都篇曰門雞東郊道走馬長楸間

嚴氏全陳文編褚玠有集十卷初學記有風

裏蟬賦一篇

陳安右府諮議司馬君卿集二卷

司馬君卿始末未詳

陳著作佐郎張仲簡集一卷

張仲簡始末未詳

右陳代人文凡二十四家二十六部是為

別集類分篇第十二內周弘讓沈炯二家各有
後集一部

隋書本紀煬皇帝諱廣一名英小字阿摩高祖第二子也少敏慧好學善屬文在周以高祖勳封雁門郡公開皇元年立為晉王及太子勇廢立為皇太子高祖崩即皇帝位明年改元大業大業十二年秋七月甲子幸江都宮十三年二月河南諸郡相繼皆陷五月甲子唐公起義師於太原十一月景辰唐公入京師辛酉遙尊帝為太上皇立代王侑為帝改元義寧上起宮丹陽將遜於江左義寧二年三月右屯衛將軍宇文化及等作亂入犯宮闈上崩于溫室時年五十史臣曰煬帝爰在弱齡早有令聞南平吳會北卻匈奴昆弟之中獨著聲績于是矯情飾貌肆厥姦回故得獻后鍾心文皇革慮天方肇亂遂登儲兩踐峻極之崇基承丕顯之休命地廣三代威揚八紘負其富強之資思逞無厭之欲恃才矜己傲狠險躁淫荒無度海內騷然普天之下莫匪仇讎左右之人皆為敵國終然不悟同彼望夷遂以萬乘之尊死於一夫之手子弟同就誅夷骸骨棄而莫掩社稷頽隕本校殄絕自肇有書契以迄於茲宇宙崩離生靈塗炭喪身滅國未有若斯之甚也

又柳晉傳晉王好文雅招引才學之士諸葛穎虞世南王胄朱瑒等百餘人以充學士而

審為之冠王以師友處之每有文什必令其潤色然後示人嘗朝京師還作歸藩賦命晉為序初王屬文為庾信體及見晉已後文體遂變

又文學傳庾自直解屬文於五言詩尤善性恭慎不妄交游特為帝所愛帝每有篇章必先示自直令其詆訶自直所難帝輒改之或至於再三俟其稱善然後方出

又文學傳序曰煬帝初習藝文有非輕側之論暨乎即位一變其風其與越國公書建東都詔冬至受朝詩及擬飲馬長城窟並存雅體歸於典制雖意在駢淫而詞無游蕩故當時綴文之士遂得依而取正焉所謂能言者未必能行蓋亦君子不以人廢言也

又音樂志曰煬帝不解音律略不關懷後大製豔篇辭極淫綺令樂正白明達造新聲粉萬歲樂藏鈎樂七夕相逢樂投壺樂舞席同心警玉女行觴神仙留客擲磚續命鬪雞子鬪百草汎龍舟還舊宮長樂花及十二時等曲掩抑摧藏哀音斷絕帝悅之無已謂幸臣曰多彈曲者如人多讀書讀書多則能撰書彈曲多即能造曲此理之然也

唐日本國見在書目煬帝集廿八卷 新志一

唐書經籍藝文志隋煬帝集三十卷 新志一本作五十卷

張氏百三家輯本序曰隋煬帝志慕秦皇漢武而內行則劉聰石虎雖有文不善也隋書文苑傳稱帝意在駢淫詞無浮蕩綴文之士

得依取正余疑其諛比觀全集多莊言簡戲謔似史評非誣也歸藩賦今集無有知傳者多缺他文自詔書外雅深佞佛昆曇學聖黎耶悟真自謂顏淵值宣尼尹喜逢老氏也身受法戒而悉焚無慚開士之談豈足信哉凡詔勅靈書檄令書誄頌文願疏一百四篇樂府十篇詩三十二篇 馮氏詩紀輯存樂府詩篇數同

嚴氏全隋文編煬帝有集五十五卷今存制七條詔四十八篇勅十二篇題書賜書令書下令下教手書下書上言遺檄遺書十三篇與釋智顓書三十五篇與諸寺僧書敍銘誄疏文願文弔文祭文十六篇綜凡一百三十首編為四卷

王祐集一卷 王祐始末未詳

武陽太守盧思道集三十卷

盧思道有知己傳見史部雜傳家隋書北史本傳思道聰爽俊辯通悅不羈齊文宣帝崩當朝文士各作挽歌十首擇其善者而用之魏收陽休之祖孝徵等不過得一首惟思道獨有八篇故時人稱為八米盧

因學紀聞雜識篇云或謂米當為采何注云見齊書

察雜記 後以事免歸家嘗於薊北悵然感慨為五言詩見意世以為工周武帝平齊追赴

長安與同輩陽休之等數人作聽蟬鳴篇思道所為詞意清切為時人所重新野庾信偏覽諸同作者而深歎美之未幾母疾還鄉里

遇同郡舉兵作亂思道預焉柱國宇文神舉討平之思道罪當斬已在死中神舉素聞其名引出令作露布援筆立成文不加點神舉嘉而宥之隋文帝為丞相遷武陽太守位下不得志為孤鴻賦以寄其情開皇初以母老表請解職思道恃才地多所陵轍由是宦途淪滯既而又著勞生論指切當世有集三十卷行於世北史作二十卷

唐書經籍藝文志隋盧思道集二十卷 新志一本誤作盧思道

張氏百三家盧武陽集輯本序曰盧子行自齊入周作聽蟬詩遷武陽太守作孤鴻賦淪滯官途作勞生論憂愁所寄並為時稱論北齊毀武成論後周毀天元暴揚淫昏發露詔惡君百桀紂臣百廉虎陽秋直筆殆云無隱然生官其朝沒揚其醜搜林席以快見聞貶朽骨以恣河漢良史雖傳臣心未順異乎賈生過秦陸機辯亡矣子行詩兼工七言唐玄宗自蜀回登勤政樓歌曰庭前琪樹已堪攀塞北征人去未還即盧薊北歌詞也唐風近隋盧薛諸體世尤宗尚蓄意寡而音響無滯自以為昆吾莫邪爾凡賦檄表書序論誄祭文願文十一篇樂府十一篇詩十四篇

鳴蟬篇在末馮氏詩紀輯府樂詩篇目同

嚴氏全隋文編盧思道有集三十卷今存納涼賦孤鴻賦表奏檄書勞生論北齊興亡論後周興亡論詩序誄祭文願文凡十三篇

金州刺史李元操集十卷

隋書北史本傳李孝貞字元操趙郡柏人人也世為著姓少好學能屬文在齊褐釋司徒府參軍與從兄儀曹郎中騷太子舍人季節博陵崔子范陽盧詢祖為斷金之契後待詔文林館以美於詞令勒與中書侍郎李若李德林別掌宣傳詔勅周武帝平齊歷吏部下大夫隋開皇初拜馮翊太守為犯廟諱於是稱字後數歲遷蒙州刺史徵拜內史侍郎與李德林參典文翰出為金州刺史卒官所著文集二十卷行于世北史云三十卷

唐書經籍藝文志李元操集二十二卷

馮氏詩紀李孝貞字元操入隋為犯廟諱遂以字稱有巫山高鳴雁行等樂府詩凡六篇嚴氏全隋文編曰李元操本名孝貞避隋祖諱因改稱字有集二十卷初學記十七有為周宣帝祭比干文一篇蜀王府記室辛德源集三十卷

辛德源有正訓內訓見子部雜家

隋書本傳德源沈靜好學年十四解屬文及長博覽書記少有重名齊尚書僕射楊遵彥殿中尚書辛術皆一時名士並虛襟禮敬因同薦於文宣帝中書侍郎劉劼上表薦德源曰弱齡好古晚節逾厲枕籍六經漁獵百氏文章綺豔體調清華高祖受禪不得調者久之隱於林慮山鬱鬱不得志著幽居賦以自寄文多不載素與盧思道友善時相往來有集二十卷

唐書經籍藝文志辛德源集三十卷

馮氏詩紀輯存短歌行等樂詩凡九篇嚴氏全隋文編辛德源有集三十卷初學記十七有姜肱贊東晉庾統朱明張臣尉三人贊凡二篇

太尉楊素集十卷

隋書本傳素字處道弘農華陰人也與安定牛弘同志好學研精不倦多所通涉善屬文工草隸頗留意於風角周武帝命素為詔書下筆立成詞義兼美帝嘉之顧謂素曰善自勉之勿憂不富貴素應聲答曰臣但恐富貴來偏臣臣無心圖富貴平齊之役以功封清河縣子及齊平改封成安縣公宣帝即位襲父爵臨貞縣公高祖為丞相深自結納進封清河郡公高祖受禪數進取陳之計及平陳還進爵鄧國公改封越國公累遷上柱國御史大夫行軍元帥行軍總管內史令尚書僕射尚書令太子太師煬帝大業二年拜司徒改封楚公其年卒官諡曰景武贈光祿大夫太尉公弘農河東等十郡太守下詔立碑素嘗以五言詩七百字贈番州刺史薛道衡詞氣宏拔風韻秀上亦為一時盛作未幾而卒道衡歎曰人之將死其言也善豈若是乎有集十卷又史臣曰楊素少而輕俠傲儻不羈兼文武之資包英奇之略志懷遠大以功名自許考其夷凶靖亂功臣莫居其右覽其奇策高文足為一時之傑然專以智詐自立不由仁義之道阿諛時主高下其心營構離宮陷君於

奢侈謀廢家嫡致國於傾危終使宗廟邱墟
市朝霜露其禍敗之源實乃素之由也

馮氏詩紀曰晉王廣之弑立素之謀也有出
塞二首又山齋獨坐贈薛內史二首又有贈
薛內史一首贈薛播州十四首案此十四首即
七百字也每首五十字

嚴氏全隋文編楊素有集十卷今存表奏罪
議蜀王秀偽檄柳弘誅凡七篇

懷州刺史李德林集十卷

隋書北史本傳德林字公輔博陵安平人也
該博填典陰陽緯候無不通涉善屬文辭覈
而理暢齊天保八年舉秀才入鄴射策五條
考皆爲上授殿中將軍天保季世謝病還鄉
皇建初下詔搜揚人物復追赴晉陽撰春思
賦一篇代稱典麗天統初授給事中直中書
參掌詔誥魏收與陽休之論齊書起元事百
司會議收與德休致書往復詞多不載是時
中書侍郎杜臺卿上世祖武成皇帝頌齊主
以爲未盡善德林乃上頌十六章并序文多
不載武成覽而善之除中書侍郎仍詔修國
史齊後主留情文雅召入文林館又令與黃
門侍郎顏之推二人同判文林館事及周武
帝克齊從駕至長安授內史上士御正下大
夫大象初賜爵成安縣男高祖受顧命輔少
主以德林爲丞相府從事內郎禪代之際其
相國總百揆九錫殊禮詔策賤表璽書皆德
林之辭也高祖登阼授內史令上儀同進爵
爲子開皇元年勅令同脩律令五年勅令撰

錄霸朝雜集贈其父敬族定州刺史安平縣
公以德林襲焉德林既少有才名重以貴顯
凡製文章動行於世或有不知者謂爲古人
焉德林以梁士彥及元諧之徒頗有逆意大
江之南抗衡上國乃著天命論上之後忤意
出爲湖州刺史轉懷州刺史歲餘卒官年六
十一贈大將軍廉州刺史諡曰文所撰文集
勒成八十卷遭亂亡失見十五卷行於世勅
撰齊史未成有子曰百藥大業末爲建安郡

丞

又史臣曰德林幼有操尚學富才優譽重鄴
中聲飛關右王基締構叶贊謀猷羽檄交馳
絲綸間發文誥之美時無與二君臣體合自
致青雲不患莫已知豈徒言也

唐書經籍藝文志李德林集十卷

張氏百三家李懷州集輯本序曰公輔高名
少著鄴京南北文士如魏常侍江令君皆稱
之河朔英靈史云無二凡詔冊書序論十五
篇詩六篇馮氏詩紀篇目同

嚴氏全隋文編李德林有霸朝集五卷集五
十卷案本傳禪代之際其詔冊牋表皆德林
之辭又案霸朝集序靜帝詔冊皆德林作今
據之編入德林集中其餘齊天統初至武平
初詔誥入周以後詔誥開皇初詔誥未必出
一人手未敢編入今輯爲周靜帝誅尉遲迥
大赦詔以隋公爲大丞相詔隋公進爵爲王
詔勸隋公受九錫詔禪位詔策隋公九錫文
禪位冊復魏收議齊書起元事書霸朝雜集

序天命論凡十八篇

吏部尚書牛弘集十二卷

牛弘有周史見史部正史類
隋書本傳弘好學博聞皇初爲祕書監以
典籍遺逸上表請開獻書之路納之三年
請依古制修立明堂上議以時事草創未遑
制作寢不行六年除太常卿九年詔改定雅
樂又作樂府歌詞撰定圓丘五帝凱樂並議
樂事上甚善其議詔弘與姚察許善心何妥
虞世基等正定新樂事在音律志是後議置
明堂詔弘條上故事議其得失事在禮志時
高祖又令弘與楊素蘇威薛道衡許善心虞
世基崔子發等并詔諸儒論新禮降殺輕重
弘所立議衆咸推服之大業之世委遇彌隆
性寬厚篤志於學雖職務繁雜書不釋手隋
室舊臣始終信任悔吝不及唯弘一人而已
有文集十三卷行於世
又史臣曰牛弘篤好墳籍學優而仕有淡雅
之風懷曠遠之度采百王之損益成一代之
典章漢之叔孫不能尙也綢繆省闕三十餘
年夷險不渝始終無際雖開物成務非其所
長激之不清混之不濁可謂大雅君子矣
唐書經籍藝文志牛弘集十二卷
馮氏詩紀曰牛弘有奉和冬至乾陽殿受朝
應詔詩一首又隋書樂志曰開皇中詔牛弘
劉臻等詳定雅樂弘等奏博訪知音旁求儒
彥研校是非定其去就取爲一代正樂具在
本司於是并撰歌辭三十首詔并令施行牛

弘傳曰開皇九年奉詔改定雅樂又作樂府歌辭案此則諸歌辭當為牛弘所作也凡圓丘歌八首五郊歌五首感帝歌等祭歌蜡祭歌朝日歌夕月歌各一首方丘歌四首神州歌一首社稷歌四首先農歌先聖先師歌各一首太廟樂歌九首元會大饗歌十一首宴羣臣登歌一首皇后房內歌一首大射登歌一首凱樂歌三首文武舞歌二首

張氏百三家牛奇章集輯本序曰隋楊二帝猜忌好殺勳伐舊臣動遭誅廢獨牛里仁始終恩任恠吝不及賜詩贊揚內帳飲食禮愛尤殊生平文字儀禮居優南北用兵典籍滄喪里仁詳陳五厄請開購賞篇章稍備其有功藝文豈讓王儉七志阮孝緒七錄哉 案五厄者謂書之厄運有五 一秦火 二王莽 三董卓 四永嘉 五江陵也其文為後世所重 凡表奏論議九篇樂府五十七首詩一首

司隸大夫薛道衡集三十卷

隋書北史本傳道衡字玄卿河東汾陰人也六歲而孤專精好學年十三講左氏傳見子產相鄭之動作國僑贊頗有詞致見者奇之齊武平初詔與諸儒修定五禮陳使傅縡聘齊以道衡兼主客郎接對之綽贈詩五十韻道衡和之南北稱美待詔文林館與盧思道李德林齊名友善齊亡入周至邛州刺史隋文帝受禪除內史舍人其年為聘陳使主江

東雅好篇什陳主尤愛影蟲道衡每有所作南人無不吟誦焉及八年伐陳拜淮南道行臺尚書吏部郎兼掌文翰還除吏部侍郎直內史授內史侍郎加上儀同進上開府檢校襄州總管煬帝嗣位轉潘州刺史歲餘上表求致仕上高祖文皇帝頌帝覽之不悅顧謂蘇威曰道衡致美先朝此魚藻之義也於是拜司隸大夫將置之罪道衡不悟後令自盡乃縊殺之妻子徙且未時年七十天下冤之有集七十卷行於世

北史薛辯傳論曰道衡雅道奕葉世擅文宗令望攸歸豈徒然矣而運逢季叔卒蹈誅戮痛乎

唐書經籍藝文志薛道衡集三十卷

陳氏書錄詩集類薛道衡集一卷隋內史侍郎河東薛道衡元卿撰詩凡十九篇本集三十卷所存止此大抵隋以前文集存全者亡幾多好事者於類書中抄出以備家數也史言道衡每至構文必隱空齋踟躕而臥聞戶外人聲便怒其沈思如此

馮氏詩紀輯存樂府四首詩十六首品藻篇曰小說舊聞曰隋煬帝善屬文不欲人出其右薛道衡由是得罪後因事誅之曰更能作空梁落燕泥否 宋王得臣塵史曰劉氏傳記煬帝既誅薛道衡乃云尙能道空梁落燕泥否蓋道衡詩嘗有是句也

張氏百三家薛司隸集輯本序曰玄卿才名蚤盛高祖革命久典文書儲君國相爭交引

重乃嶺表配防襄州出鎮仕路風雲豈能盡如人意煬帝宿卻成於江陵而文皇一頌致殞厥軀今觀其文舖敘前徽頌禱為忠何故召怒蓋事非其主言違其時對子諛父猶有罪焉詩篇英麗名下無虛然得之踟躕失之馬足遺亡如國僑贊辭盤石諸制者又不知幾何也凡賦表書碑頌祭文七篇樂府詩二十篇

嚴氏全隋文編薛道衡有集三十卷今存晏喜賦及奏狀弔延法師書隋高祖文皇帝頌老氏碑祭淮文祭江文凡八篇

國子祭酒何妥集十卷

何妥有周易講疏見經部易家隋書北史儒林傳妥少機警性勁急有口才好是非人物時蘇威兼領五職上甚親重之妥因奏威不可信任又以掌天文律度皆不稱職妥又上八事以諫書奏威大銜之其後上令妥考定鍾律妥表上末云謹具錄三調四五曲名又制歌辭如別有聲曲流宕不可以陳於殿庭者亦悉附之於後書奏別勅太常取妥節度於是作清平瑟三調聲又作八佾鞀鐸巾拂四舞後出為龍州刺史為刺史箴勅於州門外以疾請還許之復知樂事時上方使蘇夔在太常參議鍾律夔有所建議朝士多從之妥獨不同每言夔之短復上封事指陳得失大抵論時政損益并指斥當世朋黨於是蘇威及吏部尚書盧愷侍郎薛道衡等皆坐得罪妥撰周易講疏孝經莊子義

疏樂要各若干卷及與沈重等撰三十六科鬼神感應等大義九卷封禪書一卷文集十卷並行於世

又史臣曰何妥通涉雋爽神情警悟雅有口才兼擅詞筆然許以爲直失儒者之風焉

唐書經籍藝文志何妥集十卷舊志一本誤作何妥

馮氏詩紀何妥有長安道昭君詞及奉勅於太常寺脩正古樂等詩凡六首

嚴氏全隋文編何妥有集十卷隋書禮儀志

音樂志及本傳有定樂舞表上書諫文帝八事受禪壇議非十二律旋相爲宮議非七調議凡五篇

祕書監柳晉集五卷

隋書本傳晉字願言本河東人也永嘉之亂徙家襄陽祖儼梁侍中北史文苑傳作儼有集見前晉少聰敏解屬文好讀書仕梁爲著作佐郎蕭督據荊州爲侍中國子祭酒吏部尚書

及梁國廢爲晉王諮議參軍王好文雅招引才學之士諸葛穎虞世南王胄朱瑒等百餘人以充學士而晉爲之冠王朝京師作歸藩賦命晉爲序詞甚典麗仁壽初引爲東宮學士以其好內典令撰法華玄宗爲二十卷奏之煬帝嗣位拜祕書監封漢南縣公從幸揚州遇疾卒年六十九諡曰康撰晉王北伐記十五卷有集十卷行於世

唐日本國見在書目柳願言集十卷唐書經籍藝文志柳願言集十卷

馮氏詩紀柳晉有奉和楊子江應教應制臨渭水應令等詩凡五首

嚴氏全隋文編柳晉有集十卷今存奏增房

中樂鍾磬與釋智頭書徐則畫象贊天台國清寺智者禪師碑文凡四篇

開府江總集三十卷江總後集二卷

陳書本傳總字總持濟陽考城人十世祖統五世祖湛祖禧並有名當代父紆在梁書孝行傳案江統江湛並有集見晉宋文中總篤學有辭采家傳賜書數千卷晝夜勤讀梁武帝撰正言始畢製述懷詩總預同此作帝覽總詩深降嗟賞梁尚書張纘王筠劉之遴並高才碩

學雅相推重爲忘年友仕梁至太子中舍人侯景寇京都總避難累年至會稽憩於龍華寺乃製修心賦略序時事後流寓嶺南積歲天嘉四年以中書侍郎徵還朝累遷太子詹事以與太子爲長夜之飲養良娣陳氏爲女太子微行總舍上怒免之後主即位數遷至尚書令京城陷入隋爲上開府開皇十四年卒於江都年七十六總嘗爲自敘時人謂之實錄總篤行義寬和溫裕能屬文於五言七言尤善然傷於浮豔故爲後主所愛幸多有側篇好事者相傳諷翫於今不絕後主之世總當權宰不持政務日與後主游宴後庭共陳暄孔範王瑗等十餘人當時謂之狎客由是國政日頽綱紀不立有言之者輒以罪斥之君臣昏亂以至於滅有文集三十卷行於世

又姚察傳徐陵名高一代每見察製述尤所推重尚書令江總與察尤篤厚善每有製作必先以簡察然後施用總爲詹事時嘗製登宮城五百字詩當時謂君及徐陵以下諸名賢並同此作徐公後謂江曰我所和弟五十韻寄弟集內及江編次文章無復察所和本述徐此意謂察曰高才碩學庶光拙文今須公所和五百字用偶徐侯章也察謙遜未付

江曰若不得公此製僕詩亦須棄本復乖徐公所寄豈得見令兩失察不獲已乃寫本付之案此則三十卷者爲其自編集中有徐姚兩人和作南史江夷傳論曰茂遠自晉及陳雅道相保奕世載德斯之謂也而總溺於寵狎反以文雅爲敗然則士之成名所貴彬彬而已

唐日本國見在書目江令君集廿卷又江令集三十卷

唐書經籍藝文志江總集二十卷宋史藝文志江總集七卷

陳氏書錄詩集類江總集一卷陳尚書令考城江總總持撰總在陳爲太子詹事以宮端爲長夜之飲及後主即位當權任日爲豔詩君臣昏亂以至於亡國入隋爲上開府唐志集二十卷中與書目七卷今惟存詩近百首云

張氏百三家江令君集輯本序曰後主狎客江總持居首國亡主辱竟逃明刑開府隋朝眉壽無恙春秋惡佞人有厚福若是者哉六宮謝章美人應令豔歌側篇傳誦禁庭餘則山寺穹碑法師龜石標記禪悅寂不聞有廟

堂典議關其筆札其晏居則何如也齊梁以來華虛成風士大夫輕君臣而工文墨高談法王脫略名節難足驚頭適為朝秦暮楚者地耳梁有江總隋有裴矩唐有馮道三人皆醜婦所羞也凡賦詔表章啓序碑贊頌銘哀策誄墓誌銘識文五十二篇樂府二十九篇詩六十一首 馮氏詩紀樂府二十六篇詩六十七首 輯為二卷

嚴氏全隋文編江總有集三十卷後集二卷今存貞女峽賦修心賦等九篇詔令章各一篇表八篇啓五篇序四篇頌一篇贊四篇銘八篇誄一篇哀策文一篇墓誌五篇碑六篇羣臣請贖武帝捨身文一篇綜五十六篇編為二卷

記室參軍蕭愨集九卷

北齊書文苑顏之推附傳蕭愨字仁祖梁上黃侯暉之子天保中入國武平中太子洗馬又曰愨工於詩詠會秋夜賦詩其兩句云芙蓉露下落楊柳月中疎為知音所賞

北史文苑傳序齊後主頗好詠詩初因畫屏風勅通直郎蕭放等錄古賢烈士及近代輕豔諸詩以充圖畫帝彌重之後復追齊州錄事參軍蕭愨趙州功曹參軍顏之推同入撰錄猶依霸朝謂之館客武平三年祖凝奏立文林館又奏撰御覽并勅放愨之推等同入館撰書

北齊邢劭蕭仁祖集序曰蕭仁祖之文可謂彫章間出昔潘陸齊軌不襲建安之風顏謝

同聲遂革太原之氣自漢逮晉情賞猶自不諧江北江南意製本應相詭顏氏家訓文章篇蘭陵蕭愨梁室上黃侯之子工於篇什嘗有秋思詩云芙蓉露下落楊柳月中疎時人未之賞也吾愛其蕭散宛然在目穎川荀仲舉琅邪諸葛漢亦以為爾而盧思道之徒雅所不恆

馮氏詩紀蕭愨齊後主時為齊州錄事參軍待詔文林館後入隋有屏風詩秋思詩等凡一十七首 嚴氏全隋文編蕭愨字仁祖梁武帝弟始興王憺之孫上黃侯暉之子梁末奔齊武平中為太子洗馬歷周入隋為記室參軍有集九卷邢劭為集序初學記三有春賦一篇

著作郎魏彥深集三卷

魏彥深名澹有後魏書見史部正史類隋書本傳澹祖鸞父季景世以文學自業澹專精好學博涉經史善屬文詞采瞻逸齊時與魏收陽休之熊安生同修五禮又與諸學士撰御覽與李德林俱修國史有文集三十卷行於世

唐書經籍藝文志魏澹集四卷 馮氏詩紀魏澹有初夏應詔詠萱草詠石榴詠鵲集詠桐凡五首 嚴氏全隋文編魏澹有集三卷今存鷹賦謝陳主餞送啓啓用敬字義魏史義例凡四篇

著作郎諸葛穎集十四卷

諸葛穎有北伐記巡撫揚州記見史部地理類

隋書北史文苑傳穎清辯能屬文仕梁入齊待詔文林館周武平齊不得調杜門不出者十餘年習易圖緯蒼雅莊老頗得其要煬帝即位甚見親幸帝嘗賜穎詩其卒章曰參翰長洲苑侍講肅成門名理窮研覈英華恣討論實錄資平允傳芳導後昆其待遇如此穎性褊急與柳晉每相忿鬪帝屢責怒之而猶不止於後帝亦薄之有集二十卷行於世 唐書經籍藝文志諸葛穎集十四卷

劉子政母祖氏集九卷

馮氏詩紀諸葛穎有奉和月夜觀星詩及和煬帝春江花月夜等詩凡六首 劉子政及祖氏始末並未詳 案自兩漢及晉宋梁皆以婦人集次各代之末而此又自亂其例

著作郎王胄集十卷 隋書北史文苑傳胄字承基祖筠父祥並南史有傳王筠有集見梁代人文中胄少有逸才仕陳歷太子舍人陳滅晉王廣引為博士大業初為著作佐郎以文詞為煬帝所重帝嘗自東都還京師賜天下大酺因為五言詩詔羣官詩成者奏之帝覽胄詩而善之因謂侍臣曰氣高致遠歸之於胄詞清體潤其在虞世基意密理新則庚自直過此者未可以言詩也帝所有篇什多令繼和與虞綽齊名同志友善於時後進之士咸以二人為準的後以

與楊玄感交游與虞綽徙邊胄亡匿潛還江左爲吏所捕坐誅時年五十六所著詞賦多行於世

梁書王瞻王志王峻王暕王泰王份等傳論曰王氏自姬姓以降及乎秦漢繼有英哲洎東晉王茂弘經綸江左時人方之管仲其後嬋冕交暎台衮相襲勒名帝籍慶流子孫斯爲盛族矣 案項邪王氏盛於六朝其有集見本志自晉王職以迄于胄凡三十五人

唐書經籍藝文志王胄集十卷

馮氏詩紀輯存白馬篇奉和賜舖等詩凡十八首又品藻篇歷代吟譜曰煬帝嘗爲燕歌行文士皆和之著作郎王胄獨不下帝帝每啣之終坐此見害而誦其警句曰庭草無人隨意緣復能作此耶

右隋代人文凡一十七家一十八部是爲別集類分篇第十三內江總一家二部

右四百三十七部四千三百八十一卷通計亡書合八百八十六部八千一百二十六卷實在著錄四百三十三家附注梁有四百六十九家綜九百二家九百二部又後集外集別集等二十二部通計九百二十三部

案七錄敘目文集錄第二曰別集部七百六十八種本志存佚并計九百二種增輯者一百三十四種

隋書經籍志考證卷四十

集部三

總集類類中分類十九

文章流別集四十一卷梁六十卷志二卷論二卷摯虞撰

文章流別志論二卷摯虞撰

摯虞有決疑要注見史部儀注類

晉書本傳虞撰文章志四卷又撰古文章類聚區分爲三十卷名曰流別集各爲之論辭理愜當爲世所重

鍾嶸詩品曰摯虞文志詳而博贖頗曰知言文心雕龍序志篇詳觀近代之論文者多矣至如魏文述典陳思序書應場文論陸機文賦仲洽流別宏範翰林或臧否當時之才或銓品前修之文或汎舉雅俗之旨或撮題篇章之意又曰流別精而少功顏師古刊謬正俗曰司馬子長撰史記自敘作書本意欲比擬尙書敘耳及班孟堅爲漢書亦放其意摯虞撰流別集全取孟堅書序爲一卷謂之漢述

本志敘曰總集者以建安之後辭賦轉繁衆家之集日以滋廣晉代摯虞苦覽者之勞倦於是采撷孔翠芟繁蕪自詩賦下各爲條貫合而編之謂爲流別是後又集總鈔作者繼軌屬辭之士以爲覃奧而取則焉

唐書經籍志文章流別集三十卷摯虞撰

唐書藝文志摯虞文章流別集三十卷

四庫提要總集類序曰文籍日興散無統紀

於是總集作焉一則網羅放佚使零章殘什並有所歸一則刪汰繁蕪使莠稗咸除菁華畢出是固文章之鑒衡著作之淵藪矣三百篇既列爲經王逸所哀又僅楚辭一家故體例所成以摯虞流別爲始其書雖佚其論尙散見藝文類聚中蓋分體編錄者也 嚴氏全晉文編摯虞文章流別論今見於北堂書鈔藝文類聚太平御覽者存凡一十二條

案本志史部簿錄類有摯虞文章志四卷與本傳所載同似即此七錄所有之志二卷也本志又別著錄流別志論二卷似即七錄之志二卷論二卷合并爲峽文章流別本十二卷謝混撰

謝混有集見前別集類東晉人中案此或是文章流別別本爲謝益壽所刪存者轉寫舛下別字歟

續文章流別三卷孔寧撰

孔寧始末未詳

案北齊書文苑顏之推傳之推撰觀我生賦自注云齊武平中署文林館待詔者僕射陽休之祖孝徵以下三十餘人之推專掌其撰修文殿御覽續文章流別等皆詣進賢門奏之然則此書乃北齊文林館諸人所撰孔寧或亦文林待詔而文苑傳序存錄文林待詔姓名未見其人

集苑四十五卷梁六十卷不著撰人

唐書經籍志集苑六十卷謝混撰一本混作混唐書藝文志謝混集苑六十卷謝混見前一條

集林一百八十一卷宋臨川王劉義慶撰梁二百卷

劉義慶有徐州先賢傳見史部雜傳家

南史宋臨川烈武王道規附傳義慶所著世

說十卷撰集林二百卷並行於世

唐書經籍志集林二百卷劉義慶撰

唐書藝文志宋臨川王義慶集林二百卷

集林鈔十一卷

不著撰人

集鈔十卷沈約撰

沈約有證法見經部論語類

鍾嶸詩品評宋尚書令傅亮詩曰季友文余

嘗忽而不察今沈特進撰詩載其數首亦復

平矣

梁有集鈔四十卷丘遲撰亡

丘遲有集見前別集類梁代人文中

唐書經籍志集鈔四十卷不著撰人

唐書藝文志丘遲集鈔四十卷

集略二十卷

不著撰人

撰遺六卷

不著撰人

梁又有零集三十六卷亡

不著撰人

翰林論三卷李充撰梁五十四卷

李充有論語集注見經部

鍾嶸詩品曰陸機文賦通而無貶李充翰林疎而不切

文心雕龍序志篇詳觀近代之論文者多矣

至如魏文述典陳思序書應場文論陸機文

賦仲洽流別宏範翰林各照隅隙鮮觀衢路

又曰翰林淺而寡要宏範李軌字此當云宏度

唐書經籍志翰林論二卷李充撰

唐書藝文志文史類李充翰林論三卷

宋史藝文志文史類李充翰林論三卷允當為充或又作李元又作李克

崇文總目文史類翰林論三卷李充撰

玉海藝文篇隋志總集翰林論三卷中興書

目凡二十八篇論為文體要

嚴氏全晉文編李充有翰林論五十四卷今

初學記太平御覽引見凡八條

文苑一百卷孔道撰

南史文學邱巨源附傳時又有會稽孔廣孔

道皆才學知名道抗直有才藻陳郡謝滯年

少時游會稽還父莊問入東何見孔道不

見重如此著三吳決錄不傳卒於衛軍武陵

王東曹掾

唐書經籍志文苑一百卷孔道撰

唐書藝文志孔道文苑一百卷

宋史藝文志孔道文苑十九卷

玉海藝文類中興書目孔道集漢以後諸儒

文章今存十九卷賦頌頌銘詠弔典書表論

凡十屬目錄有書寫校正官吏姓名題龍朔

二年或大中十年蓋唐秘書所藏本也

文苑鈔三十卷

不著撰人

昭明太子有集見前別集類

自序略曰余監撫餘閒居多暇日歷觀文囿

泛覽辭林未嘗不心游目想移晷忘倦自姬

漢以來眇焉悠邈時更七代數逾千祀辭人

才子則名溢於縹囊飛文染翰則卷盈乎緗

帙自非略其蕪穢集其清英蓋欲兼功太半

難矣故雜而集之遠自周室迄於聖代都為

三十卷名曰文選云耳

又曰凡次文之體各以彙聚詩賦體既不一

又以類分類分之中各以時代相次

梁書南史本傳又撰古今典語文言為正序

十卷文選三十卷

唐書經籍志文選三十卷梁昭明太子撰

唐書藝文志梁昭明太子文選三十卷

宋史藝文志蕭統文選六十卷李善注

晁氏讀書志李善注文選六十卷梁昭明太

子蕭統纂前有序述其所以作之意蓋選漢

迄梁諸家所著賦詩騷七詔册令教策秀才

文表上書啓彈事牋記書移檄難問對議論

序頌贊符命史論連珠銘箴詠哀辭碑誌行

狀弔祭文類之為三十卷竇常謂 著文選

以何遜在世不錄其文蓋其人既往而後其

文克定然則所錄者前人作也唐李善注析

為六十卷

陳氏書錄解題文選六十卷梁昭明太子蕭

統德施撰唐崇賢館學士江都李善注北海太守嘗之父也

四庫簡明目錄曰文選為文章淵藪善注又考證之資糧一字一句罔非環寶古人總集以是書為弁冕良無忝焉

錢塘汪師韓文選理學權輿序曰總集自晉有之而無以選名者梁昭明太子采自周訖梁百三十餘家之文為文選至唐而盛行杜詩曰熟精文選理舊唐書列文選學於儒

林傳李善之注獨傳又有五臣之注竊取李氏未定之本識者鄙之與李氏同以選舉教授者曹憲許淹公孫羅並作音義而皆不傳唐常寶鼎撰文選著作人名其書不可得見今考周四家卜子夏屈原宋玉荆軻秦一家

李斯漢十七家高祖武帝淮南小山賈誼鄒陽司馬相如枚乘東方朔王褒李陵蘇武司馬遷孔安國揚雄楊惲劉歆班婕妤後漢十六家班彪班固張衡章孟案此當入前漢孔融

彌衡傅毅楊修馬融崔瑗朱浮王延壽蔡邕史岑潘勗曹大家季漢一家諸葛亮魏十六家武帝文帝曹植王粲陳琳阮瑀劉楨應瑒應璩吳質曹問何晏繁欽鍾會繆襲李康吳

一家章昭晉四十六家羊祜杜預張華傅咸嵇康阮籍向秀劉伶皇甫謐束皙陸機陸雲庾亮李密成公綏潘岳潘尼張載張協孫楚何劭孫綽郭璞劉琨盧諶干寶左思張翰曹據趙至袁宏石崇桓溫傅玄歐陽建木華夏侯湛應貞張俊裴據郭泰機司馬彪王瓚陶

潘王康瑀殷仲文宋十三家謝靈運謝惠連謝混謝莊謝瞻鮑昭范曄顏延之袁淑王徽王僧達傅亮劉鑠齊六家謝朓王儉王融孔稚珪陸厥王少梁九家任昉江淹邱遲范雲徐悱劉峻沈約虞羲陸倕其名字爵里所未悉者史岑王康瑀二人耳更有無名氏之詩二十三篇則古樂府三首古詩十九首古辭君子行一首也案所考撰人類多前後失次今姑存其舊錄之

案文選撰人據汪氏所考實一百三十家合以無名氏之作故云百三十餘家所載文章大凡四百七十六篇六百九十餘首汪序又云選注所引諸經傳訓一百餘小學三十七緯候圖識七十八正史雜史人物別傳譜牒地理雜術藝凡史之類幾及四百諸子之類百二十兵書二十道釋經論三十二詔表牋啓詩賦頌贊箴銘七連珠序論碑誄哀詞弔祭文雜文集幾及八百其入選之文互引者不與焉其薈粹宏富有如此

詞林五十八卷

不著撰人

隋書魏澹傳澹除太子舍人廢太子勇深禮遇之屢加優錫令注庾信集復撰笑苑詞林集世稱其博物

唐書經籍藝文志小辭林五十三卷

案南唐志亦不著撰人亦次於文選之後蓋卽是書其稱小辭林者大抵所錄皆小

文如俳諧集之體亦笑苑之類歟魏澹有魏書見史部正史類笑苑見子部小說家文海五十卷

不著撰人

周書北史蕭圓肅傳圓肅有文集十卷又撰時人詩筆為文海四十卷廣堪十卷行於世唐書經籍志文海集三十六卷蕭圓撰

唐書藝文志蕭圓文海集三十六卷 二志並

缺蕭字

馮氏詩紀品藻篇歷代吟譜曰蕭明恭風度甚雅敏而好學為文海四十卷

錢氏隋書考異曰經籍志文海五十卷不著撰人按北史蕭圓肅傳撰時人詩筆為文海四十卷卽此

案蕭圓肅有淮海亂離志見史部古史類吳朝士文集十卷梁十三卷 通志藝文略作吳朝文士

不著撰人

梁又有漢書文府三卷亡

不著撰人

巾箱集七卷

不著撰人

案南史齊宗室傅衡陽嗣王鈞高帝第十

一子也常手自細書寫五經部為一卷置於巾箱中侍讀賀玠問之答曰巾箱中有五經於檢閱既易且一更手寫則永不忘

諸王聞而爭效為巾箱五經巾箱五經自此始也金樓子聚書篇云又使孔昂寫得前漢後漢史記三國志晉陽秋莊子老子

肘後方離騷等合六百三十四卷悉在一巾箱中書極精細是巾箱本始於齊初盛于梁代此巾箱集蓋其類也

梁有文章志斠雜文八卷謝沈撰又名士雜文八卷亡

謝沈有尚書注見經部書類

唐書經籍志名文集四十卷謝沈撰

唐書藝文志謝沈名文集四十卷

案文章志錄雜文似即從摯虞流別集中

鈔出者名士雜文似即從張鷟文士傳鈔出者唐志通謂之名文集凡四十卷似後人增益本

婦人集二十卷

不著撰人

案世說賢媛篇注婦人集載魏許允婦阮氏與允書陳允禍患所起辭甚酸愴文多不錄又載賈充妻李氏王渾妻鍾夫人王右軍夫人事凡五條並引婦人集當出是書

梁有婦人集三十卷殷淳撰

殷淳有集二卷見前別集類宋代人文中

唐書藝文志殷淳婦人集三十卷

梁又有婦人集十一卷亡

不著撰人

案梁書徐勉傳勉又為婦人集十卷行於世此十一卷或一卷是集錄疑即其書

雜文十六卷為婦人作

不著撰人

案魏書崔光傳時靈太后臨朝每於後園親執弓矢光乃表上中古婦人文章因以致諫曰謹上婦人文章錄一帙其集俱在內伏願以時披覽仰裨未聞息變挾之勞納間拱之泰頤精養壽棲神翰林本志於北朝人多不著作者姓名此書似即崔光

上靈太后者

文選音三卷蕭該撰

蕭該有漢書音義見史部正史類

隋書儒林傳該撰漢書及文選音義為當時所貴

唐書經籍志文選音十卷蕭該撰

唐書藝文志蕭該文選音十卷

文心雕龍十卷梁兼東宮通事舍人劉勰撰

梁書文學傳勰字彥和東莞莒人早孤篤志好學家貧不婚娶依沙門僧祐與之居處積十餘年遂博通經論因區別部類錄而序之今定林寺經藏總所定也天監初起家奉朝請記室參軍出為太末令除仁威記室參東宮通事舍人遷步兵校尉兼舍人如故昭明太子好文學深愛接之初勰撰文心雕龍五十篇論古今文體引而次之既成未為時流所稱勰自重其文欲取定於沈約約時貴盛無由自達乃負其書候約出于之於車前狀若貨鬻者約便命取讀大重之謂為深得文理常陳諸几案後有敕與慧震沙門於定林寺撰經證功畢遂啓求出家勰許之乃於寺變服改名慧地未基而卒文集行於世

唐日本國見在書目雜家文心雕龍十卷劉勰撰又總集家文心雕龍十卷注云劉勰在雜家

唐書經籍志文心雕龍十卷劉勰撰

唐書藝文志文心雕龍十卷

宋史藝文志文心雕龍十卷

處信注文心雕龍十卷

晁氏讀書志文說類文心雕龍十卷晉劉勰撰評自古文章得失別其體製凡五十篇各係以贊云案此以為晉人誤又袁本入別集類亦誤

陳氏書錄文史類文心雕龍十卷梁通事舍人東莞劉勰彥和撰勰後為沙門名慧地四庫提要詩文評類曰其書原道以下二十五篇論文章體製神思以下二十四篇論文章工拙合序志一篇為十五篇據序志篇稱上篇以下下篇以上本止二卷然隋志已作十卷蓋後人所分又據時序篇中所言此書實成於齊代此本署梁通事舍人劉勰撰亦後人追題也

又簡明目錄曰舊分上下二篇上篇二十有五論體裁之別下篇二十有四論工拙之由合序志一篇亦為二十五篇其書於文章利病窮極微妙摯虞流別久已散佚論文之書莫古於是編亦莫精於是編矣

文章始一卷姚察撰

姚察有漢書訓纂見史部正史類

唐書經籍志子部雜家續文章始一卷姚察

唐書藝文志子部雜家續文章始一卷姚察

唐書經籍志子部雜家續文章始一卷姚察

唐書藝文志子部雜家續文章始一卷姚察

唐書經籍志子部雜家續文章始一卷姚察

唐書藝文志子部雜家續文章始一卷姚察

唐書經籍志子部雜家續文章始一卷姚察

唐書藝文志子部雜家續文章始一卷姚察

唐書經籍志子部雜家續文章始一卷姚察

唐書藝文志子部雜家續文章始一卷姚察

唐書經籍志子部雜家續文章始一卷姚察

唐書藝文志子部雜家續文章始一卷姚察

唐書經籍志子部雜家續文章始一卷姚察

唐書藝文志子部雜家續文章始一卷姚察

撰

唐書藝文志子部雜家姚察續文章始一卷

案兩唐志並列於任昉文章始一卷之後

知卽續任昉書而本志敘續字也

梁有文章始一卷任昉撰亡

任昉有雜傳見史部雜傳家

任昉自序曰六經素有歌詩書誥箴銘之類

尚書帝庸作歌毛詩三百篇左傳叔向貽子

產書魯哀孔子誄孔悝鼎銘虞人箴此等自

秦漢以來聖君賢士沿著爲文章名之始故

因暇錄之凡八十四題以新好事者之目云

爾

唐書經籍志雜家文章始一卷任昉撰張績

補

唐書藝文志雜家任昉文章始一卷張績補

宋史藝文志文史類任昉文章緣起一卷

陳氏書錄文史類文章緣起一卷梁太常卿

樂安任昉彥昇撰但取秦漢以來不及六經

宋王得臣塵史曰梁任昉集秦漢以來文章

名之始目曰文章緣起自詩賦離騷至於執

約八十五題可謂博矣既載相如喻蜀不錄

揚雄劇秦錄解嘲而不收諱非說難取劉向

列女傳而遺陳壽三國志評 又曰任昉以

三言詩起晉夏侯湛唐劉存以爲始于鷺子

飛醉言歸任以頌起漢之王褒劉以始於周

公時邁任以檄起漢陳琳檄曹操劉以始於

張儀檄楚任以碑起於漢惠帝作四皓碑劉

以管子謂無懷氏封太山刻石紀功爲碑任

以銘起於始皇登會稽山劉以蔡邕銘論黃

帝有金几之銘若此者尙十餘條

四庫提要詩文評類文章緣起一卷舊題梁

任昉撰考隋志載任昉文章始一卷稱有錄

無書唐志載任昉文章始一卷注曰張績補

今檢其所列引據頗疏如以表與讓表分爲

二類騷與反騷別立兩體挽歌云起繆襲不

知雍露之在前至篇云起凡將不知倉頡之

更古崔駰達旨卽揚雄解嘲之類而別立旨

之一名崔瑗草書勢乃論草書之筆勢而強

標勢之一目皆不足據爲典要至於謝恩曰

章文心雕龍載有明釋乃直以謝恩兩字爲

文章之名尤屬未協疑爲依託然王得臣塵

史論任昉文章緣起一一與此本合知北宋

已有此本其殆張績所補後人誤以爲昉本

書歟明陳懋仁嘗爲之注國朝方熊更附益

之

梁有四代文章記一卷吳郡功曹張防撰亡

張防始末未詳

以上總集文章及評論之屬凡廿三部附

梁有十一部爲第一類

賦集九十二卷謝靈運撰

謝靈運有晉書見史部正史類

梁又有賦集五十卷宋新喻惠侯撰

新喻惠侯劉義宗有集見前別集類

梁又有賦集四十卷宋明帝撰亡

宋明帝有周易義疏見經部易類

唐書藝文志宋明帝賦集四十卷

梁又有樂器賦十卷亡

梁又有伎藝賦六卷亡

並不著撰人

賦集鈔一卷

不著撰人

賦集八十六卷後魏祕書丞崔浩撰

崔浩有周易注見經部易類

續賦集十九卷殘缺

不著撰人

案此次崔氏書後似卽續崔氏之集皆北

朝人之作

歷代賦十卷梁武帝撰

梁武帝有周易大義見經部易類

梁書文學周興嗣傳天監十七年興嗣復爲

給事中直西省左衛率周捨奉勅注高祖所

製歷代賦啓與嗣助焉

皇德瑞應賦頌一卷梁十六卷

不著撰人

案兩唐志有皇帝瑞應頌集十卷不著撰

人似卽此十六卷之殘賸

五都賦六卷并錄張衡及左思撰

世說文學篇孫興公云三都二京五經鼓吹

言此五賦是經典之羽翼

文選目錄曰張平子西京賦一首東京賦一

首左太冲三都賦序一首又蜀都賦一首吳

都賦一首魏都賦一首

唐書經籍藝文志五都賦五卷

雜都賦十一卷

不著撰人

梁有雜賦十六卷亡

不著撰人

案此次雜都賦之下疑亦是雜都賦敍都

字又十六卷亦似前條十一卷之原本

梁又有東都賦一卷孔道作亡

孔道有文苑見前

南史文學邱巨源傳時又有會稽孔道有才

藻製東都賦于時才士稱之

梁又有二京賦二卷李軌蔡母遂撰亡賦下敍音字

音字

李軌有周易音蔡母遂有列女傳見經部易

家史部雜傳家

唐書經籍志三京賦音一卷蔡母遂撰

唐書藝文志蔡母遂三京賦音一卷

案此二卷者為李軌音一卷蔡母遂音一

卷合為一帙也唐代惟存蔡母氏一家故

止一卷其云三京似轉寫之誤

梁又有齊都賦二卷并音左思撰亡

左思有集見前別集類晉中朝人文中

晉書文苑傳思造齊都賦一年乃成

唐書經籍志齊都賦一卷左太沖撰齊都賦

音一卷李軌撰

唐書藝文志左太沖齊都賦一卷李軌齊都

賦音一卷

汪氏文選理學權輿曰選注所引羣書有左

思齊都賦及齊都賦注

嚴氏全晉文編曰水經巨洋水注初學記太平御覽引左思齊都賦佚文凡五條

案此條左思下當有李軌字轉寫失之兩

唐志可證也

梁又有相風賦七卷傅玄等撰亡

傅玄有傅子見子部雜家

藝文類聚儀飾部晉令曰車駕出入相風前

引

案藝文類聚載晉傅玄張華潘岳陶侃孫

楚相風賦凡五家今考嚴氏文編有牽秀

相風賦秀嘗為張華寮屬有集見前又有

杜萬年相風賦其序云太僕傅侯命余賦

之則與傅玄同時又有傅咸相風賦玄之

子也其序曰相風之賦蓋以富矣然辭義

大同惟中書張令以太史相風獨無文飾

故特賦之太僕寺丞武君賓樹一竹於前

庭其上頗有樞機插以雞毛於以占事知

來與彼無異斯乃簡易之至有殊太史相

風云云案相風亦云相風烏今尚有之多

施於舟船帆桅之上晉人為是賦可考見

者凡八家大抵皆在此七卷中以傅玄為

首故云傅玄等晉之後罕見有是作此殆

東晉人所集錄也又御覽皇親部載左貴續集

有相風賦

梁又有迦維國賦二卷晉右軍行恭軍虞于紀

撰亡

虞于紀始末未詳

本志佛經篇佛經者西域天竺之迦維衛國

淨飯王太子釋迦牟尼所說釋迦當周莊王之九年四月八日自母右脅而生姿貌奇異

有三十二相八十二好捨太子位出家學道

勤行精進覺悟一切種智而謂之佛亦曰佛

陀亦曰浮屠皆胡言也華言譯之為淨覺云

梁又有遂志賦十卷亡

不著著人

藝文類聚陸機遂志賦序曰昔崔篆作詩以

明道述志而馮衍又作顯志賦班固作幽通

賦皆相依仿焉張衡思玄蔡邕玄表張叔哀

系此前世可得言者也崔氏簡而有情顯志

壯而泛濫哀系俗而時靡玄表雅而微素思

玄精練而何惠欲麗前人而優游清典漏幽

通矣班生彬彬切而不絞哀而不怨矣崔蔡

冲虛温敏雅人之屬也衍抑揚頓挫怨之徒

也豈亦窮達異事而聲為情變乎余備託作

者之末聊復用心焉

案漢劉歆有遂初賦魏劉楨有遂志賦此

大抵哀合諸家之作不知始于何人也

梁又有乘輿楮白馬二卷亡馬下敍賦字

不著撰人

文選嚴延年楮白馬賦序曰我太祖之造宋

也五方率職四隩入貢祕寶盈於玉府文駟

列乎華廐乃有乘輿楮白特稟逸異之姿妙

簡帝心用錫聖阜注阜樞也 服御順志馳驟

合度齒列雖衰而藝美不忒襲養兼年隱

周渥注憂受也隱私也 歲老氣殫斃於內棧少

盡其力有側上仁乃詔陪侍奉述中旨末臣

庸蔽敢同獻賦

案同時奉詔作賦者不止嚴氏一人此殆
竄為一帙歟時宋文帝元嘉十七年也
述征賦一卷
不著撰人

蔡邕述征賦序曰延熹二年秋霖雨逾月是
時梁冀新誅而徐璜左悺等五侯擅貴於其
處又起顯陽苑於城西人徒凍餓不得其命
者甚衆白馬令李雲以直言死鴻臚陳君以
救雲抵罪璜以余能鼓琴白朝廷敕陳留太
守發遣余到偃師病不前得歸心憤此事遂
託所過述而成賦陽湖孫氏續古文苑目錄曰漢蔡
邕述行賦宋歐陽靜輯集外文 嚴氏後漢文編附注曰
本集及文選魏都賦雪賦舞鶴賦注並作述行賦水經濟
水注文選陸機前緩聲歌注引此題並作述征賦

案魏文帝有述征賦曹植繁欽亦各有述
行賦述征賦其佚文並見嚴氏文編此或
合此數家為一編

神雀賦一卷後漢傅毅撰

傅毅有集見別集類後漢人文中
後漢書明帝本紀永平十七年春正月甘露
降於甘陵又曰是歲甘露仍降樹枝內附芝
草生殿前神雀五色翔集京師西南夷哀牢
僮耳儵僂磐本白狼動黏諸種前後慕義貢
獻西域諸國遣子入侍夏五月戊子公卿百
官以帝威德懷遠祥物顯應乃並集朝堂奉
觴上壽太常擇吉日策告宗廟
又賈逵傳永平中有神雀集宮殿官府冠羽

有五采色帝異之以問臨邑侯劉復復不能
對薦達博物多識帝乃召見逵問之對曰昔
武王終父之業驚鷲在岐宣帝威懷戎狄神
雀仍集此胡降之徵也帝勅蘭臺給筆札使
作神雀頌

王充論衡佚文篇永平中神雀羣集孝明詔
上神雀頌百官上頌文比瓦石惟班固賈逵
傅毅楊終侯諷五頌金玉孝明覽焉
宋書符瑞志漢明帝永平十七年春神雀五
色集京師又曰漢章帝元和中神雀見郡國
案論衡言傅毅於永平中撰神雀頌符瑞
志言元和中神雀見郡國傅氏為賦或當
在元和中也

雜賦注本三卷

不著撰人

梁有郭璞注子虛上林賦一卷亡
郭璞有毛詩拾遺見經部詩類

晉書本傳又注楚辭子虛上林賦皆傳於世

顏師古漢書敘例郭璞字景純河東人晉贈

弘農太守止注相如傳序及游獵詩賦

唐書經籍志上林賦一卷司馬相如撰

唐書藝文志司馬相如上林賦一卷

汪氏文選理學權輿曰文選舊注子虛賦上

林賦有張揖注司馬彪注郭璞注

案文選李善注本此二賦篇首題郭璞注

似以郭注為本而別引他家及己說以附

益之實亡而未盡亡也

梁有薛綜注張衡二京賦二卷亡

薛綜有集見別集類三國人文中

吳志本傳綜又述二京解傳於世

文心雕龍指瑕篇若夫注解為書所以明正

事理然鑿於研求或率意而斷西京賦稱中

黃育獲之疇而薛綜謬注謂之闕尹是不開

執雕虎之人也

文選李善注楊泉物理論曰平子二京文章

卓然

唐書經籍志二京賦音二卷薛綜撰

唐書藝文志薛綜二京賦音二卷

通志藝文略張衡二京賦二卷薛綜注并音

汪氏文選理學權輿曰文選舊注二京賦有

薛綜注

案文選西京賦篇首題薛綜注李善曰舊

注是者因而留之其有乖謬臣乃具釋並

稱臣善以別之今案篇中中黃之士育獲

之儔注善曰尸子曰中黃伯曰余左執泰

行之獲而右搏雕虎戰國策范雎說秦王

曰烏獲之力焉而死夏育之勇也而死薛

注所謂闕尹者已削除之矣

梁有晁矯注二京賦一卷亡

晁矯始末未詳

通志藝文略張衡二京賦又二卷晁矯注

案李善注文選但稱薛綜不及晁矯及傳

異二家蓋二家至隋唐時已無存矣

梁有武巽注二京賦二卷亡武常為傳

通志藝文略張衡二京賦又二卷傅巽注

案本志引七錄作武巽通志略所據亦隋

志乃作傳巽知武字因音聲而寫誤也傳
巽有集見別集類三國人文中

梁有張載及晉侍中劉達晉懷令衛瓚注左思
三都賦三卷亡衛瓚當作衛樞

左思有齊都賦見前張載有集見別集類劉
達有喪服要記見經部禮類

魏志衛臻傳注臻子楷楷子權字伯輿晉大
司馬汝南王亮輔政以權為尚書郎權作左
思吳都賦敘及注敘粗有文辭至於為注了
無所發明直為塵穢紙墨不合傳寫也

文選左太冲三都賦序有曰相如賦上林而
引盧橘夏熟楊雄賦甘泉而陳玉樹青葱班
固賦西都而歎以出比目張衡賦西京而述
以游海若注凡此四者皆非西京之所有也余既思

摩二京而賦三都其山川城邑則稽之地圖
其鳥獸草木則驗之方志風謠歌舞各附其
俗魁梧長者莫非其舊何則發言為詩者詠
其所志也升高能賦者頌其所見也美物者

貴依其本讚事者宜本其實匪本匪實覽者
奚信且夫任土作貢虞書所著辯物居方周
易所慎聊舉其一隅攝其體統歸諸訓詁焉

文選皇甫士安三都賦序有曰至若相如上
林揚雄甘泉班固兩都張衡二京馬融廣成
王生靈光皆近代辭賦之偉也曩者漢室內

潰四海圯裂孫劉二氏割有交益魏武撥亂
據幽夏故作者先為吳蜀二客盛稱其本
士險阻壤琦可以偏王而卻為魏主述其都

畿弘敞豐麗奄有諸華之意言吳蜀以擒滅

比亡國而魏以交禪比唐虞既以述逆順且
以為鑿戒蓋蜀包梁岷之資吳割荆南之富
魏跨中區之衍考分次之多少計殖物之衆
寡比風俗之清濁課人士之優劣亦不同同
言而語矣二國之士各沐浴所聞家自以為
我土樂人自以為我民良作者又因客主之
辭正之以魏都折之以王道其物土所出可
得披圖而校體國經制可得案記而驗豈誣
也哉

晉書文苑傳思賦三都成安定皇甫謐為其
賦序張載為注魏都劉達注吳蜀而序之曰
觀中古以來為賦者多矣相如子虛擅名於
前班固兩都理勝其辭張衡二京文過其意
至若此賦擬議數家傳辭義抑多精致非
夫研覈者不能練其旨非夫博物者不能統
其異世咸貴遠而賤近莫肯用心於明物斯
文吾有異焉故聊以餘思為其引詁亦猶胡
廣之於官箴蔡邕之於典引也

又曰陳留衛瓚案當為樞又為思賦作略解
序曰余觀三都之賦言不苟華必經典要品
物殊類稟之圖籍辭義環瑋良可貴也有晉
徵士安定皇甫謐覽斯文而慷慨為之都序
中書著作郎安平張載中書郎濟南劉達並
以經學洽博才章茂美咸皆悅玩為之訓詁
余嘉其文不能默已聊藉二子之遺忘又為
之略解祇增繁重覽者闕焉

又史臣曰太冲含豪歷載以賦三都士安見
而稱善平原觀而韜翰匪惟高步當年固以

騰華終古
唐書經籍志三都賦三卷左太冲撰
唐書藝文志左太冲三都賦三卷
嚴氏全晉文編曰世說文學篇注引左思別
傳云皇甫謐張載劉淵林衛伯輿皆不為思
賦序注凡諸注解皆思自為欲重其文故假
時人名姓均可案別傳失實晉書所棄今皇
甫序劉注在文選劉序衛序在晉書皆非苟
作別傳道聽塗說無足為憑晉書彙十八家
舊籍兼收小說獨棄別傳不采斯史識也

梁有恭母選注三都賦三卷亡
恭母選有二京賦音見前
梁有項氏注幽通賦失著卷數
漢書敘傳曰彪字叔皮有子曰固弱冠而孤
作幽通之賦以致命遂志劉德曰致極也陳
吉凶性命遂明己之志李善文選注曰幽通
謂與神遇也

唐書經籍志幽通賦一卷班固撰曹大家注
又一卷項岱撰
唐書藝文志項岱注幽通賦一卷
汪氏文選理學輿權曰文選舊注幽通賦有
曹大家注項岱注又曰曹項二注皆顏師古
漢書注所無

案項岱別有漢書敘傳五卷見史部正史
類此即從所注敘傳中析出者文選李善
注本中引曹大家注最多項岱注亦間存
十餘條

梁有蕭廣濟注木玄虛海賦一卷亡

蕭廣濟有孝子傳見史部雜傳家

文選李善注今書七志曰木華字玄虛華集

曰為楊駿府主簿傅亮文章志曰廣川木玄

虛為海賦文甚儻麗足繼前良李充翰林論

曰木氏海賦壯則壯矣然首尾負偈狀若文

章亦將由未成而然也

仁和孫志祖文選理學權輿補曰文選載木

玄虛海賦似非全文南史稱張融海賦勝玄

虛惜今不傳

梁有徐爰注射雉賦一卷亡

徐爰有繫辭注見經部易類

文選潘安仁射雉賦注善曰射雉賦序曰余

徙家於琅邪其俗實善射聊以講肄之餘暇

而習媒翳之事遂樂而賦之也徐爰注曰媒

者少養雉子至長狎人能招引野雉因名曰

媒翳者所隱以射者也晉邦過江斯藝乃廢

歷代迄今寡能厥事嘗覽茲賦味而莫曉聊

記所聞以備遺忘案潘安仁名岳有集見別集類晉

中朝人文中

獻賦十八卷

不著撰人

唐書經籍志獻賦集十卷卞鏗撰

唐書藝文志卞鏗獻賦集十卷

案舊唐志作卞鏗新志作卞鏗卞鏗未詳

聚七十四

觀象賦一卷

不著撰人

魏書術藝傳張淵不知何許人也明占候曉

內外星分世祖神廟中為太史令驃騎軍謀

祭酒嘗著觀象賦

北史藝術傳張深著觀象賦其言星文甚備

文多不載

汪氏文選理學權輿曰選注所引羣書有張

泉觀象賦又引觀象賦自注

嚴氏後魏文編曰淵仕苻堅官爵未詳又仕

姚興父子為靈臺令姚泓滅仕赫連昌為太

史令太武平統萬復為太史令選驃騎軍謀

祭酒著觀象賦并序有注見魏書本傳又見

十六國春秋六十九無注北史作張深文選

月賦注引作張泉皆避唐諱又初學記卷一

略載此賦作宋張鏡隋志有宋新安太守張

鏡集十卷豈此賦又見張鏡集耶疑初學有

誤

洛神賦一卷孫愷注

孫愷始末未詳

文選曹子建洛神賦序曰黃初三年余朝京

師還濟洛川古人有言斯水之神名曰宓妃

感甄賦記曰魏東阿王漢末求甄逸女既不

度輾轉作感甄賦後明帝見之改為洛神賦

枕賦一卷張居祖撰居當為君

張君祖始末未詳

通志藝文略枕賦一卷張君祖撰鄭氏所據印

本志此一條其所見本作張君祖也

馮氏陳詩紀曰張君祖爵里無考有答庾僧

淵詩贈沙門竺法穎詩及詠懷詩道樹經贊

三昧經贊凡九首又有庾僧淵答張君祖詩

二首並見廣弘明集案諸詩皆恬淡雅逸有

晉風歷選陳世無此作也考高僧傳有康僧

淵竺法雅者並在晉成帝時疑即此人歟廣

弘明集云陳張君祖既不能明姑列於此

嚴氏全陳文編曰張君祖未詳馮惟訥詩紀

云云或是類與庾字誤有詩序經贊凡三篇

案嚴氏亦疑為晉人故謂竺法穎或是竺法雅庾僧淵或

是康僧淵也 漢魏時有檮櫛枕賦張茲諸人皆致思焉

二都賦音一卷李軌撰

李軌有二京賦音見前

案李軌既為張平子撰二京賦音此二都

賦音豈為班孟堅兩都賦而作歟抑二京

之誤即前條所謂梁有今亡者是也

百賦音十卷宋御史褚詮之撰百當為古

褚詮之有集見別集類宋代人文中

顏氏家訓勉學篇習賦誦者信褚詮而忽呂

唐書藝文志褚令之古賦音一卷案二志皆作令之又云一卷似皆寫刊之誤

錢氏隋書考異曰經籍志百賦音十卷宋御史褚詮之撰案宋子京校漢書揚雄三賦屢引諸詮音蓋即此書譌褚為諸又敏之字耳

子京未必親見此書蓋采諸蕭該漢書音義也顏氏家訓勉學篇云習賦誦者信褚詮而忽呂忱亦指此書而言案唐藝文志明修宋版作古賦音他本多作百故錢氏亦云百賦音

梁有賦音二卷郭微之撰亡

郭微之或作郭微之始末並未詳

唐書經籍志賦音二卷郭微之撰

唐書藝文志郭微之賦音二卷

梁有雜賦圖十七卷亡

不著撰人

案世說巧藝篇戴安道就范宣學視范所為范讀書亦讀書抄書亦抄書唯獨好畫范以為無用不宜勞思於此戴乃畫南都賦圖范看畢咨嗟甚以為有益始重畫張氏名畫記敍古來祕畫珍圖亦有戴安道南都賦圖又有晉明帝洛神賦圖史道碩蜀都賦圖琴賦圖宋陸探微敍夢賦服乘圖史敬文西京賦圖南齊王孜嘯賦圖

此十七卷大抵皆此之類
以上總集賦之屬及注解音訓圖譜凡十八部附梁有二十三部為第二類

大隋封禪書一卷

不著撰人

隋書高祖本紀開皇九年春正月陳國平六月時朝野物議咸願登封詔以後言及禪封宜即禁絕冬十一月考使定州刺史豆盧通等上表請封禪上不許

又儒林傳何妥撰封禪書一卷

錢氏隋書考異曰經籍志大隋封禪書一卷

不著撰人蓋何妥所撰見儒林傳
案何妥有周易講疏見經部易類此題大隋蓋仍隋人書目舊文也隋人撰書目時妥猶在故不著撰人而本志亦仍之

上封禪書二卷

不著撰人

案此似亦隋代所上者禮儀志開皇十四年羣臣請封禪高祖不納晉王廣又率百官抗表固請帝命有司草儀注於是牛弘

辛彥之許善心姚察虞世基等創定其禮奏之帝遂巡其事曰但當東狩因拜岱山耳水紀十五年春正月庚午上以歲旱祠大山以謝

愨皆大赦天下此二卷似即牛弘等所上又薛胄傳胄徐兗州刺史以天下太平登封告禪帝王盛烈遂遣博士登太山觀古迹撰封禪圖及儀上之高祖謙讓不許則又似胄所上者

梁有雜封禪文八卷亡

不著撰人

文心雕龍封禪篇史遷八書明述封禪者固禪祀之殊體銘號之祕祀祀天之壯觀矣秦皇銘岱文自李斯法家辭氣體乏弘潤然疏

而能壯亦彼時之絕采也鋪觀兩漢隆盛孝武禪號於肅然光武巡封于梁父誦德銘勳乃鴻筆耳觀相如封禪蔚為唱首爾其表權

與序皇王炳元符鏡鴻業驅前古于當今之下騰休明于列聖之上歌之以禎瑞贊之以介邱絕筆茲文固維新之作也及光武勒碑則文自張純首胤典謨未同祝辭引鉤識敍

離亂計武功述文德事數理舉華不足而實有餘矣凡此二家並岱宗實跡也及揚雄劇秦班固典引事非鑄石而體因紀禪至于郗

郗受命攀響前聲風末力寡輯韻成頌陳思魏德假論客主勞深動寡賦炎缺焉

漢書東方朔傳劉向所錄朔之文辭有封泰山
吳志天璽元年吳興陽羨山有空石長十餘丈名曰石室在所表為大瑞乃遣司徒董朝兼太常周處至陽羨縣封禪國山明年改元天紀大赦

太平御覽禮儀部孫嚴宋書曰袁淑為吏部郎元嘉二十六年侍坐從容曰願上封禪書一篇案亦見宋書本傳

案梁以前為封禪文可考見者約略如右北齊魏收亦撰封禪文則非七錄所及

梁有秦帝刻石文一卷宋會稽太守褚淡撰亡宋書褚叔度傳南史作褚裕之叔度河南陽翟人長兄秀之秀之弟淡之字仲源亦歷顯官

高祖受命為侍中後以為會稽太守元嘉二年卒年四十五諡曰質子

年卒年四十五諡曰質子

案經部小學類有秦皇東巡會稽刻石文一卷似即此書宋時會稽石刻猶在褚爲太守摹搨以傳然此題秦帝刻石文又列在封禪類中或併連泰山之罘諸石刻亦未可知也其文並見史記秦始皇本紀以上總集封禪文之屬凡二部附梁有二部爲第三類

集雅篇五卷

不著撰人

靖恭堂頌一卷晉涼王李暠撰

涼王李暠見史部霸史類燉煌實錄條

晉書涼武昭王列傳王字玄盛好學性沈敏

寬和美器度通涉經史尤善文義隆安中爲

涼公秦涼二州牧於敦煌南門外臨水起堂

名曰靖恭之堂以議朝政閱武事圖讚自古

聖帝明王忠臣孝子烈士貞女親爲序頌以

明鑒誠當時文武羣僚亦皆圖焉北史序傳云

當時文武羣公寮佐亦皆圖發所志有白雀翔於靖

恭堂玄盛觀之大悅又立泮宮增高門學士

五百人

魏書劉炳傳炳隱居酒泉李暠徵爲儒林祭

酒從事中郎著敦煌實錄十卷靖恭堂銘一

卷

唐書經籍志靖恭堂頌一卷李暠撰

唐書藝文志李暠靖恭堂頌一卷

梁有頌集二十卷王僧綽撰亡

王僧綽有集見別集類宋人文中

梁有木連理頌二卷太元十九年羣臣上亡

宋書符瑞志木連理王者德澤純洽八方合爲一則生晉孝武帝太元十一年四月琅邪費有榆木異根連理相去四尺九寸十八年十月臨川東興令惠欣之言縣東南溪旁有白銀樹芳靈樹李樹並連理十九年正月丁亥華林園延賢堂西北李樹連理

唐書經籍藝文志木連理頌二卷

爲第四類

詩集五十卷謝靈運撰梁五十一卷

謝靈運有賦集見前

鍾嶸詩品曰至於謝客集詩逢詩輒取曾無

品第

唐書經籍志詩集五十卷謝靈運撰

唐書藝文志謝靈運詩集五十卷

梁又有宋侍中張敷袁淑補謝靈運詩集一百

卷亡

袁淑有集見別集類宋人文中

宋書張敷傳敷字景胤吳郡吳人吳興太守

邵子也性整貴風韻甚高好讀玄書兼屬文

論少有盛名元嘉中歷祕書丞黃門侍郎司

徒左長史父喪毀瘠成疾卒年四十一世祖

卽位詔贈侍中改所居爲孝張里

通志藝文略補謝靈運詩集一百卷宋張敷

袁淑補

梁又有詩集百卷并例錄二卷顏峻撰亡

顏峻有集見別集類宋代人文中

唐書經籍志詩集一百卷顏峻撰詩例錄二

卷顏峻撰

唐書藝文志顏峻詩集一百卷又文史類顏

峻詩例錄二卷

梁又有詩集四十卷宋明帝撰亡

宋明帝有集見別集類

唐書經籍志詩集新撰三十卷詩集二十卷

宋明帝撰

唐書藝文志宋明帝新撰詩集三十卷詩集

二十卷

梁又有雜詩七十九卷江邃撰亡

南史江乘之傳乘之濟陽考城人宋元嘉中

臨海太守乘之宗人邃之字玄遠頗有文義

撰文釋傳於世位司徒記室參事案文釋十卷

見唐藝文志雜家本志不著錄

梁又有雜詩二十卷宋太子洗馬劉和注亡

劉和始末未詳馮氏詩紀有晉劉和妻王氏正朝詩

不知是否卽此劉和

唐書經籍志詩集二十卷劉和撰等刊本作謝

和似因上文謝靈運寫誤

唐書藝文志劉和詩集二十卷

梁又有二晉雜詩二十卷亡

不著撰人

梁又有古今五言詩美文五卷荀綽撰亡

荀綽有晉後略記見史部雜史類

通志藝文略古今五言詩美文五卷荀綽撰

梁又有詩鈔十卷亡

不著撰人

詩集鈔十卷謝靈運撰

謝靈運有賦集詩集並見前

唐書經籍志詩異鈔十卷謝靈運撰 一本作集鈔

唐書藝文志謝靈運詩集五十卷又詩集鈔十卷

梁有雜詩鈔十卷錄一卷謝靈運撰亡

案此似即前條詩集鈔十卷之本故唐志

不別出

古詩集九卷

不著撰人

六代詩集鈔四卷

不著撰人

唐書經籍志六代詩集鈔四卷徐陵撰 一本誤作凌

唐書藝文志許凌六代詩集鈔四卷徐陵六

代詩集鈔四卷

案舊唐志唯載徐陵一家新志又別出許

凌似史駁文徐陵有集見別集類陳代人

文中

又案徐陵有文府十卷見子部雜家此殆

從文府中析出別行者

梁有雜言詩鈔五卷謝朓撰亡

謝朓有集見別集類梁代人文中

詩英九卷謝靈運集梁十卷

謝靈運有賦集詩集詩集鈔雜詩鈔並見前

唐書經籍志詩英十卷謝靈運撰

唐書藝文志謝靈運詩英十卷

案鍾嶸言謝客集詩逢詩輒取曾無品第

疑出後人依託此與詩集鈔雜詩鈔似又

後人從詩集五十卷中析出而仍題謝名

者

梁又有文章英華三十卷梁昭明太子撰亡

昭明太子有文選見前

案梁書本傳云又撰古今典語文言為正

序十卷五言詩之善者為文章英華二十

卷案正序十卷本志不見文章英華即詩

苑英華別見於後此似合正序詩苑為一

編者

今詩英八卷

不著撰人

案此類從於昭明太子諸文中似即文章

英華之佚存本

古今詩苑英華十九卷梁昭明太子撰

昭明太子集答湘東王求文集及詩苑英華

書曰得疏知須詩苑英華及諸文製發函伸

紙閱覽無輟往年因暇搜采英華上下數十

年間未易詳悉猶有遺恨而其書已傳雖未

為精覈亦粗足諷覽集乃不工而並作多麗

汝既須之皆遣送也

南史本傳又撰五言詩之善者為英華集二

十卷

唐書經籍志古今詩苑英華集二十卷梁昭

明太子撰

唐書藝文志梁昭明太子古今詩苑英華二

十卷

汪氏文選理學權輿曰選注所引羣書有昭

明太子古今詩苑英華

詩續十三卷

不著撰人

唐書經籍藝文志詩續十二卷

衆詩英華一卷

不著撰人

詩類六卷

不著撰人

玉臺新詠十卷徐陵撰

徐陵有六代詩集鈔見前

陵自序略曰往世名篇當今巧製分諸麟閣

散在鴻都不藉篇章無由披覽於是然脂眼

寫弄筆晨書撰錄豔歌凡為十卷曾無忝於

雅頌亦靡濫於風人涇渭之間若斯而已

唐日本國見在書目玉臺新詠集十卷徐陵

撰瑛當為陵

唐書經籍志玉臺新詠十卷徐陵撰

唐書藝文志徐陵玉臺新詠十卷 宋史藝文志

同

晁氏讀書志玉臺新詠十卷陳徐陵纂唐李

康成云昔陵在梁世父子俱事東朝特見優

遇時承平好文雅尚宮體故采西漢以來詞

人所著樂府豔詩以備諷覽且為之序

四庫提要曰案唐劉肅大唐新語曰梁簡文

為太子好作豔詩境內化之晚年欲改作追

之不及乃令徐陵為玉臺集以大其體據此

則是書作於梁時故簡文稱皇太子元帝稱

湘東王今本題陳尙書左僕射太子少傅東

海徐陵撰殆後人之所追改其書前八卷爲自漢至梁五言詩第九卷爲歌行第十卷爲五言二韻之詩雖皆取綺羅脂粉之詞而去古未遠猶有講於溫柔敦厚之遺未可概以淫豔斥之其中如曹植棄婦篇庚信七夕詩今本集皆失載據此可補闕佚又如馮惟訥詩記載蘇伯玉妻盤中詩作漢人據此知爲晉代梅鼎祚詩乘載蘇武妻答外詩據此知爲魏文帝作古詩西北有高樓等九首文選無名氏據此知爲枚乘作飲馬長城行文選亦無名氏據此知爲蔡邕作其有資考證者亦不一

又簡明日錄曰玉臺新咏大抵皆緣情之作而去古未遠猶有溫柔敦厚之遺或與韓偓香奩集並稱殊非其比或以爲選錄女子之詩則尤未睹而臆說矣

百志詩九卷干寶撰梁五卷

干寶有周易注見經部易類

唐書經籍志百志詩集五卷干寶撰

唐書藝文志干寶百志詩集五卷

通志藝文略百志詩集五卷干寶集

案百志詩大抵集古來言志之詩如張茂

先勵志詩之類存錄百家或百篇以爲是

集歟原編五卷隋九卷後有所續歟前人

無說莫能詳也

梁又有古游仙詩一卷亡

不著撰人 新出常熟丁氏補晉書藝文志以爲應貞

注似誤讀此一條注文

文選郭景純游仙詩注曰凡游仙之篇皆所以滓穢塵網鎔鏷絳纒飡霞倒景餌玉玄都梁又有應貞注應璩百一詩八卷亡

應璩應貞並有集見別集類魏晉人文中文選百一詩注文章錄曰曹爽多違法度璩爲詩以諷焉

唐書經籍志百一詩八卷應璩撰

唐書藝文志應璩百一詩八卷

通志藝文略百一詩八卷應璩集

馮氏詩紀辨證篇丹陽集曰余觀楚國先賢傳言汝南應璩作百一詩譏切時事及觀文選所載璩百一篇略不及時事何耶又觀郭

茂倩雜體詩載百一詩五篇皆璩所作其末篇卽文選所載第四篇似有諷諫所謂苟欲

娛耳目快心樂腹腸我躬不悅歡安能慮死亡方是時曹爽事多違法而璩爲爽長史切

諫如此而爽卒不悟以及於禍所謂百一者庶幾百分有一補於爽也或謂以百言爲一

篇者以字數而言也或謂百者數之終一者數之始士有百行終始如一者以士行而言

也然皆穿鑿之說何足論哉後何遜亦有擬百一體其詩一百十字恐亦出於或者之說

然璩詩每篇字數各不同第不過四十字爾

案百一詩詳見本集條下文選注引晉陽

秋曰璩作五言詩百三十篇言時事又引

今書七志曰應璩集謂之新詩知其詩已

編入本集此因其子貞注本別行故七錄

著於雜文類中詳見篇末 貞所注百三十

篇大抵述其時事故多至八卷兩唐志不

注應貞注字固爲疎漏藝文略云應璩集

以爲集他人之詩則更失考矣百一之名

聚訟不已要當以孫盛李善之說爲據此

條文法與前類郭璞注子虛上林賦薛綜注二京賦

諸條相同故知此八卷爲應貞注本丁氏補晉書藝

文志以應貞注三字屬上文謂應貞注游仙詩似不

然

梁又有百一詩二卷晉蜀都太守李彪撰亡

唐書經籍志百一詩集二卷李彪撰

唐書藝文志李彪百一詩集二卷

通志藝文略百一詩又二卷李彪集

案李彪李夔史志記載不一始末並未詳

此亦似注本故七錄類從於應貞之次通

志略題李彪集又以爲集他人詩恐未然

也

齊釋奠會詩十卷一當爲二

不著撰人

初學記禮部夏小正曰二月丁亥萬用入學

丁亥者吉日也萬者千戚舞也入學者太學

也謂今時大舍音釋 榮也又有齊王儉侍皇

太子釋奠宴詩

南齊書禮志永明三年正月詔立學創立堂

宇有司奏宋元嘉舊事學生到先釋奠先聖

先師又有釋菜未詳今當行何禮用何樂及

禮器尙書令王儉議中朝以來釋菜禮廢今

之所行釋奠而已宜設軒縣之樂六佾之舞

牲牢器用悉依上公其冬皇太子講孝經親

臨釋奠車駕幸聽

又武帝本紀永明三年冬十月壬戌詔曰皇

太子長懋講畢當釋奠王公已下可悉往觀

禮 案齊代大學釋奠始于此是集大抵亦是王文憲諸

人所編上者也

唐書經籍藝文志齊釋奠會詩集二十卷

齊讌會詩十七卷

不著撰人

南齊書本紀高帝建元元年九月戊申車駕

幸宣武堂宴會詔諸王公以下賦詩 二年

三月己亥車駕幸樂游苑宴王公已下賦詩

又王融傳永明九年上幸芳林園禊宴朝臣

使融爲曲水詩序文藻富麗當世稱之

文選王元長三月三日曲水詩序末曰有詔

曰今日嘉會咸可賦詩凡四十有五人其辭

云爾案齊代宴會諸詩唯此一集爲最著

青溪詩三十卷齊讌會作

不著撰人

南齊書武帝本紀永明元年春正月甲子爲

築青溪舊宮詔樂仗瞻履 二年秋七月癸

未詔曰夫樂所自生先哲垂誥禮不忘本積

代同風是以漢光暉回於南陽魏文殷勤於

譙國青溪宮體天含暉則地栖寶光定靈源

允集符命在昔期運初開經綸方遠繕築之

勞我則未暇時流事往永惟哽咽朕以寡薄

嗣奉鴻基思存締構式表王迹考星創制揆

日興功子來告畢規模昭備宜申釁落之禮

以暢感慰之懷可克日小會八月丙午車駕

幸舊宮小會設金石樂在位者賦詩詔申京

師獄及三署見徒量所降宥領宮職司詳賜

幣帛

又五行志世祖起青溪舊宮時人反之曰舊

宮者窮既也及上崩後宮人出居之 梁書南

平元襄王偉傳齊世青溪宮改爲芳林苑天監初賜偉爲

第偉又加穿築命從事中郎蕭子範爲之記梁世藩邸之

盛無以過焉

唐書經籍志清溪集三十卷齊武帝命撰

唐書藝文志清溪集三十卷齊武帝勅撰

梁有魏晉宋雜祖餞讌會詩集二十一部一百

四十三卷亡今略其數

並不著撰人

案唐經籍志有晉元正宴會詩集四卷伏

滔袁豹謝靈運等撰宋元嘉西池宴會詩

集三卷顏延之撰元嘉宴會游山詩集五

卷不著撰人此三部即二十一部中之佚

存者本志於七錄亡書皆附著於行間此

蓋不勝其繁故略其數以前史部舊事職

官儀注刑法雜傳譜系簿錄諸篇校以七

錄敘目實已有此例而未明著於其間至

是始發其凡如此

西府新文十一卷并錄梁蕭淑撰

梁書蕭介傳介蘭陵人中大同二年以侍中

都官尚書辭疾致事拜光祿大夫性高簡少

交游惟與族兄探從兄眎素及洽從弟淑等

從流俗染孝元在蕃邸時撰西府新文紀無

一篇見錄者亦以不偶于世無鄭衛之音故

也江陰趙曉明注曰隋書經籍志西府新文

十一卷并錄梁蕭淑撰案金樓子著書篇所

載諸書有自撰者有使顏協劉綏蕭貴諸人

撰者此書當亦元帝所使爲之 案顏氏稱家世

文章不見錄于西府新文紀者即謂其父協見梁書文學

傳協自釋褐至大同五年卒始終在湘東蕃邸云

唐書經籍志西府新文十卷蕭淑撰

唐書藝文志蕭淑西河新文十卷

錢氏隋書考異曰經籍志西府新文十一卷

梁蕭淑撰案顏氏家訓文章篇梁元帝在蕃

時撰西府新文紀志云蕭淑者當是元帝幕

僚奉命撰集者

百國詩四十三卷

不著撰人

魏書北史列傳崔光清河人本名孝伯字長

仁孝文賜名焉太和六年拜中書博士累遷

特進車騎大將軍進司徒太保歷仕孝文宣

武孝明賜爵朝陽子進爲侯封博平縣公靈

太后臨朝更封爲平恩縣侯正光四年卒年

七十三諡曰文宣初光太和中依宮商角徵

羽本音而爲五韻詩以贈李彪彪爲十二次

詩以報光光又爲百三郡國詩以答之國別

爲卷爲百三卷焉案此則百三郡國詩爲崔氏自作

不知本志何以編入總集蓋依仿七錄雜文之類也

文林館詩府八卷後齊文林館作

北齊書後主本紀武平四年二月景午置文林館又曰帝幼而令善及長頗學綴文置文林館引諸文士焉

又文苑傳序祖斑輔政說後主屬意斯文三年斑奏立文林館于是更召引文學士謂之待詔文林館焉斑又奏撰御覽詔斑及魏收徐之才崔劼張雕陽休之監撰斑等奏追章道孫陸又王邵李孝基魏澹劉仲威袁爽朱才陸道閑崔子樞薛道衡盧思道崔德諸葛漢鄭公超鄭子信等入館撰書并勅蕭放蕭懋顏之推王孝式等同撰復令封孝琰鄭元禮杜臺卿王訓羊肅馬元熙劉珉李師正溫君悠入館亦令撰書復命崔季舒劉述李孝貞李德林續入待詔尋又諸人各舉所知又有李翥魏篤蕭蕭陸仁惠江旰辛德源陸開明封孝睿張德冲高行恭古道子劉顥崔德儒李元楷陽師孝劉儒行陽辟疆盧公順周子深王友伯崔君洽魏師睿並入館待詔又勅右僕射段孝言亦入焉御覽成後所撰錄人亦有不時待詔付所司處分者凡此諸人亦有文學膚淺附會親識妄相推薦者十三四焉雖然當時操筆之徒搜求略盡其外如廣平宋孝王信都劉善經輩三數人論其才性入館諸賢亦十三四不逮之也待詔文林亦是一時盛事故存錄其姓名 案自祖斑以迄段孝言凡六十有二人

唐書經籍藝文志文林詩府六卷北齊後主

作

詩評三卷鍾嶸撰或曰詩品

梁書文學傳鍾嶸字仲偉穎川長社人晉侍中雅七世孫也父蹈齊中軍參軍鍾雅鍾道並有集見別集類 嶸與兄峴弟嶼並好學有思理仕齊入梁至西中郎晉安王記室卒官嶸嘗

品古今五言詩論其優劣名為詩評 南史文學傳嶸嘗求譽於沈約約拒之及約卒嶸品古今詩為評言其優劣云觀休文衆

製五言最優齊永明中相王愛文王元長等皆宗附約于時謝朓未適江淹才盡范雲名

級又微故稱獨步故當辭密于范意淺于江蓋追宿恨以此報約也

唐書藝文志文史類鍾嶸詩評三卷 宋史藝文志文史類鍾嶸詩評一卷

崇文總目文史類鍾嶸詩品三卷 趙希弁讀書附志別集類詩品三卷梁征遠

記室參軍鍾嶸撰字仲緯南史有傳 陳氏書錄文史類詩品三卷梁記室參軍穎

川鍾嶸仲偉撰以古今作者為三品而評之上品十一人 中品三十九人 下品六十九人

四庫詩文評類提要曰嶸學通周易詞藻兼長所品古今五言詩自漢魏以來一百有三人論其優劣分為上中下三品每品之首各

冠以序皆妙達文理可與文心雕龍並稱近時王士禎極論其品題之間多所遺失然梁

代迄今邈踰千祀遺篇舊製什九不存未可以掇拾殘文定當日全集之優劣惟其論某

人源出某人若一一親見其師承者則不免

附會耳史稱嶸求譽于沈約約弗為獎借故嶸怨之列約中品案約詩列之中品未為排

抑惟序中深詆聲律之學謂蜂腰鶴膝僕病未能雙聲疊韻里俗已具是則攻擊約說顯然可見言亦不盡無因也

古樂府八卷 不著撰人 漢書藝文志自孝武立樂府而采歌謠於是

有趙代之謳秦楚之風皆感於哀樂緣事而發亦可以觀風俗知厚薄云

宋書樂志凡樂章古辭今之存者並漢世街陌謠謳江南可采蓮烏生十五子白頭吟之屬是也

文選古樂府注曰漢武定郊祀而立樂府 案後文既有樂府歌詩自為一類則此八

卷當列後與彼為伍 文會詩三卷陳仁成記室徐伯陽撰

陳書南史文學傳徐伯陽字隱忍東海人也 父僧權梁東宮通事舍人僧權預修華林園略見

子部雜家 伯陽敏而好學梁大同中為侯官 令陳天嘉中除司空侯安都府記室參軍太

建初與中記室李爽記室張正見左戶郎賀 徹學士阮卓黃門郎蕭詮三公郎王由禮處

士馬樞記室祖孫登比部郎賀循長史劉刪 等為文會友後有蔡凝劉劭陳暄孔範亦預

焉皆一時士也游宴賦詩勒成卷軸伯陽為 其集序盛傳於世伯陽後歷鎮右新安府諮

議參軍十三年卒年六十六

陳書侯安都傳安都工隸書能鼓琴涉獵書

傳為五言詩亦頗清靡世祖即位遷司空自

王琳平後安都勳庸轉大自以功安社稷漸

用驕矜數招聚文武之士或射駟馳騁或命

以詩賦第其高下以差次賞賜之士則褚

介馬樞陰鑑張正見徐伯陽劉祖孫登武

士則蕭摩訶裴子烈等並為之賓客 案文帝

本紀天嘉四年六月癸巳司空侯安都賜死後六年始為

宣帝太建元年徐為文會詩在司空記室之後又侯安都

為仁威將軍在梁敬帝紹泰元年入陳之後累加號至征

北大將軍此題仁威記室本傳不具當亦在太建中

唐書經籍志文會詩集四卷徐伯陽撰

唐書藝文志徐伯陽文會詩集四卷

張氏百三家張正見集題詞有曰東海徐隱

忍在陳太建時與名士十餘入游宴賦詩動

成卷軸集而敍之至今稱文會者輒頌侯司

空書記室云隱忍詩不多見惟日出東窗門

行與游鍾山開善寺二詩盛行世間餘客詩

文少傳其最多者則推清河張見饋云

五岳七星迴文詩一卷

不著撰人

案後文樂府歌詩類中引梁有迴文詩三

部若移列於此書之後與下雜詩圖相類

從則有倫有敍矣

梁有雜詩圖一卷亡

漢圖見於張氏名畫記者不一其人詩家

亦有詩圖如唐張為主客圖宋高似孫文

選摘句圖而古今所豔稱者則莫如迴文

織錦圖此一卷次迴文詩後大抵亦是其

類

毛伯成詩一卷伯成東晉征西將軍將軍當為參軍

毛伯成有集一卷見別集類東晉人中

案此與別集類之一卷不知是一是二或

毛集多寄存他人詩亦有似乎總集歟

春秋寶藏詩四卷張朏撰

張朏始末未詳

江淹擬古一卷羅潛注

羅潛始末未詳江淹有集見別集類梁代人

文中

文選江文通雜體詩三十首序曰關西鄴下

既已罕同河外江南頗為異法今作三十首

詩數其文體雖不足品藻淵流庶亦無乖商

榘

案本志編次之例以圖譜之屬殿每類之

末此類已錄至迴文詩及雜詩圖則亦已

畢訖而又別出此三部何也蓋梁代書目

之外為見存書目所有者遂節次鈔入不

復計及自亂其例也

以上總集詩之屬及注解評論圖譜凡二

十五部附梁有三十六部 內略去二十一部

或鈔節其書

歌錄十卷

不著撰人

唐書經籍藝文志歌錄集八卷

汪氏文選理學權輿曰文選注引羣書有歌

錄集案宋郭茂倩樂府詩集亦數引之

古歌錄鈔二卷

不著撰人

晉歌章八卷梁十卷

不著撰人

吳聲歌辭曲一卷梁二卷

不著撰人

宋書樂志曰吳歌雜曲並出江東晉宋以來

稍有增廣

又曰楊泓拂舞序曰自到江南見白符舞或

言白鳧鳩舞云有此來數十年察其詞旨乃

是吳人患孫皓虐政思屬晉也又有白紵舞

案舞有巾袍之言紵本吳地所出宜是吳舞

也

梁又有樂府歌詩二十卷秦伯文撰亡

秦伯文始末未詳

梁又有樂府歌詩十二卷亡

不著撰人 舊唐志有新撰錄樂府集十一卷謝靈運

撰藝文志樂類同疑即此

梁又有樂府三校歌詩十卷亡

不著撰人 舊唐志有樂府歌詩十卷亦無撰人似即

此新志樂類有程子樂府歌詩十卷或亦即此

案三校未詳疑是三調之異名通志略樂

樂府歌辭鈔一卷

不著撰人

唐書藝文志樂類有鄭譯樂府歌辭八卷此

不著撰人

樂府歌辭鈔一卷

不著撰人

唐書藝文志樂類有鄭譯樂府歌辭八卷此

不著撰人

樂府歌辭鈔一卷

不著撰人

唐書藝文志樂類有鄭譯樂府歌辭八卷此

不著撰人

樂府歌辭鈔一卷

不著撰人

唐書藝文志樂類有鄭譯樂府歌辭八卷此

不著撰人

樂府歌辭鈔一卷

不著撰人

唐書藝文志樂類有鄭譯樂府歌辭八卷此

不著撰人

樂府歌辭鈔一卷

不著撰人

府作皇府似誤

梁又有樂府歌辭九卷亡

不著撰人 舊唐志有樂府歌辭十卷亦無撰人似即

此

梁又有太樂歌詩八卷歌辭四卷張永記亡

張永有集見別集類宋人文中

南史本傳永曉音律太極殿前鍾聲嘶孝武

嘗以問永永答鍾有銅滓乃扣鍾求其處鑿

而去之聲遂清越

案張永別有元嘉正聲伎錄略見經部樂

類疑此從伎錄中鈔出者

梁又有魏讌樂歌辭七卷亡

不著撰人

梁又有晉歌章十卷亡

不著撰人

案前已著錄晉歌章八卷注云梁十卷此

似卽十卷之本審是則前後兩見又似前

所見者是七錄此所見乃七錄外梁有別

家書目也

梁又有晉歌詩十八卷晉讌樂歌辭十卷荀勗

撰亡

荀勗有晉中經見史部簿錄類

晉書本傳勗既掌樂事又修律呂並行於世

初助於路逢趙賈人牛鐸識其聲及掌樂音

韻未調乃曰得趙之牛鐸則諧矣遂下郡國

悉送牛鐸果得諸者舉世伏其明識

宋書樂志晉武太始五年尙書奏使太僕傅

玄中書監荀勗黃門侍郎張華各造正旦行

禮及王公上壽酒食舉樂歌詩詔又使成公

綏亦作荀勗表曰魏氏哥詩或二言或三言

或四言或五言與古詩不類以問司律中郎

將陳頤頤曰被之金石未必皆當故勗造晉

歌皆爲四言唯公王上壽酒一篇爲三言五

言九年勗典知樂事使郭夏宋識等造正德

大豫之舞而勗及傅玄張華又各造此舞歌

詩又曰清商三調歌詩荀勗撰舊詞施用者

唐書經籍志太樂雜歌辭三卷荀勗撰太樂

歌詞二卷樂府歌詩十卷

唐書藝文志樂類荀勗太樂雜歌辭三卷又

太樂歌辭二卷樂府歌詩十卷

梁又有宋太始祭高禘歌辭十一卷亡

不著撰人

案太始宋明帝年號明帝有集見別集類

高禘祀典見續漢書禮儀志太始祭高禘

故事則無由考見矣

梁又有齊三調雅辭五卷亡

不著撰人

宋書樂志曰凡諸曲始皆徒哥既而被之絃

管又因有絃管金石造哥以被之魏世三調

哥辭之類是也案三調起于魏之三祖

又曰清商三調哥詩曰平調曰清調曰瑟調

案瑟調亦云側調

梁又有古今九代歌詩七卷張湛撰亡

張湛有列子注見子部道家

案古今九代者大都是唐虞夏商周秦漢

魏晉也

梁又有三調相和歌辭五卷亡

不著撰人

宋書樂志曰但歌四曲出自漢世無弦節作

伎最先一人倡三人和魏武帝尤好之時有

宋容華者清激好聲善唱此曲當時特妙自

晉以來不復傳遂絕相和漢舊歌也絲竹更

相和執節者歌本一部魏明帝分爲二本十

七曲朱生宋識列和等復合之爲十三曲案

三調見前相和似卽但歌之遞變故宋志首言但歌次言

相和

唐書經籍志三調相和歌辭三卷 案刊本誤作

相和

唐書藝文志樂類翟子樂府歌詩十卷又三

調相和歌辭五卷案翟子不知何人似有鼓文

案此蓋以三調及相和兩種歌辭合錄爲

一編者

梁又有三調詩吟錄六卷亡

不著撰人

梁又有奏鞞舞曲二卷亡

不著撰人

宋書樂志曰鞞舞未詳所起然漢代已施於

燕享矣傅毅張衡所賦皆其事也曹植鞞舞

歌序曰漢靈帝西園故事有李堅者能鞞舞

遭亂西隨段熲先帝聞其舊有伎召之堅既

中廢兼古曲多謬誤異代之文未必相襲故

依前曲改作新哥五篇不敢充之黃門近以

成下國之陋樂焉晉鞞舞歌亦五篇又曰鞞

舞卽今之鞞扇舞也孝武大明中以鞞拂雜

舞合之鍾石施於殿庭 又隋書樂志牛弘曰鞞舞
漢巴渝舞也至章帝造鞞舞辭

又曰樂器凡八音一曰金金鐘也鈔也鐔也
鐔也鐔也鐔也鐔大鈴也周禮以金鐔通鼓
又曰晉鐔舞歌一篇鞞舞哥一篇鼓舞伎六
曲並陳于元會

案隋書音樂志云牛弘請存鞞鐔巾拂等
四舞稱四舞漢魏以來並施於宴饗又曰
此雖非正樂亦前代舊聲故梁武報沈約
云鞞鐔巾拂古之遺風此二卷蓋古四舞
中之二特未詳鐔舞之所由起

梁又有管絃錄一卷亡

不著撰人

梁又有伎錄一卷亡

不著撰人

案宋郭茂倩樂府詩集稱古今樂錄引王
僧虔伎錄至多輯之猶可成卷此一卷或
即王僧虔書古今樂錄陳沙門智匠撰見樂類

梁又有太樂備問鍾鐔律奏舞歌四卷郝生撰

亡

郝生始末未詳

案宋書樂志云魏晉之世有孫氏善弘舊
曲宋識善擊節倡和陳左善清歌列和善
吹笛郝索善彈箏朱生善琵琶尤發新聲
傅玄著書曰人若鈔所聞而忽所見不亦
惑乎設此六人生於上世越古今而無儻
何但夔牙同契哉案此說則自茲以後皆
孫朱等之遺則也案傅沈兩家推重此六

人如此而六人所著不概見此郝生者或
即郝索其人歟

梁又有迴文集十卷謝靈運撰亡

謝靈運有賦集詩集詩集鈔雜詩鈔詩英並
見前

唐書經籍志迴文詩集一卷謝靈運撰

唐書藝文志謝靈運迴文詩集一卷

梁又有迴文詩八卷亡

不著撰人

困學紀聞評詩篇詩苑類格謂回文出於竇
滔妻所作文心雕龍云回文所興則道原為
始又傅咸有回文反覆詩温嶠有回文詩皆
在竇妻前閻若璩箋曰道原不可考

梁又有織錦迴文詩一卷苻堅秦州刺史竇氏
妻蘇氏作亡

晉書列女傳竇滔妻蘇氏始平人也名蕙字
若蘭善屬文滔苻堅時為秦州刺史被徙流

沙蘇氏思之織錦為迴文旋圖詩以贈滔宛
轉循環以讀之詞甚悽惋凡八百四十字文
多不錄

文選江文通別賦注織錦迴文詩序曰竇韜
秦州被徙沙漠使妻蘇氏秦州臨去別蘇誓

不更娶至沙漠使妻蘇氏織錦端中作此
迴文以贈之符國時人也

唐如意元年大周天册金輪皇帝御製織錦
迴文記曰前秦苻堅時扶風竇滔妻蘇氏名

蕙字若蘭以滔鎮襄陽絕蘇氏音問蘇氏因
織錦為迴文五彩相宣縱廣八寸題詩二百

餘首計八百餘言縱橫反覆皆成章句
宋黃伯思東觀餘論曰蘇蕙織錦迴文詩所

傳舊矣故少常沈公復傳其書由是若蘭之
才益著然其詩回旋書之讀者惟曉外繞七

言至其中方則漫弗可考矣若沈公之博古
亦謂辭句脫略讀之成文殊不知此詩纔成

本五色相宣因以別三四五七言之異後人
流傳不復施采故迷其句讀非辭句之致略

也政和初予在洛陽於晉玉許得唐申誠所
釋而後曉然是時初不舛脫蓋沈公未嘗見

此本耳
四庫提要別集類璣圖詩讀法一卷明康

萬民撰蘇蕙織錦迴文古今傳為佳話唐申
誠嘗作釋文今不傳宋元間有僧起宗者以

意推求得三四五六七言詩三千七百五十
二首分爲七圖萬民更為尋釋又於第三圖

內增立一圖併增讀其詩至四千二百六十
合起宗所讀共成七千九百五十八首合兩

家之圖輯爲此編夫但求協韻成句而不問
義之如何輾轉鉤連旁行斜上原可愈增愈

多然必以爲若蘭本意斯則未之能信存
以爲藝林之玩可矣

案此迴文集三家在梁代書目自爲一類
而乃雜置之樂府歌詩類中又不與前五

岳七星迴文詩爲伍蓋當屬稿之時唯取
諸家書目節節鈔入於前後流別部居未

嘗措意及之也
梁又有頌集二十卷王僧綽撰木連理頌二卷

晉太元十九年羣臣上

案此兩書前已附注於靖恭堂頌一卷條下此復重出豈前所云梁有為七錄此梁有又一七錄歟是亦足證注梁有者不盡七錄一書也蓋梁有書目有以頌一類列封禪文之後者如前所載是也又有列於迴文詩之後者則此所載是也諸家部居不一律故本志鈔取亦兩歧

梁又有鼓吹清商樂府讌樂高禩鞞等歌辭舞錄凡十部

並不著撰人

案唐經籍志有漢魏吳晉鼓吹曲四卷藝文志樂類同亦皆不著名字似即此十部之一又前注梁有魏晉宋雜祖饒讌會詩二十一部凡若干卷今略其數此與前同例并卷數亦從其略焉

又案此綜錄十部為一條似亦據梁有別家書目也蓋別目亦有以樂舞歌詩次頌集之後者故本志亦依其次而連屬之

陳郊廟歌辭三卷并錄徐陵撰

徐陵有集見別集類陳代人文中

樂府新歌十卷秦王記室崔子發撰

崔子發有齊記見史部古史類

樂府新歌二卷秦王司馬殷僧首撰

陳書孝行傳殷不害字長卿陳郡長平人仕

梁武帝簡文帝元帝江陵陷與王褒庾信俱

入長安太建七年自周還朝後主即位至給

事中初不害之還也留其長子僧首因居關

中禎明三年京師陷僧首來迎不害道病卒

案此題秦王司馬者其後入隋為秦孝王俊寮屬俊隋文帝第三子也俊于伐陳之役為山南道行軍元帥後為揚州總管四十四州諸軍事轉并州總管三十四州諸軍事頗有令聞僧首為司馬當在其時以上總集樂府歌曲之屬凡八部附梁有二十九部內略去十部又雜出迴文詩一類三部重出頌集二部為第六類

古今箴銘集十四卷張湛撰錄一卷

張湛有古今九代歌詩見前

唐書經籍志古今箴銘集十三卷張湛撰

唐書藝文志張湛古今箴銘集十三卷

梁有箴集十六卷亡

不著撰人

梁有雜誠箴二十四卷亡

不著撰人

唐書經籍藝文志雜戒箴二十四卷亡

梁有女箴一卷亡

不著撰人

梁有女史箴圖一卷亡

不著撰人

案文選張茂先女史箴注曹嘉之晉紀曰

張華懼后族之盛作女史箴又藝文類聚

后妃門有後漢皇甫規女師箴晉裴頠女

史箴此圖大抵為張茂先之箴而作

梁又有銘集十一卷亡

不著撰人

梁又有陸少玄撰佛像雜銘十三卷亡

南史張率傳時陸少玄家有父澄書萬餘卷率與少玄善遂通書籍盡讀其書案陸澄有漢書注見史部正史類少玄他始末不概見

梁又有釋僧祐撰箴器雜銘五卷亡

僧祐有薩婆多部傳見史部雜傳類

以上總集箴銘之屬一部附梁有七部為

第七類

衆賢誠集十卷殘缺

詳見子部儒家此重出儒家載十三卷此

十卷故云殘缺

梁有誠林三卷蔡母選撰亡

蔡母選有二京賦音三都賦注並見前

唐書經籍志儒家誠林三卷蔡母氏撰

唐書藝文志儒家蔡母氏誠林三卷

梁有四帝誠三卷王誕撰亡

王誕有集見別集類東晉人文中

梁有雜家誠七卷亡

梁有諸家雜誠九卷亡

梁有集誠二十二卷亡

並不著撰人

諸葛武侯誠一卷

詳見子部儒家云二卷

女誠一卷

不著撰人

嚴氏全三國文編曰諸葛武侯有集誠一卷

女誠一卷

案嚴氏謂武侯有女誠一卷即據本志此

條也審是疑即集誠之第二卷唐藝文志傳記類有諸葛亮貞潔記一卷或即此書

又武侯之前有杜篤荀爽蔡邕皆有女誦此或良錄

諸家爲一編

女誦一卷曹大家撰

詳見子部儒家此重出

女鑒一卷

詳見子部儒家此重出

梁有女訓十六卷亡

不著撰人

晉書賈充傳充前妻李氏淑美有才行作女訓行於世

世說賢媛篇賈充前婦是李豐女作女訓行於世注婦人集曰李氏名婉字淑父豐誅徒樂浪又曰李氏至樂浪遺二女典式八篇晉諸公贊曰李氏有才德世稱李夫人訓者

唐書經籍志女訓集六卷刊本誤作文訓集

唐書藝文志傳記類女訓集六卷

案此十六卷或即典式八篇之上下或不

止李氏一家之訓又兩唐志皆六卷或此

衍十字

婦人訓誠集十一卷并錄梁十卷宋司空徐湛之撰

姊妹訓一卷馮少胃撰

貞順志一卷

並詳見子部儒家此重出

以上總集誠訓之屬八部附梁有六部爲

第八類

讀集五卷謝莊撰

謝莊有集見別集類宋代人文中唐書經籍志讚集五卷謝莊撰

唐書藝文志謝莊讚集五卷

畫讚五卷漢明帝殿閣畫魏陳思王讚梁五十卷

魏陳思王畫贊序曰蓋畫者鳥書之流也昔明德馬后美於色厚於德帝用嘉之嘗從觀畫過虞舜之像見娥皇女英帝指戲后曰恨不得如此人爲妃又前見唐堯之像后指堯曰嗟乎羣臣百僚恨不得戴君如是帝顧而咨嗟焉故夫畫所見多矣上形太極混元之前卻列將來未形之事

又曰觀畫者見三皇五帝莫不仰戴見三季暴主莫不悲惋見篡臣賊嗣莫不切齒見高節妙士莫不忘食見忠節死難莫不抗首見放臣斥子莫不歎息見淫夫妬婦莫不側目見令妃順后莫不嘉貴是知存乎鑒戒者圖畫也

案太平御覽文部引傅玄七謨序末云傅子集古今七篇品之署曰七林是傅子有七林之集在謝客之前疑即是書其音一卷不知何人作

七悟一卷顏之推撰

顏之推有訓俗文字略見經部小學家

唐書經籍志七悟集一卷顏延之撰延之當為之推

唐書藝文志顏之推七悟集一卷

案北齊書文苑傳載有文三十卷隋唐志

皆不著傳載其觀我生賦自為之注述其生平甚悉書錄解題有稽聖賦三卷擬天問而作其孫師古注中與書目稱李淳風注今不傳此七悟一卷唐志作七悟集不知為自撰為集錄也以上總集七篇之屬

御覽文部目曰七辭凡三部附梁有一部為第十類

梁有弔文集六卷錄一卷亡

梁有弔文二卷亡

並不著撰人

碑集二十九卷

雜碑集二十九卷

雜碑集二十二卷

並不著撰人

唐書經籍藝文志雜碑文二十卷

梁有碑集十卷謝莊撰亡

謝莊有贊集誄集並見前

梁有釋氏碑文三十卷梁元帝撰亡

梁元帝有漢書注見史部正史類

廣弘明集梁元帝內典碑銘集林序曰予幼好雕蟲長而彌篤游心釋典寓目詞林頃常搜聚有懷著述譬諸法海無讓波瀾亦等須彌同歸一色故不擇高卑唯能是與倘未詳悉隨而足之名為內典碑銘集林合三十卷庶將來君子或裨觀覽焉

南史隱逸阮孝緒傳湘東王著忠臣傳集釋氏碑銘丹陽尹錄研神記並先簡孝緒而後施行案忠臣傳丹陽尹傳研神記並見史部雜傳家

案金樓子著書篇碑集十秩百卷付蘭陵蕭賁撰蓋其後所撰集此三十卷或亦合併百卷中

梁有雜碑二十二卷碑文十五卷晉將作大匠陳緄撰亡

陳緄始末未詳

梁有碑文十卷車灌撰亡

車灌有修復山陵故事見史部舊事類

梁又有羊祜墮淚碑一卷亡

晉書羊祜傳祜卒吳守邊將士亦為之泣其仁德所感如此襄陽百姓於岘山祜平生游憩之所建碑立廟歲時饗祭焉望其碑者莫不流涕杜預因名為墮淚碑荆州人為祜諱名屋室皆以門為稱改戶曹為辭曹焉

梁又有桓宣武碑十卷亡

不著撰人

案桓宣武即桓温見晉書叛逆傳

梁又有長沙景王碑文三卷亡

不著撰人

案長沙景王道憐宋武帝中弟也見宋書宗室傳

梁又有荆州雜碑三卷雍州雜碑四卷廣州刺史碑十二卷亡

並不著撰人

梁又有義興周許碑一卷亡許當為處

不著撰人

嚴氏全晉文編闕名類晉平西將軍周處碑在宜興孝侯廟題陸機撰王羲之書唐元和六年義興縣令陳從諫重樹據文有太興二年語明非陸機撰反覆觀之其駢儷對偶當屬舊文餘則唐人以新修晉書及他說添補今以舊文當格其添補文旁注以別異之

案周處見晉書本傳有風土記見史部地理類唐人重立周孝侯廟碑今在宜興荆溪兩縣治傳所云長橋今亦名蛟橋亦在治所

梁又有太原王氏家碑誄頌贊銘集二十六卷亡

不著撰人

案本志史部雜傳類有太原王氏家傳二十三卷與琅邪王氏並盛於魏晉南北朝當時是集殆與家傳並行者

梁又有諸寺碑文四十六卷釋僧祐撰亡

梁又有雜祭文六卷衆僧行狀四十卷釋僧祐撰亡

僧祐有箴銘雜器見前

僧祐法集總目有曰少受律學刻意毗尼旦

夕飄持四十餘載春秋講說七十餘遍既稟

義先師弗敢墜失標括章條為律記十卷并

雜碑記撰為一帙又曰法集雜記傳銘七卷

案此三書蓋其所集七卷之外者僧祐所作有釋迦譜出

三藏記等書此等皆其所集以取資者

以上總集弔文碑文祭文行狀之屬三部

附梁有十七部為第十一類

設論集二卷劉楷撰

劉楷始末未詳案宋齊間有三劉楷一秘書郎劉楷

為元凶劾所殺見宋書長沙景王附傳一大司農劉楷為

交州刺史見齊書武帝永明三年本紀一南中郎司馬劉

楷為司州刺史見永明九年本紀此不著時代莫能詳歷

唐書經籍志設論集三卷劉楷撰

唐書藝文志劉楷設論集三卷

梁有設論集三卷東晉人撰亡

案兩唐志有謝靈運設論集五卷疑即此

書

梁有客難集二十卷亡

不著撰人

論集七十三卷

雜論十卷

並不著撰人

案兩唐志有殷仲堪雜論九十五卷本志

子部雜家載殷仲堪論集八十六卷注云

梁九十六卷又有雜論五十八卷雜論十

宋岱有周易論見經部易類

案宋岱為青州刺史時著無鬼論鄰州化

之疑此即無鬼論之異名

東西晉興亡論一卷

不著撰人

陶神論五卷

不著撰人

唐書經籍志陶神論五卷釋靈裕撰

案籍裕有集見別集類陳代人文中法苑

珠林傳記篇載靈裕撰陶神論十卷

正流論一卷

詳見史部簿錄家此重出

以上總集論之屬客難亦設論之支流故

附其中凡七部附梁有二部為第十二類

黃芳引連珠一卷

黃芳始末未詳

通志藝文略黃芳引連珠一卷

案此似引連珠集句成文者

梁武連珠一卷沈約注

梁武帝有歷代賦沈約有集鈔並見前

金樓子與王篇梁高祖武帝臺城內起至

敬殿又奉為太祖於鍾山起大愛敬寺又奉

為獻后起大智度寺又作連珠五十首以明

孝道云

藝文類聚沈約注制旨連珠表曰竊聞連珠

之作始自子雲放易象論動模經誥班固謂

之命世桓譚以為絕倫連珠者蓋謂辭句連

續互相發明若珠之結排也

嚴氏全梁文編曰梁武連珠今存凡三條並

見藝文類聚五十七

梁武帝制旨連珠十卷梁邵陵王綸注

邵陵王綸有集見別集類梁代人文中

梁書文學邱遲傳時高祖著連珠詔羣臣繼

作者數十人遲文最美

唐書經籍志制旨連珠四卷梁武帝撰

唐書藝文志梁武帝制旨連珠四卷

梁武帝制旨連珠十卷陸緬注

南史陸慧曉傳慧曉吳郡吳人第三子倕倕

子纘早慧為童子郎卒次緬有似于倕一看

殆不能別案梁書陸傳不及緬南史附載此二語

又不及其生平殆梁書喪亂亡失無從徵采故耳此與

前十卷似皆梁武選錄諸臣工之作

唐書經籍志制旨連珠十一卷陸緬注

唐書藝文志陸緬注制旨連珠十一卷

梁有設論連珠十卷

不著撰人

梁有謝靈運連珠五卷亡

謝靈運有賦集詩集詩英回文詩集七集等

凡七種並見前

唐書經籍志連珠集五卷謝靈運撰

唐書藝文志謝靈運連珠集五卷

梁有陳證撰連珠十五卷亡

陳證始末未詳

梁又有連珠一卷陸機撰何承天注亡

案南史隱逸沈麟士傳麟士隱居教授重陸機連珠每為諸生講之是六朝盛行其文文選有陸士衡演連珠五十首劉孝標注何氏之注唯見於此

梁又有班固典引一卷蔡邕注亡

班固有太甲篇在昔篇蔡邕有月令章句並見經部小學類禮類

文選班孟堅典引序曰永平十七年臣與賈逵傅毅杜矩展隆鄒萌等召詣雲龍門小黃門趙宣持秦始皇帝本紀問臣等曰太史遷下贊語中寧有非耶臣對此贊賈誼過秦篇云向使子嬰有庸主之才僅得中佐秦之社稷未宜絕也此言非是即召臣入問本聞此論非耶將見問意開悟耶臣具對素聞知狀詔因曰司馬遷以身陷刑之故微文刺譏貶損當世非誼士也司馬相如至於疾病而頌述功德言封禪事忠臣効也賢遠遠矣臣固嘗伏誦聖論昭明好惡不遺微細緣事斷誼動有規矩臣固不勝區區竊作典引一篇云

後漢書本傳固又作典引篇述敘漢德以為相如封禪靡而不典揚雄美新典而不實蓋自謂得其致焉

文心雕龍封禪篇班固典引體因紀禪又曰典引所敘雅有懿采歷鑿前作能執厥中其致義會文斐然餘巧故稱封禪麗而不典劇秦典而不實豈非追觀易為明循勢易為力歟

李善文選注蔡邕曰典引者篇名也典者常

也法也引者伸也長也尚書疏堯之常法謂之堯典漢紹其緒伸而長之也

梁代雜文三卷

不著撰人

以上總集連珠之屬附以典引雜文凡五

部梁有五部為第十三類

詔集區分四十一卷後屬獸門學士宗幹撰

宗幹或作宗幹始末並未詳

唐書經籍志詔集區別二十七卷宋幹撰

唐書藝文志史部詔令類宋幹詔集區別二十七卷

魏朝雜詔二卷

不著撰人

案後文有後魏詔集若干卷此或謂西魏

未詳也

梁有漢高祖手詔一卷亡

不著撰人

漢書藝文志儒家高祖傳十三篇高祖與大臣述古語及詔策也

玉海聖文御製篇隋志梁有漢高祖手詔一卷古文苑有高祖手勅太子五條

錄魏吳二志詔二卷梁有三國詔誥十卷亡

並不著撰人

晉成康詔四卷案晉成帝改元成康凡八年

不著撰人

晉朝雜詔九卷

不著撰人

梁有晉雜詔百卷錄一卷亡

不著撰人

唐書經籍志史部起居注類晉書雜詔書一百卷上書字衍

唐書藝文志起居注詔令類晉雜詔書一百卷

梁又有晉雜詔二十八卷錄一卷亡

不著撰人

唐書經籍志起居注類晉雜詔書又二十八卷藝文志詔令類同

梁又有晉詔六十卷亡

不著撰人

唐書經籍志起居注類晉雜詔書六十六卷藝文志詔令類同

梁又有晉文王武帝雜詔十二卷亡

不著撰人

案下文又有晉武帝詔十二卷此大抵錄文武兩世為晉王時之詔令晉人追尊故稱詔

錄晉詔十四卷

不著撰人

案此大抵亦如前錄魏吳二志詔從諸家

晉書中錄出者

梁有晉武帝詔十二卷亡

梁有成帝詔草十七卷亡

梁有康帝詔草十卷亡

梁有建元直詔三卷亡

案晉康帝在位二年改元建元

梁有永和副詔九卷亡

案晉穆帝紀元永和凡十二

元

年

梁有升平隆和興寧副詔十卷亡案晉穆帝改元升平凡五年哀帝隆和一年興寧三年

梁有泰元咸寧寧康副詔二十二卷亡案晉孝武帝即位改元寧康凡三年又改元太元凡二十一年寧康在太元之前而此顛倒在後又咸寧為武帝年號遠在晉初此乃叙于太元之後舛誤彌甚

並不著撰人

唐書經籍志起居注類晉太元副詔二十一卷 藝文志詔令類同 案唐志則本志此一條咸寧寧康四字史駁文也

梁有隆安直詔五卷元興太亨副詔三卷亡案隆安元興太亨並晉安帝年號

並不著撰人

唐書經籍志起居注類晉崇安元興太亨副詔八卷 藝文志詔令類同案此八卷即合梁有之直詔詔八卷副詔三卷也

晉義熙詔十卷梁有義熙副詔十卷亡案晉安帝改元義熙凡十四年

並不著撰人

唐書經籍志起居注類晉義熙詔二十二卷 藝文志詔令類同

梁有義熙以來至于大明詔三十卷亡案大明宋孝武帝改元自晉義熙元年乙巳至宋大明八年甲辰首尾凡六十年

梁有晉宋雜詔四卷亡

不著撰人

梁又有晉宋雜詔八卷王韶之撰亡

王韶之有晉紀見史部古史類

梁又有雜詔十四卷亡

不著撰人

梁又有班五條詔十卷亡 晉書武帝本紀泰始四年十二月班五條詔書于郡國一曰正身二曰勤百姓三曰撫孤寡四曰敦本息末五曰去人事

宋永初雜詔十三卷

不著撰人

唐書經籍志起居注類宋永初詔六卷 藝文志詔令類同

梁有詔集百卷起漢訖宋亡

梁有武帝詔四卷亡

梁有宋元熙詔令五卷亡案元熙晉恭帝紀元明年禪位于宋

梁有宋永初二年五年詔三卷亡案宋武帝受禪紀元永初止三年此云五年蓋三年之誤

梁有永初以來中書雜詔二十卷亡

宋孝建詔一卷案宋孝武帝紀元孝建凡三年

梁有宋景平詔三卷亡案宋少帝改元景平盡一年

宋元嘉副詔十五卷

梁有宋元嘉詔六十二卷亡案元嘉宋文帝年號凡三十年

並不著撰人

唐書經籍志起居注類宋元嘉詔二十一卷 藝文志詔令類同

梁又有宋孝武詔五卷宋大明詔七十卷亡案宋孝武孝建三年大明八年此孝武疑是孝建之誤

梁又有宋永光景和詔五卷亡案永光景和並宋前廢帝年號盡一年

梁又有宋泰始泰豫詔二十二卷亡案泰始泰豫宋明帝年號凡八年

梁又有宋義嘉偽詔一卷亡案義嘉晉安王子助偽號也事在明帝泰始二年

梁又有宋元徽詔十二卷亡案元徽後廢帝年號凡四年

梁又有宋昇明詔四卷亡案昇明順帝年號凡二年

禪位于齊

齊雜詔十卷

齊中興二年詔三卷案中興二年即齊和帝禪位于梁之歲梁武帝即位改是年為天監元年

梁有齊建元詔五卷亡案齊高帝受禪改元建元凡四年南史本紀云所著文詔中書侍郎江淹撰次之似謂其文集非指此書

梁有永明詔三卷武帝中詔十卷亡案永明齊武帝年號凡十一年

梁有齊隆平延興建武詔九卷齊建武二年副詔九卷亡案鬱林王即位改元隆昌此曰隆平蓋誤海陵王即位改元延興明帝即位又改元建武是歲一年凡三改元

梁有天監元年至七年詔十二卷天監九年十年詔二卷亡案梁武帝天監紀元凡十八年此但十年以前之詔亡佚多矣

後魏詔集十六卷

不著撰人

案魏書常景傅延昌初受勅撰門下詔書

凡四十卷延昌宣武帝即位之十三年也
此十六卷似即其殘賸者

後周雜詔八卷

雜詔八卷

雜赦書六卷

陳天嘉詔草三卷案天嘉陳文帝紀元凡六年

並不著撰人

霸朝集三卷李德林撰

李德林有集見別集類隋代人文中

隋書本傳開皇五年勅令撰錄作相時文翰

勒成五卷謂之霸朝雜集序其事末云前奉

勅旨集納麓已還至於受命文筆當時制述

條目甚多今日收撰略為五卷云爾高祖省

讀訖明且謂德林曰自古帝王之興必有異

人輔佐我昨讀霸朝集方知感應之理昨宵

恨夜長不能早見公面必令公貴與國始終

唐日本國見在書目霸朝集三卷李德林撰

唐書經籍志霸朝雜集五卷李德林撰

唐書藝文志李德林霸朝雜集五卷

皇朝詔集九卷

皇朝陳事詔十三卷

並不著撰人

梁有雜九錫文四卷亡

不著撰人

漢書武帝本紀元朔元年注應劭曰九錫一

曰車馬二曰衣服三曰樂器四曰朱戶五曰

納陛六曰虎賁百人七曰鈇鉞八曰弓矢九

曰桓鬯張晏曰九錫經本無文周禮以為九

命春秋說有之臣瓚曰九錫備物伯者之盛

禮齊桓晉文猶不能備
困學紀聞曰周官上公九命王制有加賜不
過九命伏生大傳謂諸侯三年一貢士一適
謂之好德再適謂之賢賢三適謂之有功有
功者天子一賜以車服弓矢再賜以桓鬯三
賜以虎賁百人號曰命諸侯此言三賜而已
漢武紀元朔元年有司奏議曰古者諸侯貢
士壹適謂之好德再適謂之賢賢三適謂之
有功迺加九錫九錫始見於此遂為篡臣竊
國之資自王莽始

案九錫文王莽傳但載其事非如後世之
稱物備數一一筆之於策書也文選載潘
勛撰魏公九錫文文心雕龍以為絕羣魏
文帝策命孫權九錫文略見藝文類聚晉
文帝封晉公加九錫其事見晉書文紀魏
景元四年其文不知何人作其後惠懷之
際若趙王倫齊王問成都王穎東海王越
皆加九錫見晉書八王傳江左袁宏撰桓
溫九錫文見晉書謝安及王彪之傳其文
皆不傳桓玄傳玄矯詔封楚王加九錫殷
仲文撰文亦不傳此外如傅亮撰宋公九
錫文王儉撰齊公九錫文任昉撰梁公九
錫文並見宋齊梁諸史本紀此梁以前九
錫文之略可考見者其後若徐陵撰陳公九錫
文魏收撰齊王九錫文李德林撰隋公九錫文亦見

諸史本紀

以上總集詔令冊命之屬凡二十部附梁

有四十三部為第十四類

上法書表一卷虞和撰

虞和有法書目錄六卷見史部簿錄類

嚴氏全宋文編曰虞蘇會稽餘姚人大明中

太學博士泰始中遷儀曹郎長兼博士歷中

書郎拜廷尉卿有上明帝論書表

案此表張彥遠法書要錄全載其文蓋即

其所上法書目錄之表竇蒙述書賦注所

謂表本行於世真蹟故起居舍人李造得

之者也並詳見於簿錄篇

梁中表十一卷梁邵陵王撰

邵陵王綸有制旨連珠注見前

案梁書南史王筠傳勅撰中書表奏三十

卷陳書姚察傳察在祕書省奏撰中書表

集此中表似敝書字蓋即其類兩唐志有

梁中書表集二百五十卷不著撰人似梁

代故府所遺者

梁有漢名臣奏三十卷魏名臣奏三十卷陳長

壽撰亡

陳長壽即陳壽有三國志見史部正史類本

志傳記類載益部書舊傳亦云陳長壽以是知為一人

案本志史部刑法家漢名臣奏事三十卷

不著撰人兩唐志並云陳壽撰刑法家又

有魏名臣奏事四十卷目一卷陳壽撰此

漢魏各三十卷蓋即刑法家所著錄者特

卷數名題稍有別異耳並詳見於史部

梁有魏雜事七卷亡

梁有晉諸公奏十一卷亡

梁有雜表奏駁三十五卷亡

並不著撰人

梁有漢丞相匡衡大司馬王鳳奏五卷亡

匡衡王鳳並見漢書列傳

案此五卷大抵從別本漢名臣奏中佚出

者唐藝文志刑法家陳壽之前別有漢名

臣奏二十九卷列漢人中不僅陳壽一家

也經籍志亦載之

梁有劉隗奏五卷亡

劉隗有集見別集類東晉人文中

案晉書本傳載其奏戴若思王籍之顏含

梁龔宋挺阮抗王含周筵劉胤李匡周顛

等諸事似皆在是書史稱其彈奏不畏疆

圍深為王氏所忌疾故不容於王敦而流

亡于石勒

梁有孔羣奏二十二卷亡

晉書孔愉傳愉從弟羣字敬林有智局志尚

不羈歷中丞性嗜酒王導嘗戒之卒於官

世說方正篇注會稽後賢記曰羣字敬休山

陰人祖竺吳豫章太守父奕全椒令羣有智

局仕至御史中丞

曲阜孔繼汾闕里文獻考孔氏別集有先聖

二十五代孫晉御史中丞羣奏議二十二卷

案通志藝文略題曰漢孔羣奏二十二卷

以為漢人蓋以本志此一段上文有漢匡

衡王鳳奏而劉隗孔羣奏無晉字遂皆以

為漢人其謬乃如此

梁有晉金紫光祿太夫周閔奏事四卷亡

晉書周顛傳顛汝南安城人顛字閔字子雋

方直有父風歷衡陽建安臨川太守侍中中

領軍吏部尚書尚書左僕射護軍領祕書監

卒追贈金紫光祿大夫諡曰烈

梁有晉中丞劉邵奏事六卷亡

晉書劉隗附傳隗伯父訥訥子疇疇兄子邵

有才幹辟琅邪王丞相掾咸康世歷御史中

丞侍中尚書豫章太守秩中二千石

梁有中丞司馬無忌奏事十三卷亡

司馬無忌即譙烈王也有集九卷見別集類

東晉人文中

晉書宗室傳譙烈王無忌建元初累遷御史

中丞

梁有中丞虞谷奏事六卷亡

晉書虞潭傳潭會稽餘姚人吳騎都尉翻之

孫也潭兄子驥與譙國桓彝俱為吏部郎情

好甚篤彝遣温拜驥驥使子谷拜彝谷位至

吳國內史

梁有中丞高崧奏事五卷亡

晉書本傳崧字茂琰廣陵人也少好學善史

書州舉秀才除太學博士數遷簡文帝輔政

為撫軍司馬遷侍中以公事免卒於家

又謝安傳安始為桓温司馬將發新亭朝士

咸送中丞高崧戲之曰卿累違朝旨高臥東

山諸人每相與言安石不出將如蒼生何蒼

生今亦將如卿何安甚有媿色

案本傳不載為中丞官唯此稱為中丞

梁又有諸彈事等十四部亡

並不著撰人

案此與前雜祖餞讌會詩二十一部樂府

歌辭舞錄十部同例皆所謂略其數也梁

書徐勉傳撰左丞彈事五卷孔休元傳勒

成奏議彈文十五卷本志史部刑法家有

晉彈事十卷皆此之類亦或在此十四部

中

雜露布十二卷

不著撰人

通志藝文略雜露布十二卷梁書籍

案此本志從見存書日鈔入何由知其為梁書籍乎豈以此一條

前後皆梁有亡書遂皆以為梁代之書乎

鄭氏虛浮無當類如此

梁有雜檄文十七卷亡

不著撰人

通志藝文略雜檄文十七卷見隋志

案前注梁書籍若與此注見隋志互易則庶幾近之矣

梁有魏武帝露布文九卷亡

唐封演聞見記曰露布捷書之別名也自漢

以來有之亦謂之露版魏武事奏云有警急

輒露版插羽是也

以上總集奏之屬附以檄文露布凡三

部梁有二十九部內十四部略其數

為第十

五類

山公啓事三卷

山濤有集見別集類西晉人文中

晉書本傳詔以濤為吏部尚書前後選舉周

遍內外而並得其才又曰濤再居選職十有

餘年每一官缺輒啓擬數人詔旨有所向然後顯奏隨帝意所欲爲先故帝之所用或非舉首衆情不察以濤輕重任意或譖之於帝故帝手詔戒濤曰夫用人惟才不遺疏遠卑賤天下便化矣而濤行之自若一年之後衆情乃寢濤所奏甄拔人物爲各題目時稱山公啓事濤中立於朝晚值后黨專權不欲任楊氏多有諷諫帝雖悟而不能改

史臣曰自東京喪亂吏曹湮滅西園有三公之錢蒲陶有一州之任貪婪方駕寺署斯滿時移三代世歷九王拜謝私庭此焉成俗若乃餘風稍殄理或可言委以銓綜則羣情自抑通乎魚水則專用生疑將矯前失歸諸後正惠絕臣名恩馳大口世稱山公啓事者豈斯之謂歟若盧子家之前代何足算也 案盧輔字子家再爲吏部尙書魏志有傳

世說政事篇山司徒前後選殆周遍百官舉無失才凡所題目皆如其言唯用陸亮是詔所用與公意異爭之不從亮亦尋爲賄敗

唐書經籍志山濤啓事三卷 案此作十卷據舊唐書藝文志山濤啓事十卷 又敝范寧啓事四字以兩書誤合爲一條故卷數不符非詳勘不能知也

嚴氏全晉文編曰山濤啓事今見魏志蜀志注世說注文選注通典及諸類書所引凡五十一條

案文選應休璉與滿公琰書注引賈弼之

山公表注似即此啓事則此書舊有賈弼之注賈即爲十八州姓氏譜狀以譜學世其家者也晉太元中人又此啓事當亦編入本集本志別集類注云梁又有山濤集十卷齊奉朝請裴津注則又有裴氏注

范寧啓事三卷梁十卷 范寧有古文尙書注見經部書類 晉書本傳寧由臨淮太守徵拜中書侍郎在職多所獻替有益政道孝武帝雅好文學甚被親愛朝廷疑議輒諮訪之寧指斥朝士直言無諱及爲豫章太守臨發上疏末云臣久欲粗啓所懷日復一日今當永離左右不能令心有餘恨請出臣啓事付外詳擇帝詔公卿牧守普議得失又陳時政帝善之寧之出非帝本意故所啓多合旨

唐書經籍志范寧啓事十卷 藝文志敝去此條詳見前山公啓事條下 梁有雜薦文十二卷亡 不著撰人 梁有薦文集七卷亡 不著撰人

唐書經籍志范寧文集七卷 善文五十卷杜預撰 杜預有喪服要集見經部禮類 唐書經籍志善文四十九卷杜預撰 唐書藝文志杜預善文四十九卷 玉海藝文類唐志杜預善文四十九卷隋志五十卷史記李斯傳注辯士隱姓名遺奏將

章邯書在善文中 雜集一卷殷仲堪撰 殷仲堪有毛詩雜義見經部詩類 案本志子部雜家載殷仲堪論集八十六卷梁九十六卷此一卷或在所集啓事之屬

梁魏周齊陳皇朝聘使雜啓九卷 不著撰人 案此六朝往來聘問諸使臣並見六史本紀中 政道集十卷 不著撰人

隋書列傳博陵李文博性貞介鯁直好學不倦至於教義名理特所留心每讀書至治亂得失忠臣烈士未嘗不反覆吟翫開皇中爲羽騎尉特爲吏部侍郎薛道衡所知恆令在聽事幃中披檢書史并察已行事若遇治政善事卽鈔撰記錄如選用疏謬卽委之臧否道衡每得其語莫不欣然從之後直祕書內省守道居貧恆以禮法自處儕輩莫不敬憚焉道衡知其貧每延於家給以資費文博商量古今治政得失如指諸掌稍遷校書郎出爲縣丞數歲不得調道衡爲司隸大夫遇之於東都尙書省甚嗟愍之遂奏爲從事後遭離亂播遷不知所終文博本爲經學後讀史書于諸子及論尤所該洽性長議論亦善屬文著治道集十卷大行於世 北史文苑傳作政道集與本志所題同

道集與本志所題同

唐經籍志子部法家治道集十卷李文博撰
唐書藝文志法家李文博治道集十卷 宋志
法家同又見雜家

玉海藝文雜著類中與書曰李文博政道集
十卷雜載前賢所論治理之要凡一百二十
篇

嘉興沈濤銅熨斗齋隨筆曰唐柳伯存馬總

意林序曰隋代博陵李文博撻綴諸子編成

理道集十卷隋志不載當本名治道集唐人

諱治因改爲理案沈氏以水志子部法家無是書又

以此作政道集不著撰人與唐志法家所題不同遂以爲

隋志不載焉

以上總集啓事之屬凡六部附梁有二部

爲第十六類

書集八十八卷晉散騎常侍王履撰

王履始末未詳

唐書經籍志書集八十卷王履撰

唐書藝文志王履書集八十卷

書林十卷

不著撰人

案此似即應璩書林詳見於後

雜逸書六卷梁二十二卷徐爰撰

徐爰有射雉賦注見前

梁有應璩書林八卷夏赤松撰

應璩有百一詩見前

南史蕭惠基傳惠基善弈棋當時能棋者琅

邪王抗第一品吳郡褚思莊會稽夏赤松第

二品赤松思速善于大行案夏赤松齊時人其見

于史者唯此

魏志高堂隆傳注棧潛字彥皇見應璩書林

文心雕龍書記篇曰休璉好事留意詞翰

唐書經籍志書林六卷夏赤松撰

唐書藝文志夏赤松書林六卷

通志藝文略文部書類應璩書林八卷夏赤

松集

案此蓋夏赤松重編應氏之書或刪節或

注釋

梁有抱朴君書一卷葛洪撰亡

葛洪有喪服變除見經部禮類

梁有蔡司徒書三卷蔡謨撰亡

蔡謨有喪服譜見經部禮類

案葛蔡兩家書或其手蹟之僅存者後人

錄以相傳如歐公試筆之類皆集外別行

歟亦或出此兩家所傳之名尺牘也

梁有前漢雜筆十卷亡

梁有吳晉雜筆九卷亡

並不著撰人

梁有吳朝文二十四卷亡

不著撰人

案前已著錄吳朝士文集十卷注云梁十

三卷此或其書啓雜文故附于此歟

梁有李氏家書八卷亡

不著撰人

案續漢書祭祀志注引李氏家書曰司空

李邵侍祠南郊不見六宗祠奏曰云云天

文志注李氏家書曰時天有變氣李邵上

書諫五行志注曰李氏家書司空李邵上

書案李邵字孟節漢中南鄭人見後漢書

方術傳邵子固桓帝時太尉爲梁冀所陷

死小子變河南尹變姊文姬及其父門生

王成弟子趙承等並見列傳此李氏家書

蓋即其家所傳又趙承等七十二人共論

固言迹以爲德行一篇當在此書又舊新

唐志傳記類有李固別傳七卷藝文類聚

太平御覽各有李邵別傳李變別傳當亦

在此書

梁有晉左將軍王鎮惡與劉丹陽書一卷亡

案王鎮惡北海劇人苻堅丞相王猛孫也

佐宋武帝拒盧循討劉毅克長安後爲沈

田子所殺時晉安帝義熙十四年也贈左

將軍宋書南史並有傳劉丹陽者當是劉

穆之穆之亦爲宋武佐命時爲丹陽尹總

朝政云

後周與齊軍國書二卷

不著撰人

高澄與侯景書一卷

梁書侯景傳齊神武疾篤謂子澄曰侯景狡

猾多計反覆難知我死後必不爲汝用乃爲

書召景景知之慮及于禍太清元年乃遣其

行臺郎中丁和來上表請降及神武卒其子

澄嗣是爲文襄帝魏既新興元帥景又舉河

南內附齊文襄慮景與西南合從方爲己患

乃以書喻景若還許以豫州刺史終其身所

部文武更不追攝闔門無恙并還寵妻愛子

景報書不從

北齊文襄紀世宗文襄皇帝諱澄字子惠神武長子也魏武定五年正月景午神武崩辛亥司徒侯景據河南反七月戊戌魏帝詔以文襄為渤海王八月議者咸云侯景猶有北望之心但信命不至耳又景將蔡遵道北歸稱景有悔過之心王以為信然謂可誘而致乃遣景書

以上總集書札之屬五部附梁有八部為

第十七類

集策一卷殷仲堪撰

殷仲堪有雜集一卷見前

通志藝文略商仲堪策集一卷

策集六卷

不著撰人

唐書經籍志策集六卷謝靈運撰

唐書藝文志宋伯宜策集六卷

案兩唐志各有策集而撰人各不同未詳

孰是謝靈運有賦集連珠集等凡八種見

前宋伯宜始未詳

梁有孝秀對策十二卷亡

不著撰人

通志藝文略秀孝對策十二卷注云隋志

案秀孝對策者舉秀才對策舉孝廉對策

也鄭漁仲氏所見隋志作秀孝今本作孝

秀者似後人妄改

宋元嘉策孝秀文十卷

不著撰人

唐書經籍藝文志宋元嘉策五卷

通志藝文略宋元嘉策秀孝文十卷

以上總集策對策問之屬三部附梁有一

部為第十八類

誦諧文三卷

不著撰人

誦諧文十卷袁淑撰

袁淑有集見別集類宋代人文中

唐書經籍志誦諧文十五卷袁淑撰

唐書藝文志袁淑俳諧文十五卷

張氏百三家袁忠憲集輯本序曰陽源俳諧

集文皆調笑其于藝苑亦博籥之流也

嚴氏全宋文編曰藝文類聚初學記太平御

覽並引袁淑俳諧集合存雜九錫文又勸進

牋驢山公九錫文大蘭王九錫文常山王九

錫文凡五篇

梁有續誦諧文集十卷亡

不著撰人

梁又誦諧文一卷沈宗之撰亡

沈宗之有集見別集類宋代人文中

案七錄隋志載誦諧文共四部殷芸小說

引誦諧文一條云孔文舉中夜暴疾命門

人鑽火其夜陰瞑門人忿然曰君責人太

不以道今暗若漆何不把火照我當得鑽

火具然後得火文舉聞之曰責人當以其

道不知在何家之書

梁又有任子春秋一卷杜嵩撰亡

晉書儒林杜夷傳夷廬江潯人也著幽求子

二十篇夷兄崧字行高亦有志節惠帝時俗

多浮偽著任子春秋以刺之

晉書惠帝本紀帝之為太子也朝廷咸知不

堪及居大位政出羣下綱紀大壞貨賂公行

勢位之家以貴陵物忠賢路絕諛邪得志更

相薦舉天下謂之互市焉高平王沈作釋時

論南陽魯褒作錢神論廬江杜嵩作任子春

秋皆疾時之作也

崑山顧炎武日知錄曰晉惠帝時廬江杜嵩

作任子春秋壬子元康二年賈后弑楊太后

于金墉城之歲

案顧氏言則任子即壬子殆因觸時忌故

變其文制

梁又有博陽秋一卷宋零陵令辛邕之撰亡

辛邕之始未詳

法集百七卷梁沙門釋寶唱撰

寶唱有名僧傳見史部雜傳家

開元釋教錄寶昌博識洽聞武帝甚相崇敬

天監年中頻勅撰集皆愜帝旨

以上總集誦諧之屬二部附梁有四部殿

以法集一部為第十九類終焉

右一百七部二千二百一十三卷通計亡書合二

百四十九部五千二百二十四卷 實在著錄一百四

十七部附著錄有亡書二百三十四部內略去四十五部實附

著一百八十九部通計三百三十六部

案七錄錄目文集錄第三曰總集部十六

種第四曰雜文部二百七十三種兩部併

計二百八十九種本志合為總集一類蓋

自第二類賦集以下皆雜文之屬也存佚併計增輯者四十七種

凡集五百五十四部六千六百二十二卷通計亡書合一千一百四十六部一萬三千三百九十卷
實在著錄五百九十部附著錄有亡書六百五十九部通計一千二百四十九部

凡四部經傳三千一百二十七部三萬六千七百八卷通計亡書合四千一百九十一部四萬九千四百六十七卷 實在著錄三千二百二十二部附著錄有亡書一千五百四十五部通計四千七百五十七部
道經三百七十七部一千二百一十六卷 凡分四部詳見卷首敘錄

案七錄敘目仙道錄外篇第二曰戒律部 照餌部房中部符圖部四部四百二十五種四百五十九帙一千一百三十八卷與本志部目略同則梁隋道藏無所更長也 佛經一千九百五十部六千一百九十八卷 凡分十一部詳見卷首敘錄

案七錄敘目佛法錄外篇第一曰戒律部 禪定部智慧部疑似部論記部五部二千四百一十種二千五百九十六帙五千四百卷與本志部分大異則梁代經藏之類例與隋人不同也

後序

隋書十志皆包括梁陳齊周隋五代其纂脩經籍志也以隋代官私書目所謂見存者類次為長編附以梁代之所有其四部總序之末皆援據漢書藝文志為說知其師範班書而漢魏以下典籍莫備于梁代欲綜括梁以來所有為一志以繼班氏之墜緒矯前史之未備焉其篇敘每云今據見存案見存書目不一家如牛弘王劭之所撰及本志簿錄篇所載開皇八年書目香廚四部目錄大業正御書目之類皆是也所注梁有亦不止七錄一家如丘賓卿天監四年書目殷鈞天監六年書目劉遵東宮書目劉孝標文德殿書目之類亦是也或以為梁有諸書皆七錄不盡然也 詳見子部從橫家篇末 卷首總敘云今考見存分為四部合條為一萬四千四百六十六部有八萬九千六百六十六卷此即其所鈔長編之數領其事者即就此數刪除其復重寫為定本而刪除不盡仍不免於重復者則以但見書目不見本書疑為別本不妨互見故也 校書有本書可見修志唯書目是從各為一事亦各異其職故史志與書目以同而實異未可一例論 然書目門類各不相同書名題目亦多別異修志者于門目類例既不甚明曉于書名同異又多所拘擊故其中多有見於前復出於後著於此復注於彼者而注文不與本文相維繫率意比附於

撰人時代每多離合失次章法亦未能盡善其於七錄所載之書亦多有刪棄總集篇注云梁有魏晉宋雜祖饒讎會詩集二十一部凡如干卷今略其數知所略二十一部皆此之類是則刪繁就簡得事要矣而史部舊事職官儀注刑法雜傳譜系簿錄七篇以七錄敘目校之略其所載之書幾及三百種皆不言所略部數自亂其例以簿錄篇略去諸書覈之非皆不足紀實草率了事也 四部之中經部根據七錄大純小疵史部前九篇著錄無多有條不紊雜傳地理兩篇為陸澄任昉兩書所淆奪編次無法殊失體裁子部五行及醫家之後半篇收載最多紊如亂絲此四篇為全書之概累集部別集一類有時代可循易於部署總集一類則各接文體排比本易故節次而下亦有條理統觀大致經集兩部為優史子兩部瑕不掩瑜大抵長篇累牘記載繁富夾雜于見存七錄者皆未能範我馳驅首尾一貫類例不熟故分隸不清動為他家書目所束縛而遷就依違茫無把握知當日與修是志者非專門之學不能如李淳風之於律曆五行而勝任愉快也此本志緣起事理及四部純駁之大略也四部所載存佚併計綜四千七百五十餘部散見於傳記有著其本事者有言其命意者有稱道其美詆諆其短者有載其文字而錄存其序目者自史漢三國以

迄李延壽南北朝十五史之中不知其幾百千條也其見於諸子雜家類書小說文集業者亦略相等而自古迄今未有罔羅蒼萃爲一家言者亦未有注釋校勘起而修治之者夫以略而不詳之撰人亡而不見之書名茫無可考之體例亂無可理之頭緒與夫門類節次之殊古今存佚之數寫失刊誤之虞避諱改更之故舉凡急索解人不得者一旦疏通證明使之原原本本粲然盈屬豈非一大快事哉前哲既未有成書 說部中有考論是志者僅數條或數十條

而止予故樂爲之而不疲也夫考證之學至無窮盡識大識小或得或失各就其心目之所致吾于此書多心得之言爲前人所未發亦有駁前人舊說之未安者當其危疑莫釋堙沒無徵有累日尋思不得忽開悟於俄頃之間有一時委曲未詳而轉輾得數事之證思之思之鬼神通之有不可能然而然者亦莫之爲而爲也一書之中凡本事可考及命意所在者靡不著于篇其或疑信參半亦姑過而存之撰人始末必求其詳盡如漢之劉歆魏之崔浩皆一代聞人而歆之後事本傳不具散見於翟義王莽傳浩之死難千古痛酷別見於史通及高允傳凡斯之類欲略見其梗概故不覺其曼衍儻亦所謂知人論世之一助乎 劉歆有爾雅注崔浩有周易注並見經部小學類易類取裁安處之間幾經審慎而始定訂

正疑異之處數易稿草而後成 世本一書史部諸系篇所載凡三部自來著錄之家所言皆誤今分別是正至四易稿而定其他類是者亦間有焉

力摒繁冗不切之言務存簡要覈實之語其節引四庫提要簡明目錄及近人序跋者則其書尙傳于世可知也引諸家輯本序錄及孫祠書目書目答問者則其書皆亡亦或因善本足本而舉出者也又自古甄錄詩文者莫如鍾嶸詩品劉勰文心雕龍存于世者莫如鍾嶸詩品劉勰文心雕龍而蒐聚詩文之遺篇佚句近而可徵者則惟馮氏詩紀嚴氏文編爲備故于別集類皆引述之以見大凡而佚文有無多寡之數亦于此可見也唯恐不出于人不得已而始謀諸己大抵四部之中可考見者十之八九其不可知者多無足重輕之書故前人置之不復道亦不引用也昔顏監集注班書謂蔡謨以來之注本大率意浮功淺吾於此書不能詳稽遠攬功誠淺矣而彌縫闕失積累餽釘意則自信其不浮也雖然豈無憾哉吾家自先贈公以來聚書至數萬卷不爲寒儉矣而唐許嵩建康實錄二十卷四庫別史類著錄昭文張海鵬亦刻之與原本書鈔續高僧傳等書求之累年不獲皆所未睹又昔年嘗見明修宋版隋書今復不可得無以証證故篇中失考之處每不能自己此新撰考證未盡之例之大略也隋唐相去不遠故二代著錄亦

略相同隋代亡書唐時復出著於羣書四錄者不知凡幾即唐書經籍藝文二志之所載是也本志所有見於二志者亦十有八九往往于本志疑滯不解之處尋求二志互相證驗則渙然冰釋得其本原蓋標題詳略之間雖一二字之異同增減足以祛疑釋滯而有餘故書中於唐宋志著錄之文必分析條舉以見其概不以爲煩瑣而省略之而經籍志全鈔羣書四錄于本志尤近其爲裨益胡可勝言 舊志摭毋嬰等所撰故條理并非新志欲駕而上之多所更易反形

其拙若無此二志則沈霾黯昧不幾面牆而無從措手乎既從二志參互考訂頗得端緒又從七錄鈔目反覆勘驗并得脩纂取裁之所以然故于是志頗能見其會通條例節目約略可言著見於篇中者時或有焉通志藝文略紕繆多端不能辨隋唐三志之異同故類多重複疑誤後學 已 于子部雜家博覽條下發之又略見史部譜系類中與夫高氏之子略割裂挂漏 略見子部道家老子類中又歷譜家後魏甄叔遵七曜本起條 皆顏監所謂意浮功淺流俗短書唯關於考證者間一及之焦氏經籍志更妄誕不經無所取材焉宋史藝文志崇文總目晁志陳錄玉海通考經義考小學考時有采獲而玉海區分類別事微實賴以觸發者尤多此外如章氏考證雖止乙部十三篇馬氏輯本亦唯經子之什一藉以取證亦

頗可觀而新雕嚴氏文編則收錄之富考據之密尤沾既不窮焉嚴氏深于目錄考證之學所輯之書舊在四錄堂類集傳刻者止十二種見鐵橋漫叟自編四錄堂總目後輯文編多彙次於其中雖曰總集而兼包四部于子部之書所輯尤多集部則佚文皆在實為考据淵藪所次撰人小傳多有不見於史而皆有援據無一字無來歷其書始事于嘉慶十三年致力九年而粗定又致力十八年而竣事後五十五年光緒癸巳九月刊成于粵東會垣之廣雅書局名曰全上古三代秦漢三國六朝文作者三千四百九十七人分代編次為十五集七百四十六卷其序例目錄亦見所著鐵橋漫叟中而漫叟所載輯本序跋有在文編之外者尤足以備采擷焉文編未刻之前其鄉人蔣鑿慮其亡散為編次目錄蔣之友會稽教諭汪曰楨序而刊行之予昔時所采獲者皆其目也其中輯本自歸藏以下不知若干種皆有自序題識于是志甚有益故并記于此此又新撰考證推尋事理得所藉手之大略也始事於癸巳四月至明年歲除而稿具逾年正月接寫清本時復輟業迄丁酉六月完畢首尾凡四年有半云昔歲暮春予寫清本至子部雜家吾友陶大令文冲以常熟會君樸新撰補後漢書藝文志十卷見貽越數日陶國學守次又以常熟丁君國鈞晉書藝文志

二册見畧二君之學與予有同志近在數百里惜不得見之其書亦各有心得之語因復刺取若干條於各類中出其姓名舊例於今人不著名氏或云避標榜之嫌耳予惟擇善而從不知其他

學守次又以常熟丁君國鈞晉書藝文志

到期單

請照以下日期還書

95. 12. 50, 000(H)

臺灣師大圖書館

臺灣師大圖書館

未購
49.12



B10037976





臺灣師大圖書館



B10037976